



08759

續碑傳集卷五十九

江陰繆荃孫纂錄

武臣三

太子太保齊勇毅公家傳

張穆

公系齊氏諱慎字禮堂曾祖世有祖琦父清柱世籍南陽新野縣公幼魁碩父奇其貌教以挽強據鞍十九歲入邑庠為武學生乾隆五十八年也於時川楚教匪起連陷郡縣蠡午蠹爛不恆而襄陽賊且合隊攻樊城蔓延鄧州新野聞鄉里震恐大府攻撲不暇下教所屬責之團練父於是畀公裘一馬一諭曰能為

國殺賊立功名吾願慰矣嘉慶元年公遂率練勇入伍隸慶將軍成慶下嘗追勦逆匪於襄陽縣之葉家店鎮安縣之大中溪甯羌州之馬黃溝廣元縣之流沙坡略陽縣之曹家山竹溪縣之雞骨梁襄陽府之灣門岡平利縣之平溪河首尾十二年由楚而陝而蜀而復楚枕戈暮馬不啻百戰所到必生禽其渠斬馘不可勝計而淬厲其氣亦遂以勇名聞天下被

先帝知一時自揚忠武公外無其倫也經略額侯薦其材武每簿上功

續碑傳卷五十九

輒奏

子升階比三省教匪平已洊官游擊開府陝安鎮戴孔雀翎屹然負海內望矣忠武公與公雅契十八年潛滑之變首檄公赴援十月師抵新鄭遇賊道口河忠武公揮兵直前蹙之公繼進賊氣奪退入巢次日公獨要賊衛河西岸蹂之賊掠中市所率騎截其歸路賊渡河將南竄復由衛河驅至道口東與官兵夾擊之毀浮橋扼賊西突遂奪道口巢敗桃園援賊兵進次滑駐營未定城北門出賊萬餘來劫激兵再戰相持竟夜遲明城內復出賊二千與外合躍馬橫衝之陣中斷乃大奔潰已而遇賊陽武縣之延州集有賊目乘車來手發一銃斃之餘眾譁而北賊入新鄉戰牛市立摧破之首逆李文成劉國明屯司寨為負隅勢建策由淇縣大廟山右入直下擣之屢戰自土岡仰攻司寨冒矢石毀其寨垣縱火焚祠樓無得脫者計自道口接仗至此大小十有三戰凡手縛著名賊日七十餘人生禽二千餘人斬首五六千級救出被脇難民萬有餘口奪獲旌幟軍械牛馬無算敘功最諸將恩加健勇巴圖魯號疊

賜佩飾銀幣十二月進圍滑城擊殺百餘人禽九人首逆黃興宇在焉

城轟陷手藏先登自日出比日映生禽又二千餘人擊殺無算滑縣平

奉
旨先換二品頂戴以副將升用岐山三才硤股匪作亂擾及寶雞隴州復偕忠武入關十九年正月由盩厔郿縣進兵及賊於伯陽嶺苦戰一晝夜殲首從四千餘人進追至二十四壩都督河更迭大創之關隴肅清奏補神木協副將晉授西安鎮總兵二十三年調陝安道光元年擢甘肅提督二年二月西甯插帳番擾河北公率本標兵出扁都口由庫庫諾爾西北進至葉瑪圖一戰於烏爾哈達再戰於哈錫格山梁再戰於落它灘生禽三十六人擊殺二百餘人餘賊向克烏蘇遁大軍抵雪山口番眾率老弱乞免死放還河南誓不敢復渡北岸遂班師

上嘉其嚴事神速

獎賜佩飾交部從優議敘三年正月

恩賚長矛二高麗刀二厄魯特烏銃自來烏銃雙箭烏銃各一仍

衰其平番勞績云六年秋喀什噶爾不靖長文襄公調公赴阿克蘇總理營務充翼長行抵庫車聞父喪文襄爲請假七日成服俟軍務竣補行守制奉

續傳卷五十一

二

上諭齊慎急公圖效著傳旨嘉獎加恩賞銀二百兩由河南藩庫提取交該提督家中爲治喪費十一月派防禦烏什喀倫有奇里克部布魯特助逆抄掠公蹤蹟得之於松樹林佳噶賴阿勒坦克烏玉布拉克諸要隘戰屢捷生禽三百餘人擊殺九百餘人并手縛其比庫圖魯克張格爾所倚以擾烏什者也七年六月移駐哈蘭主喀倫外之倭胡素魯遏賊內犯有自回部逃歸者言回人魯公威名與忠武公等忠武公美髯回人稱曰哈薩諸班而稱公爲蔽龍諸班蔽龍華言虎也回部平遵旨回籍守制八年九月假滿入

覲改授古北口提督續像

紫光閣

御筆更題強謙巴圖魯號

贊曰新野武庠滑縣擊賊提督兩省忠誠報國烏什防邊禽勦出力大頭目誰庫圖魯克十二年二月骹疾作奏請開缺調理奉

上諭齊慎前在楚省軍營兩受矛傷滑縣首先登城石傷尤重實爲奮勇出力在直隸提督任內整飭營伍訓練操防俱臻妥協茲因傷溼復發一時未能就痊著允所請準其開缺回籍安心調理一俟病痊卽來

京另賞差使歸未尋河南巡撫奉

廷寄委員慰問十三年四月在籍拜甘肅提督之

命十七年調任四川因舊疾復發請假奉

上諭四川提督統轄全省營務最關緊要齊慎操守清廉訓練認真朕所深知是以調補著毋庸限以假期卽於途次安心調理準其緩程赴任以示體恤秋抵蜀雷波夷蠹動力疾提軍前進入大小涼山攀箐覓路短刀索戰寸步之外懸崖刺天忘疾之在身也凡搜禽夷匪將二千計十二月撤師出山得

旨優敘十八年調任雲南冬復調四川二十年英夷犯順虎門失守公

奏請赴剿奉

殊批忠勇可嘉二十一年二月

上既授奕山靖逆將軍則

命公爲參贊大臣馳赴廣東公至無可措手者率所領川兵五百駐紮

省西北六十里之佛山鎮防禦奸匪撫夷之議獨不會銜十二月崇陽

民變奉

命仍作爲參贊大臣馳往剿辦中途聞崇陽亂平回本任未幾復奉

命赴浙江會同揚威將軍辦賊公駐軍甯波城北三城未復而逆夷破

乍浦犯松江陷寶山陳忠愍公死之夷艘入江公不勝忿懣請率所部

兵邁行赴援奉

殊批如此奮勇必能仰邀天神佑助六月抵鎮江則軍資器械無所取

給而鎮道大員昌言避寇疏劾之逆夷旣得鎮江不守以二三大船塞

南北江口領大隊赴江甯要索金錢馬頭務滿欲公無可如何激厲親

兵夜募入鎮江城殺其留守夷人夷疑且畏不敢復居城內事竣仍回

本任二十四年三月初十日卒於馬邊行臺年七十遺疏入奉

上諭四川提督齊慎服官四十餘年歷次軍務無不在事馳驅戰功卓

著自簡任四川提督以來訓練操防尤屬認真方資倚畀遽爾溘逝殊

堪軫惜著施恩賞加太子太保銜照提督例賜卹任內一切處分悉予

開復伊孫候選知縣齊偉於服滿後送部引見所有應得卹典該衙門

察例具奏旋蒙

諭祭葬

賜諡勇毅子重義戶部主事孫偉倬健
論曰近五十年名將皆崛起於三省教匪之會汾陽西平功成身泰如

揚忠武尙矣餘頗有以智術才略博五等賞者而晚節不終爲世僂笑殆天奪其鑿耶獨公氣沈志定不懟不悚南雷之節炳於丹青然或百戰而不挫其鋒或束手而無所用其武抑遭會有幸有不幸也忠武請

老
上從容問異日如有軍務武臣中誰可繼鄉者忠武奏齊慎材任將帥嗚呼英夷之變使忠武尙在行間公之功名不且與川楚濬滑等烈哉福建水師提督陳公行狀 包世臣

曾祖永福字介齋 誥贈振威將軍妣張氏 贈一品夫人

祖伯山字松心 誥贈振威將軍妣崔氏 贈一品夫人

考啟源字箕園 誥封武翼都尉 晉贈振威將軍妣王氏 封淑

人 晉贈一品夫人

安徽直隸泗州籍僑江蘇揚州府寶應縣城內陳階平年七十九狀公本名安魁字階平號雨峰於海州參將任內更以字行雨峰遂爲字別號鹿岑泗州陳氏源太邱居臨淮關其世次不可考至公會祖乃由臨淮遷泗販茶來往淮揚間六安蛟患蕩其業遂僑寓清江浦迨封翁益貧窶挈公負販浦市遇鹽城相士潘瑞堂驚曰此子軀長而色青真

續神傳卷五十一

四

甲木行人武貴當極品公之從外祖遊擊王福時已官河標千總諄勸入營公乃以乾隆丙午投河標中營年二十有一派河庫道當差歲餘保送河督轅戈什哈差使勤慎值南河多故兩三年間裏河廳之小舟莊揚糧廳之邵伯南塘桃源廳之師家莊山安廳之湯家莊相繼漫口公皆與堵築之役公生長河壩習見椿埽土石工程又性好研究質問多悉其底裏調河形辨水性尤有心得辛亥拔補額外委次年得經制乙卯拔把總嘉慶丙辰升中營右哨千總戊午己未連舉毛城鋪邵家壩大工邵工將次合龍公以引河頭之攔黃壩爲土料車馬所經歷砥堅實倉猝除難淨盡掣溜不暢大壩每喫重建議傍攔黃壩前用浮土澆替壩以便淨啟攔壩替壩本鬆土又新澆放溜時如湯沃雪主者以爲然邵工應手堵合嗣後東南兩河大工皆循以爲例旋擢葦右營守備王戌從欽差侍郎那彥寶堵合唐家灣之減水壩工甫竣而安徽宿州之匪民王朝名滋事公奉派帶蕭營兵三百名馳赴宿城北之符離集防堵無一賊攔入徐境者癸亥東河衛家樓漫口那公奉命移節督堵公隨往次年春合龍保奏尤爲出力

賞戴藍翎乙丑又調堵睢南廳之郭家房而安徽之宿毫蒙三州縣匪

民余連樊牛兒等滋事公奉派帶兵防堵會同各路將弁戰於郝家集生禽余連等並頭目二百餘而皖豫交界居民平日多持素誦經恐株累洵懼不可止公密陳兩江總督鐵保曰小民持素諷經本爲向善祈福非惡逆比儻不肖弁兵藉端訛索必致以擾累激變鐵公卽出示嚴切曉諭云擾累良民有狀者行軍法人心始定初賊勢甚張值大雪封路賊眷坐牛車不能行進退牽掣得速蕺事而善後實賴公策是年公捐升遊擊在守備任候選次年調堵王營滅壩蕺事大吏知公疊次出力保奏以遊擊留省儘先補用旋補松江府城守遊擊仍留工差遣已調揚州營遊擊而王淑人棄養請假治喪葬畢乃莅任揚州謹買所集華廡成俗梟匪出沒擾害閭閻公實心巡緝城廂安枕士民以爲自名宦白雲上之後未之見也壬申奉調引

見以緝捕有成效

賞換花翎癸酉推升海州營參將海州依山負海素爲逋逃藪梟匪設窠口立馬頭者相望窠口則掠婦女搶牛頭勒三日內半價往贖稍遲則婦女轉賣牛頭剝殺視爲故常馬頭則爭奪慘殺不可究公莅任簡標下悉其材技挑三十人爲內班皆善偵探能格捕隨宜任使各當其

續傳卷五十一

五

器梟匪皆通州役營員有舉動州役輒先時送信得走避公偵知各匪所在定更後卽親歷各門視管鑰信不得出城俟人定乃集兵入署以私財具蒸饅火酒飽啖當行者督至匪巢匪尙酣睡無不禽獲有積梟江興遠拔仇挖八人眼一人人心公廉知之訪獲一被挖目者詢悉始末分投追捕江興遠等四十餘人皆就禽置之法州境大憇悉遠遁有劉廷彥等十五人投首歸農繳架鎗六座其制作輕重高下旋轉如意指公備悉其盤煉鎗筒配煮火藥之法乃資而遣之公依法製造督士卒演習爲江省營伍之冠公所挑內班多積勞至專營有與公同任封圻者丁丑遷漕標副將丁封翁憂服闋當赴部奏留江南補用辛巳署狼山鎮總兵官壬午補江甯城守副將署徐州鎮總兵官癸未署蘇松鎮總兵官甲申擢湖南鎮總兵官卽之任丁亥

陸見回任己丑奉

旨充祭告南嶽炎帝虞帝二陵使壬辰兼署湖南提督癸巳擢廣西提督戊戌調松江提督提屬三鎮皆公所舊歷水陸操防駕輕就熟不勞而治己亥以夷氛驕蹇調廈門提督公年已逾七十兩足習勞久時瘴痛艱於馳驟然部署形勢精治火器島嶼防禦無不周庚子夷再入廈

港公督兵拒戰連殲其目夷舶遠竄嗣督閩者以公年老有疾奏請休致公歸田後夷人知公已去廈辛丑秋遂長驅直入督部駐廈不能禦遂致失守而定海鎮海甯波相繼陷

上怒褫閩督職而復以提督起公於家公赴浙協揚威將軍防剿公分防曹娥江入閩月夷人無敢窺伺江濱者壬寅秋夷人就撫於江甯各防盡撤公欲入

覲而兩足不良於行請假調治至甲辰二月二日卒於寶應僑第距生於乾隆丙戌五月九日年七十有九夫人清河錢氏子晉康側室生皆前卒孫蘭尚幼女子子長適甯波衛屯牧季光弼次適六品蔭生候選通判雲中壘亦早逝女歸侍公少小食貧未能就外傳入伍後乘暇隙從人問字義講文法泊登仕版遂能自具稟牘稿壯強以後讀書益多封圻奏議皆已出千餘言立就委縉有條理老書記不能及也公雖出身行伍然河轅止重走差且派辦多河營修防事及專營揚州以將事首重練兵而練兵非身先不爲功時公年已四十餘晝從馳射夜習擊刺又以筋骨素脆弱聞徐州有石子功師延至署學引經卷簾諸術經歲強壯健舉營弁莫能先揚營士卒感公之意爭練習竟成勁旅在海

續傳卷五十

六

州見鈔本并辭百金方卽捐廉付梓听夕玩味求製器結陣之故必懷於心試諸事以歸實用其鎮鎮筮也適果勇侯楊公爲湖南提督侯身經百戰翦刈蓬蒿至夥爲名將公師事之受其疊戰梅花新陣公就侯五隊舊法推出五星分布爲二十五隊以宜苗疆地勢緣山絕澗形散而氣合苗民震懼侯巡閱見之歎爲精奇變幻兩湖督嵩孚善其疊進抽退便捷渾成奏請湖南兩省各營一體遵行公又增損古法爲連弩五矢齊發命中洞堅又挑健卒授以鉛瓦紮腿縱跳上高羣以爲無益及逆猺趙金龍據羊泉筮兵從平地縱步登屋前隊受傷而後隊繼登趙逆得以殲除筮兵受

賞勇號大小翎枝拔升者至五六十員甲於各省及夷氛逼廣東各省兵齊集唯公所舊練湖南兵至死不奔北陣亡獨多然後知公爲深得南塘練心之教也夷氛日亟公由松江調廈門公見夷礮能攻堅度其不能制柔因用麻袋囊沙高厚各八尺周護港沿伏兵弁於沙城後以逸待勞夷舶至皆失利閩督旣劾去公易沙袋爲石城夷礮一轟石城陷文武皆跳渡易石城時拆沙袋中多有礮子至深者不過四尺然後服公之用心精到也公參古今法煉火藥煑一次者達百二十步二次

則百八十三次則二百四十在廈試准以入告奉

旨通飭依式配煉雖軍事小節然他省卒無及者予以嘉慶乙丑始識公於袁浦嗣在揚州乃相善在海州子就食州署共事且一年在淮安在江甯亦時時過從及開府鎮草後相距遠建牙松江則子已薄宦豫章中閒相失廿年然公書必歲一再至道契闊並示結隊製械各圖說及訓兵論民諸刻本予皆未具覆在廈門復以職思圖屬爲記子時方待辨所欲言者至大至急而舍公則更無可與言者乃撰記作答書至廈公已罷歸及公復起襄浙軍先是裕靖節受幕客愚爲大江沙多水淺夷船必不能達而調狼山鎮防鎮海之奏予見其稿竊意夷人旣噍血廈門必復震定海以及乍浦上海撼狼福入大江截運道爲

國家深憂而長江唯圖山天險可截夷船寬急遞致書靖節諷其移重鎮守圖山書達不數日而定海復陷靖節旋與難嗣見邸鈔知公復起卽致書申前說並錄寄職思圖記稿本公得書卽函致揚威及江南當路莫有然其說者遂致京口失守白門辱及城下事權不屬徒歎手柯傷已公性尤坦易有容在海州捕梟匪獲鹽三百車皆臨興場產其場

續傳卷五十

七

大使韓姓者平日謠詠公無不至公幾被陷至是韓於法當革職枷示五十日恆懼計無所出知予最善公徑走予齋跪求緩頰不得已借詣公予先入及其事公曰韓之於我深矣然借公事以洩私忿非君子所爲出示稟稿則已列韓家丁差役名爲協獲例得免議予出語韓韓愧悔無以自容欲卽執贄居門下公峻拒卒不見之生平於友朋中受一言之益終身不忘而已樹德於人及戚鄰負公絕不一挂齒頗實人情所難公病旣亟持蘭手命其監奴曰汝俟我氣絕卽殯奉蘭赴白門吾有兩友在彼一爲正藍旗協領奎君一爲包君汝請奎君爲我乞包君爲我狀包君習我行治其言可以信天下後世語畢遂瞑協領名奎光字異之語練旗務爲江甯駐防所歸心於友朋閒重信義辛丑壬寅與公同守曹娥江相需有成善士也來致公末命予不獲辭謹具狀如右以告當代大人先生錫之銘誄並牒

國史館請垂編錄道光廿有四年春二月十八日江東布衣包世臣謹狀

廣東陸路提督郭公墓志銘

馮桂芬

數年以來逆夷內犯濱海郡縣苦蹂躪往時所謂驍勇名將以汗馬功

聞天下者半已前卒存者僅數人率以偏敗或援絕或文臣掣其肘不能展其志多戰歿中外想望風采以爲才堪辦賊者曰正定郭公乃適以其時邁疾薨於是勳臣宿將幾盡矣吁可慨也公薨之二年孤子殿元等將以某月某日葬公於其邑東兩嶺村之原以李夫人祔禮也先日走京師奉公行狀啟子門以闕幽之辭請余夙慕公戰績遂不揆其不文而應之按公諱繼昌字厚庵世爲直隸正定縣人曾祖世偉祖珍父學御三世皆以公貴

贈振威將軍母某氏

贈一品夫人生丈夫子四公其長也少歷行伍年二十一補正定鎮標

左營外委稍遷固關營桃源汛外委把總嘉慶元年教匪蔓延川陝楚三省公從直隸提督慶成公征湖北敗賊於張家塘升督標後營把總巴州賊羅其清將自營山犯順慶復從西安將軍恆瑞公赴援與賊戰於鯉魚背公冒矢石前驅身被重創戰益力大隊繼進遂大勝旋聞通江賊冉文傳太平賊龍紹周等自大神山竄龍鳳坪我兵由馬鞍山進攻克之斃賊目冉文富遷山永協山海路千總無何襄陽賊張漢潮等入陝恆瑞公檄公赴甘肅會剿賊屯帶羅山我兵自五福河掩擊敗之

續碑傳卷五十

八

又連敗之於老柏樹於大中溪於高家溝升督標右營守備尋擢龍圖營都司三省平改懷來路都司授宣化鎮標中營游擊署獨石口副將遷陝西宜君營參將道光元年夏赴喀什噶爾換防明年遷陝署督標中軍副將又明年授陝西定邊協副將其冬改甘肅安邊協六年夏六月帥陝西兵換防葉爾羌七月道出阿克蘇會逆回張格爾叛連陷喀什噶爾等四城勢張甚阿克蘇當其衝戒嚴伊犁將軍大學士長齡公知公才留公總理營務翼長城北有托什罕河賊屯河北官兵距河守秋八月庚午賊眾潛渡渾巴什河直趨我營公迎擊賊敗走追奔十數里昏暮乃休舍時賊分兵進薄阿克蘇城圍協領都倫布營數重告急於公還兵救之公以兵少不敵調額爾古倫馬隊三百與俱時夜將半率都司李遐齡卷甲趨數十里味爽突圍入賊出不意皆披靡斃賊目庫爾班素皮餘眾大潰官兵追之及河爭渡溺死者甚眾是役也公獨當大敵解重圍殺賊渠先後禽斬千餘人獲馬牛軍械旗幟無算賊爲奪氣總督楊公遇春上其功

優詔褒獎晉總兵加伊清阿巴圖魯名號伊清阿者漢言幹勇也

賞戴花翎七年春二月從大軍進剿抵大河拐夜賊眾數千乘我營公

擊卻之從下喀什噶爾城張格爾先期遁獲其族屬既先後復四城賊勢窮迫竄卡外我兵蹙之至塔里克打坂賊據山拒公分兵繞賊後縱擊賊驚我兵乘之前後夾擊賊大敗冬十二月大軍圍賊於鐵蓋山生禽張格爾檻送京師天子御午門受俘

詔繪功臣像於紫光閣

親爲之贊公與其列時公已除安徽壽春鎮總兵朝於京師召對

勤政殿者再獎勞有加

賜蟒衣文綺荷囊以寵之改陝西延綏鎮總兵尋赴喀什噶爾剿逆回餘孽再充營務翼長還署固原提督十七年遷廣東陸路提督抵粵之明年逆夷蠢動海防亟公往來廣惠聞爲守禦計以積勞致疾時公年七十有四鬚鬢皆白飲啖稍稍衰矣猶橫矛躍馬與少壯角藝毅然以殺賊立功爲己任顧久之病益篤不得已乞休疏上之明日而薨公內行誠篤通經史大義用兵法古而不泥古生平由行伍洊登閫帥大小數十戰創痍徧體臨陳輒先登爲士卒倡士卒故樂爲用戰未嘗敗北手禽賊以百計殺賊以千計建奇勳萬里外垂名史成與麟閣雲臺先後輝映可謂偉矣晚官粵邊事日棘每進寮屬語輒以忠義相激厲掀髯目炯炯慷慨見詞色聞者壯之公旣薨賊氛轉熾出沒粵閩江浙諸海口所至大小文武將吏率望風走或餽牽迂境上賊至如歸泛於不可制悲夫公生於乾隆五十有三年五月七日薨於道光二十有一年四月二十四日元配李夫人有婦德先公九年薨權厝他所至是合葬焉子二殿元軍功六品頂戴清元候選訓導女一晉州監生孫紹庭其壻也孫一長慶孫女六銘曰

自古名將幽燕鍾嘉道以來數郭公虎頭燕領骨相雄天山飛箭成虜功玉門陽關嶺度蔥徧軍陷賊圍數重躍馬一呼氣貫虹千夫辟易如摧蓬鋒車所指無崇墉遂焚屬幕龍祠空天西萬里銷狼烽輝煌奎藻嘉爾庸凌煙閣上圖儀容褒鄂鬚眉堪比蹤霸都錫號昭裒崇晚年珠海移華驄鯨吐鼇擲濤翻紅據鞍顧盼矍矍翁手挽狂瀾障川東巨星晝隕天朦朧公不少延民鞠凶同聲一哭兵與農大呼渡河今有宗公身則亡餘盡忠佳城鬱鬱松蟠龍英魂毅魄藏幽宮福祚奕禩垂無窮

署留壩營游擊何公傳

嚴如熾

何公名文韜號渭亭貴州施秉人父飛龍任台拱營參將公少而端凝好讀書嫻弓馬參將公年老公先意承歡以孝稱乾隆丁酉應武試舉於鄉效力鎮遠鎮標乾隆五十四年拔補上江協右哨把總上江民苗雜處漢奸多潛匿誘苗爲匪公倣陽明先生十家牌式就居民編甲乙書十戶丁口牌中每戶輪挂三日責以稽查事簡便而奸無所容巡方者見而嘉之飭州縣倣照辦理六十年調征鎮筸黑苗公從攻克鴨保天星貴魚石隆各險寨嘉慶二年黔省興義狝家苗傾巢爲變公奉檄從征水淹坪魯溝一帶苗巢要地大帥派協領保性率兵數千人分扼之紫卡倫十六公與焉公領百人紫山包剗山四面令陡削如壁掘池蓄水於山頸路口植堅木爲柵部署軍會紳酋合數萬人蜂擁而來衝迤東八營同時皆陷次日苗架梁下撲西營公厲眾曰賊勢重壯士當死中求生否則胥成捨死無名令兵十人張旗幟空壘分餘兵作三疊直前撲公營不虞柵中伏銳師自午至酉槍斃斃轟死亡山積我兵未傷一人天且黑賊吹角拔隊走次日大帥親領兵來援行視戰地大驚異稱公勇健不異趙北平漢水拒魏師也公擒獲首逆王狀元拔授

續傳卷五十一

盤江汎千總五年領黔兵入川剿賊分隸七提軍麾下提軍激賞公甚遇賊勢重輒以屬公戰大橋水次左骹受刃傷擒首逆張士龍前後殺賊千餘拔補鎮遠鎮右營守備未至任升授陝西陝安城守都司當五六年閒各元戎分途剿賊日追逐百數十里山路險遠糧運不繼提軍得士心所帶川黔兵衣藍縷跣足追賊風雪中氣彌厲提軍緣他事被劾分兵他隸士忿曰我輩感軍門恩忍飢寒殺賊未蒙厚賞軍門今被議我輩義不他屬張旗且分走公諭以大義反覆開導始收隊會經略威勇額侯來視師各兵迎經略哭訴經略亦泣提軍事得白而心嘉公之能義服眾也興安新兵多降匪頗獷悍經略慮其生事八年正月檄公由軍營赴本任公馭新兵推誠布公訓導如家人父子軫其飢寒時大祿斗米銀二兩公預辦兵糧按日支放兵不得食貴又買營田收租課定津墊章程新兵大和輯十一年秋甯陝新兵王麻子蒲跛子等二百餘人倡亂各營蠢起興安新兵獨守義不動公之力也制軍檄公署甯陝中營游擊公單騎至甯陝眾軍見公至大喜公激以忠義皆矢殺賊自效十三年繼勇侯德制軍長撫軍方會奏移甯陝鎮安設漢中軍府初闢百務維新公偕南鄭令楊大坦繕兵房建衙署設教場武庫位

置井井遇水旱先爲兵籌米穀規畫如興安時朔望講行軍紀律揖立
義學訓兵家子弟著誠而行弁兵愛戴服教提軍楊公倚重如左右手
十八年冬岐郿庸匪滋事總兵吳廷剛領重鎮兵剿賊萬五苦戰藍屋
甯陝間另股吳抓抓由洋縣城固趨褒沔略陽沿途裹脅眾至數千鎮
兵壯健胥從征存老弱三四百人城洋哀告急賊焚掠至南鄭之新集
火光照郡城公偕守令勵兵壯張聲勢賊不敢犯事定長制軍奏聞
賞戴花翎公積勞成病數請告楊提軍心憫公而念新營之難得人也
調公署留壩營游擊俾少休息而公病卒不起以二十二年六月十二
日終於署享年六十有六漢中陝安兩鎮兵聞之罔不哭兩鎮士民亦
多泣下有子三人長應奎次應烜州吏目分發直隸次應懋太學生讀
書能文

論曰子宰洵陽始識公公被服儒素性寬和無急言遽色僚屬以非禮
干公坦懷待之四座皆古格言喜臨池工書有二王家法士大夫挾纁
素求書者盈門公應接無倦從容揮霍皆稱其意而去史稱卓太傅犯
而不校祭征虜雅歌投壺公其庶乎而臨大敵處大事決策權奇赴義
慷慨烈烈類古豪傑勇力振世守之以怯信乎賢者之不可測歟

淮揚河營游擊黃君墓碑

一

淮揚河營游擊黃君墓碑黃氏其先安徽人曾祖成遷徐州宿遷縣祖以龍
生仕忠仕忠有三子君其長也自曾祖以下

贈如君官君起家行伍河督徐公分巡淮徐時陰識君稍擢至守備時
裏河數潰決五年之中文武被議者七相國蔣公以爲非君不辦徐公
聞之歎曰黃某才幹兩河無雙然此極弊區深爲憂之君受事數年卒
無事嘉慶十七年河決睢入湖湖大漲劉七堡以洩旣築而圯數十丈
大帥惶急面詢君君曰得半月保爲了之未期而完二十四年河大決
蘭儀灌湖湖壩畢啟已而馬營壩潰黃流北徙湖不竭如孟水下若建
飯君築束清壩以資收蓄功尤鉅君敏果精物理尤長治湖每每濠河
決而南必歸湖湖不支則潰過洩則竭潰病民竭病漕是二役微君幾
殆道光三年遷淮揚游擊明年權參將又明年而有武家墩之役時奇
寒西風大壯磔石崩泐君馳往湖波雨下亦著體如鑄士卒無不一當
百然猶旬日之中塞五壩檔內堵息浪庵缺口者四五幾獲濟泊大吏
被罪去君例得罰猶留工旋奉檄探海絲網濱風駛船驟從兵兩泣君
神色自若六年春東河督張公奉

命至當是時黃驕清懦禦壩不啟張疏力陳荊良口之議而節使琦善主開滅壩張執議後不敢堅對依違其閒君兩陳其不可且言河北生靈百萬縱放河有功公何以堪之言甚危切卒弗聽旣而委咎君落一官非其罪也復爲襄河守備臨湖舊無石工君建議得請自嘉慶十三年裏河數十決君始居是職至是而告成前後幾二十年無蠧子之漏誰居君之力焉君天性孝友贈公疾未嘗解帶撫寡妹數十年如一日貧而好客客大至嘗除日日召諸子前日逋負了未對曰已辦君大笑曰飲酒故事同知官過境必齎銀物爲餽一無所受以是人皆笑君子女九人婚無顯者曰華族無再盛其達識雅致皆此類也配孫恭人佐君孝養雖產蓐侍疾不衰總櫛洮頰皆親爲之撫君弟妹如同產生嫁女薄其奩曰毋使過諸姑蓋非是不足以配君之德君以道光十年六月二十五日卒年六十有四恭人先君三年卒男子子五人長斌東河縣丞候補通判次佩淮徐營游擊次宜從九品次戊安徽南陵縣丞候補知縣次晉漕務千總候補守備女子子三人孫四人以其年月日葬於某原自君歿之八年一同始獲交於君之長子斌聞君事尤詳又七年而以狀來乞文其隧道之石表君之風風於有位雖不文其敢辭銘

湖水清君則瀦之湖水濁君則渠之旣瀦旣渠旣奠厥居是宜尸之下相鬱鬱我公歸今之人兮公不來

書劉天保

蔣湖南

劉天保河南睢州人也幼無賴習奔命法能閉氣行四十里始一喘雨隨其後不能及年二十販鹽山東界上與羣梟鬪解其魁一臂肩之行梟夥期復仇天保應期獨身往羣梟怪之拔刀出天保笑曰餓矣速具酒肉飽乃公解衣盤礴連盡數巨碗一人刀舉大嚙咤曰吞天保張口從刀尖上吞肉大嚼羣梟愕眙相率推排拜庭中請長其羣曰今日乃服公天保笑而起久之折節讀書應童子試督學使者疑其文擯之天保怒投牒試弓馬遂入武庠河南巡撫楊公國楨聞其名招置麾下爲材官連禽巨盜撤千里桴鼓累功至光州營都司道光二十一年英夷陷甯波天保慨然思一當大敵會兩江總督牛鑑檄天保守上海而揚威將軍奕經亦奏調天保赴浙江天保至浙見官兵不可用白幕府請回光州募健兒五百人異軍特起當是時天保氣銳甚思生禽渠酋俾之返侵地自贖奏而赦之沿海可保無事若徒爲甯波驅除非永靖海

疆計也吳祥爲甯波語聒門者入甯波裴小狗夜半躍城入與祥會留三日畫圖條列賊守狀取鼓樓上夷字書還以爲左驗小狗者息縣猾賊吳祥者固始白役皆天保所遣也於是天保上狀將軍請爲前鋒取甯波而將軍已於十月中潛結陸心蘭心蘭本倡家受英夷官將軍亦賞心蘭花翎五品銜約夜半舉火獻城又用術者言須五虎以次年正月二十八日始進兵五虎者年月日辰皆寅寅領官兵亦寅命也軍中惟段帥永福寅命故以甯波委段帥而令天保與山東都司聶某取鎮海期久謀洩心蘭以情輸賊賊使心蘭給將軍不可舉礮將軍乃下令人攜刀繩各一有礮火器者按軍法以故軍覆段永福與三百人免還而天保隔六十里未之知天保所將鄉兵皆舊捻子中奇材劍客也練火器昇臺礮四十鳥銃百輩某以將軍令難之天保不得已置鎮海西十里廟中夜半抵西關候至黎明無火裴小狗登城瞰城內列銃如林喊曰鬼子有備語未絕而火銃及小狗跳免山東兵遁天保令縛大石二千斤三百人舉之撞門門破而火銃排出天保率眾匿兩廂簷下相持未決趣使二百人取臺礮賊忽啟南門出數百人自西關外夾攻之天保與眾登屋走至駱駝橋火器亦至列陣再戰追賊至城下人少不敢

續傳卷五十五

主

攻旋聞甯波敗信還於是將軍以敗賊入奏而令天保屯慈谿與參贊爲犄角參贊以非戰期火藥不時發無何賊大至天保飛騎告藥匱身發礮擊賊賊至山下有死者不敢上天保亦不敢連擊擄拒開飛騎還日參贊全軍去矣眾遂潰二月初四日也天保嘗言賊大礮無准不足畏足畏者連環排銃也然銃五發必熱須冷再用而五百人故善避銃望煙則伏聞響則起無一傷者天保好讀書終日靜坐長鬚偉然下筆灑灑數千言立就待士卒如子弟人樂爲死嘗從余問漢書十志三誦無不熟者其論將貴膽曰膽出於識識出於學不讀書惡得爲名將哉升參將病免卒不獲一效以道光二十四年卒於家余訪其月日不詳軼事尙多因据所知者書之俟得其狀再補爲傳

巴清德傳

吉林通志

巴清德姓額扎特氏吉林人隸滿洲正黃旗嘉慶十八年隨副都統德英阿勦教匪李文成於河南時文成陷滑縣復竄據輝縣司寨欽差大臣那彥成檄德英阿率吉林騎兵自新鄉會攻旣克司寨文成死進克滑縣獲賊目牛亮臣以功賞藍翎尋擢藍翎侍衛道光元年遷侍衛在

乾清門行走充十五善射六年授公中佐領尋擢二等侍衛奉

命隨山東巡撫武隆阿剿匪臺灣事平復隨赴回疆明年逆回張格爾既誼於沙布都爾莊復糾眾十數萬據阿瓦巴特回莊我軍分三路進與侍衛哈郎阿繞莊後翼之賊大潰俘賊甚夥遂北至洋達瑪河濱河回莊逆匪搜剿殆盡

賜號襄勇巴圖魯進復喀什噶爾城張格爾先遁獲其孥及安集延賊目推立汗擢頭等侍衛圖形

紫光閣

御製贊曰親簡勇壯命赴軍營長驅赤面弓馬純精兼嫺火器屢立功名御前特擢望汝干城十年回疆復擾

命偕侍衛舒凌阿赴軍事定留辦屯田十二年隨欽差大臣瑚松額剿匪臺灣嘉義縣首逆尋就獲回京十五年授鑲白旗蒙古副都統明年充國什哈諳達授鑲藍旗護軍統領歷調鑲黃旗滿洲副都統正藍旗正白旗護軍統領管理健銳營神機營火器營事務二十一年英夷不靖海疆戒嚴

命偕御前大臣科爾沁郡王僧格林沁工部尚書賽尚阿赴天津防堵

明年夷擾江蘇復

續碑傳卷五十

五

命率蒙古騎兵駐新城秋還京二十四年署右翼前鋒統領二十六年卸真尋轉左翼前鋒統領三十年擢鑲黃旗蒙古都統署正藍旗滿洲都統咸豐元年署行營正黃旗領侍衛內大臣粵匪洪秀全等倡亂命偕欽差大臣大學士賽尚阿馳往辦賊疏陳汰兵勇明紀律購閒謀散賊黨斷接濟行團練各條得

旨所籌甚合機宜

賞穿黃馬褂時賊據紫荆山後負豬仔峽雙髻山之險而前以新墟為門戶秋與提督向榮由中路搗豬仔峽克之進攻雙髻山率勁卒攀巖上賊不能禦遂潰逐北三十餘里多所斬馘大軍攻克風門坳隘口遂圍新墟而巴清德與向榮趨古林社復緣河以進賊傾巢出戰擊之卻賊因分據山梁仰攻之斬三十餘級殪賊目一賊自焚其巢由藤縣和平墟逸去尋陷永安州

命摘去頂翎復以賽尚阿劾其頓兵遷延

詔褫職留營自效大軍攻永安與提督劉長清進自北路燬龍眼潭馬背嶺賊巢俄卒於軍

詔復都統

賜銀三百兩治喪

賜祭葬

予諡果毅方疾已劇時時橫刀起大呼殺賊及革有茗孟覆以紙兩手牢握之笑曰我禽洪逆矣其志亦可哀也

廣東陸路提督張公墓志銘

顧復初

公諱青雲字楠亭陝西富平人也祖德興父玉堂以公貴

封振威將軍母曰

封一品夫人德輿公夢一黑虎入臥室已而誕公公幼而端凝沈毅出就外傅讀書知大略值川楚用兵慨然思奮因習武中嘉慶庚申

恩科武舉已巳

恩科進士

乾清門侍衛十八年以遊擊揀發山東時教匪李文成聚眾數萬據滑縣遣其黨四掠旁邑響應

朝命楊忠武公為統帥討之東撫檄公赴曹州協勦軍財一旅諸將懼怯慮不敵公曰軍機千端萬緒在所用之而已乃多張旗幟分為左右

續神傳卷五十一

五

翼而自統精銳百人繞出賊背擊之左右夾攻禽斬其渠帥賊眾盡殲由是忠武公得專心圍滑所謂滑縣之捷者也公以功升兗州中營遊

擊署兗州鎮督糧運道光六年以卓異補授膠州鎮總兵十八年授廣東高州鎮總兵調四川北鎮總兵二十年英夷犯順

詔公統兵赴粵時林文忠公已解任代者初來夷恃勢益驕逞直犯省城公適至奕大將軍命公守西礮臺夷船鼓噪而進發礮如雨東北兩

臺守將望風潰將奔謂公宜少避公叱之令軍中曰有敢退者斬手然大礮八千斤轟之眾落水死夷船破碎海面或浮或沈夷人於是始懼

始稍斂和議成

賞花翎授廣東陸路提督公嘗謂僚吏言中國與英夷戰人知用在礮臺之前不知守在礮臺之後臺宜固不宜多宜卑不宜高蓋多則兵力

分高則礮不能及其船且英夷越數萬里而來其利在戰船礮雖精弗能持久我以逸待之密詞察斷句結毋勞師於海俟其上陸并力擊之

靡不濟矣昔戚繼光禦倭寇著有成效彼獨非島夷乎哉故謂我兵不能勝英夷者吾弗信也在粵八年感風溼足疾疏請乞退

詔許之公之次子超官四川越巒同知迎養公以咸豐四年八月初二

日薨於越壽署年七十有八時粵匪已陷武昌安慶江甯等處江左右
大擾公聞報輒瞪目思起用於時而神明衰矣不逮厥志以是鬱鬱疽
發背終配吳氏

封一品夫人先公卒子五長聯鼎次超次峻次鈺次炳聯鼎早卒咸豐
七年超等將葬公於清河堡乞銘於初銘曰

神泉鬱蔥太行猶龍太河走東古維關中育駿產雄篤生張公捷翹關
科珣弓玉戈期門搗訶九閩裴裴肅臨曙虎臣則那彗星色赭有盜
盈野公東走馬滑臺之下道無留者厥散如瓦尉佗北臺缺徒四來羣
疑重猜鞭山出雷天旋地回今非無才鐵馬踏土寒鷗嘯雨幽宮闕古

江關金鼓中原貌虎公歸何所

陳慶鏞

誥授振威將軍福建水師提督林公墓志銘
剛勇尙矣近則忠愍剛勇
國朝水師之將推泉州嘉慶初年李忠毅邱剛勇尙矣近則忠愍剛勇
二陳名振華夷勳載史冊然各以武自奮至於父子麾鉞世炳旂常則
推安溪提督林公公粵東陽江鎮總兵篤齋府君中子也幼雋異與羣
兒戲以兵法部勒指揮陳忠愍公見之曰是兒當以武顯壯爛弓馬習
方畧年十七入縣學武生由水師提標左營額外拔外委歷階把總千

續碑傳卷五十

六

總以擊夷匪功晉銅山守備還左營遊擊權督標水師營參將既除眞
拜閩安協副將歷署海壇金門福甯各鎮總兵凡卽篆皆以簡軍實明
訓練爲事故所在奸宄潛蹤軍威一振咸豐二年補福甯鎮總兵官是
郡環山濱海地貧窳適早疫交作而匪徒乘機煽謠商漁裹足公至首
唱勸糴平糶招商赴臺灣采運接濟步祈雨於大山禳疫於東澳三日
兩作疫遂息百姓歡呼捕通洋巨梟數十人水陸以安三年夏逆匪黃
位寇廈門林俊寇仙遊巡撫王公駐泉堵剿公以雙溪口與賊仔澳互
角爲賊竄海要津卽會師南下越明年五月逆舟果屯賊仔澳公用所
駕檣幢乘上風蹠入賊隊焚其船賊首尾橫斷大敗奔駭公復逆沂至
長表洋率沈三船追獲盜首黃煙等二十餘名置之法是時也黃逆遠
遁無蹤於是閩洋稍靜而艇匪數十復蠢擾甯波奉化等郡縣浙洋大
震督臣薦署提督浙江公馳至卽檄兵四百防守鎮海飭千總布與有
分領戰艦先攻帆礁洋沈其艇三生禽蓬仔帶並逆婦八十三名奪其
艇六公曰是非大創而芟除之不可乃飭象山協副將率兵沿海兜截
俾無竄逸時夷人素聾公名請以火輪船從師進剿八月初七日會於
石浦洋適北風驟作揮師直入礮煙漲天諸師無不奮呼鼓噪海水沸

場逼近賊壘用火斗飛提而下碎大小艇二十三斬馘焚斃落海者無算生禽馮阿瑤等四百餘名越日復尾追搜捕殺賊二百三十七名浙洋自是無艇患矣士商彩樂迎公歸相率謳歌紀公功於遊仙廟額曰永清初公方倡修學宮義塚以踵李忠毅公遺風而六年六月奉福建水師提督之

命議弗果以本籍隸伍提督本省水師自忠愍公而外惟公洵異數也將請入

覲督部以逆氛未靖奏留先赴新任公感激星馳於路受勞溼力疾南下時同之潘塗等鄉素行非義迆公願改行爲良而公到任未幾卽以十月十一日薨於位年五十二諸鄉父老皆流涕謂天其不許自申歟其得人心若此惜哉公諱建猷字孝丕號鴻軒世居安溪茂林社曾祖理月祖道松父志忠卽篤齋府君也三代皆

贈振威將軍曾祖妣氏鄭祖妣氏吳母氏吳生母氏蔡皆

贈一品夫人公元配周夫人前澎湖守備諱萬生女先公十一年卒繼

配吳夫人妾李孺人子五繼恩廣東縣丞繼惠業儒周出繼福繼禧吳

出繼禎李出女二適楊適陳以咸豐七年四月三日扶公柩於同安紅

續碑傳卷五十一

七

石崙山下啟周夫人窆而葬焉禮也嗚呼公自弱冠隸戎行慨然以韜鈴自負旣而位躋顯秩名紀太常然不足爲公多也惟所鎮則軍成勁旅所遷則民表去思而令終之日能使羣兇懾服感激涕零非古名將之風歟雖年僅中壽榮始哀終可無憾矣銘曰

九牧後昆挺生奇傑陽春勒勳茂林隱潔公也繼之克紹世閥名高仙霞功炳甌粵惟忠惟孝曰篤不忘翼翼桓桓於前益光鄞江去思安圯砥柱匪直才華其德實普吁嗟乎大樹飄零兮眾軍欵銘之幽宮兮金石暉

馬襄愍公神道碑 朱學勤

公諱濟美姓馬氏字雲南人也曾祖諱秉孝廩膳生祖諱立

成雲南鶴麗鎮千總嘉慶初追剿川匪遇伏被執脅之降不屈而死父

諱文雄襲雲騎尉嘉慶二十二年奉檄剿雲南臨安江夷匪被害三世

皆以公貴累

贈振威將軍曾祖妣馮氏祖妣張氏妣金氏俱一品夫人公幼鞠於世母年十六襲騎都尉世職發標學習期滿以都司用補鶴麗鎮左營都司署臨沅鎮遊擊調署淮西協副將以薦升提標左營游擊復擢山西

潞澤營參將大吏文章論薦升蒲州協副將咸豐二年擢江西九江鎮總兵公少深沈有大志思以功名自見其用兵以謀勇爲先而尤篤於天性孝友慈愛其意肫如也道光二十二年大理漢回械鬪欲藉端結外夷爲搶掠計公廉知其情日集官兵操演夷知有備解去而漢回亦不敢動事遂已其明年春南甸土目刁成緒串結野夷盤踞咄唻負險自固勢甚熾公相其形勢曰是宜以三路剿之可一鼓而滅遂約其曹分路進公中路直逼賊營而兩翼遼巡不至賊出大隊來撲公奮身衝入斬其酋餘賊驚潰事平論功一級其蒞蒲郡也軍械多殘缺而弁丁久不訓練公卽捐資製軍械數百件日與僚屬講求行軍之法嘗若大敵之至其後粵匪東犯賊竄平陽蒲州之兵實挫其鋒自粵匪之圍長沙而東也勢猖獗數月間連陷武昌安慶江甯所至必殘滅獨南豐不下賊必欲得之公始至九江聞省城有警卽率兵南行而賊水陸數萬環城下我軍數千不能敵公謀更番襲擊以疲之遂分軍爲數隊日夜出擾賊斬首數百級賊以礮轟陷西南城四十餘丈緣缺而入倉卒中莫知爲計公督軍搆其營且分兵襲其後賊恐失巢穴踉蹌奔還城賴以全越日賊復大至公轉戰而前所向披靡賊逸而北軍中以未飯請

續傳卷五十

六

公曰飯則與賊閒矣率眾追之遇援賊力戰身被數創左右勸引還公不肯曰援兵至則賊無遺類矣援兵卒不至遂遇害時咸豐三年六月二十四日也中丞涇陽張公惜公未充其志以實聞

天子震悼

贈提督銜

賜祭葬

子騎都尉世職兼雲騎尉

賜諡襄愍建立專祠子三人俱

賜舉人公旣歿賊氣亦奪解圍而去論者謂南昌之守爲天下最而不
知公力戰之功尙多公旣貴念其世母不置欲迎至署中而世母歿遇
祭日悲悼流涕終身慕之嫁其妹四人周濟其貧乏未嘗有倦色鄉里
之待以舉火者數十家典質應之弗恤也喜讀書嘗謂其子曰讀書要
識忠孝大端故其蒞官行事壹以行誼爲先未嘗有愧色公歿時年四
十有六矣妻金氏

封一品夫人子三長映奎兵部武選司主事襲騎都尉兼雲騎尉次映
璧光祿寺署正銜襲恩騎尉三映斗襲雲騎尉女三長適許氏次適沙

氏三未字同治二年映奎等以狀來請銘學勤喜討論

國朝名臣事實嘗謂自東土肇業拓疆西域武功震疊軼於前古千城腹心之選效命疆場絕脰斷頭而不顧者後先相望至於世篤忠貞繼祖父而著節行閒者則前史忠義之傳亦未之多見也烏可以不文辭銘曰

金沙之江碧雞之山川嶽盤互高險莫攀篤生馬公實唯世忠自祖父咸歿於戎厥氣桓桓克繼先志謀勇是資偉為國器初莅南甸奮斬其酋繼至蒲坂軍政乃修葺爾豫章城危如圯公出其奇賊氛以禱奮不顧身滅此朝食援師不至以身許

國樞返中路途祭巷泣

褒贈有加世職承襲

陳繼職

石刻辭表於墓門以彰世德終古常存

向公榮字欣然四川大甯人年十五隸提督楊忠武公軍從征滑縣回疆立功累官直隸參將夷舶犯順整飭京東海防

天子深嘉之洊升通州總兵擢湖南提督旋調四川道光季年楚粵邊境多盜

續神傳卷五十一

十九

詔復移公湖南勦平雷再浩李沅發等俄而粵西土寇蠭起慶遠思恩南甯賀縣昭平各郡邑肅聚成羣

上授公廣西提督命統領軍兵赴粵征勦先後禽獲李得芳陳亞貴葉添良諸逆首餘黨解散肅清左江以南咸豐元年金田洪秀全亂起秀

全始以經咒妖書煽誘愚民官吏不以為意至是支黨日眾襲破平樂公自橫州旋師禦賊於大黃江連有雙髻山風門坳之捷旋由桂平追

賊失利為督師賽公疏劾落職

上以大學士杜文正公言仍給公三品冠服會賊陷永安州賽公統軍圍之以副都統烏蘭泰督辦南路總兵劉長清督辦北路劉不能馭眾

命公代之奏復廣西提督原官時各省兵雲集嶺右賊雖驍悍聚州城內僅數千人大軍環攻壁壘相望不絕諸將咸謂且夕可下而壽春一

營防稍懈明年二月洪秀全遂挈其黨楊秀清等突圍出公追之至古東山口天雨歇於途適烏都統亦引兵至策騎欲前公止之曰聞賊已

匿大崗我去昧於地利師恐有失不聽竟麾軍獨進抵仙迴嶺中伏大

敗亡總兵長瑞長壽董光甲邵鶴齡以下數十人

案桐忠草長瑞滿洲正白旗人由侍衛滿洲

升天津總兵弟長壽由福建游擊擢至涼州總兵董光甲直隸人為河

南守備補盜南放光三路有聲積附至河北總兵邵鶴齡山東利津人

亦以特衛官即陽總兵至是從征粵西省陣
亡長端謚武壯光甲謚勇烈鶴齡威怒
鄒壯節公檄公赴援公方收復永安聞警以會城重地一有疏虞全省

瓦解命所部隨後行先帶親兵六騎聞道疾馳已刻入城急副將馬

龍布置守具州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

碩根州總兵龍四川人忠勇善戰副將馮

續碑傳卷五十

三

命兩江總督陸建瀛駐兵防堵九江至是賊船破江而下公乃函咨兩

廣總督徐廣縉於岳州約其會師夾擊又馳語陸督戒勿浪戰必須三

路兵集并力合攻庶可獲勝而徐督沿途逗遛陸督倉卒進兵敗績於

小孤山九江安慶皆望風潰賊且長驅犯金陵矣三年正月

天子深念公跟蹤追賊著有勤勞

特授欽差大臣關防委以督師江南之任二月公由武昌啟行晝夜不

絕或慮疲乏曰逆賊慄忽異常吾受

皇上殊恩恐救金陵不及尙敢遲滯乎及抵江甯果已失守賊且連陷

揚州鎮江爲抗拒計公乃駐朝陽門外孝陵衛激勵軍士日與之戰連

破通濟門七橋甕賊壘進營鍾山之陽洪逆忌公逼其巢穴欲襲蘇常

截我餉道遣賊順流下駛公率水師從小河遶出遇於月河開奮前迎

擊沈賊船百餘逆退回鎮江未幾賊又由蕪湖竄高淳直犯東壩公使

福興傅振邦張國樞禦之三戰三捷賊旣不能下竄出我後以相撓遂

思旁攻側擊冀分大營兵力於是瓜州賊由鮎魚套至高資旬容諸處

肆行侵擾且於沿江築壘與鎮江賊呼應爲患公令總兵吳全美曾承

禧虎嵩林等水陸會攻克復蕪湖太平兩城賊至此不敢咆哮四出而

蘇常與浙省皆得晏然無警當是時諸大帥擁兵勦賊遠近相望廬州有巡撫福濟提督和春壽春有侍郎勝保桐舒有副都御史袁甲三揚州有將軍托明阿侍郎雷以誠提督陳金綬鎮江有巡撫吉爾杭阿公則專辦江甯之賊連結百餘營滿漢步騎數萬部伍整肅甲仗森嚴賊素畏公不敢挑戰凡三山燕子磯秣陵關板橋淮河一帶賊壘悉爲我軍奪取進攻其雨花臺大寨猛將虎士蹈厲發揚洪與楊秀清計謂非先擾江皖以撓其勢再摧揚州鎮江之師金陵圍必不解於是逆黨陳玉成李秀成涂鎮興周勝坤陳仕章等率賊四出而撫建甯國相繼失守矣公亦知賊勢已衰久必有變既遣軍援甯國復使總兵張國樑扼守倉頭要口時吉撫軍駐九華山亦發兵來助陳玉成至倉頭阻不得前戰又輒敗窘甚會我水師諸將防江不嚴賊以小舟偷渡陷揚州江浦復回攻九華山吉撫軍亦戰歿旬月之間凶燄大熾公在鍾山日接諸路敗書潰卒又絡繹至風聲鶴唳軍中一夕數驚憂憤成疾將佐勸之退公曰進軍難退軍易數年心力豈可棄之一朝事旣不濟以死報國亦老臣之分也俄賊石達開至與陳玉成合力攻我遂失七橋襄營數座公猶欲臥以鎮之而所部已與公走賊知公斷後必有精兵不敢

續碑傳卷五十

三

追大軍退屯丹陽公病日劇臨終以軍事付提督張國樑曰汝才足辦賊吾死何憾復踴身疾呼曰終負

朝廷恩一慟而絕年七十餘闔營罔不失聲哭時咸豐六年七月也公天性沈毅膽勇過人自束髮從軍已爲楊昭武侯所賞識及任元戎適當嶺右多事軍中布衣粗糲與士卒同勞苦轉戰潯柳威名最著迨提兵追賊遇絕澗峻坂嶮巖不可行之處輒下騎踴躍爲眾先馳驅數省未嘗見難而避若夫登陴對壘赤標飛空執戈者有法色公必拊其背曰好男兒勉之礮子有眼不打忠義人是以上皆奮激效命卽或戰有不利還營意氣自如察瘡傷補卒乘詰朝再戰往往獲捷同列咸推服之其督師金陵時嘗自鑄私印曰誓滅此賊志雖未遂然力障狂寇不致犯蘇常及浙境有功於吳越甚大後兩江總督怡良以公疾卒聞於朝

天子軫悼

予諡忠武並

賞給世職入祀江蘇名宦祠

論曰世多疑公不能滅賊余謂成敗豈足論英雄哉金田初起設使權

無旁貸梟獍早可殲除迨後出柙狂噬滔天之勢已成公雖奮武逼其巢穴而上流無將伯之助同列多掣肘之人得全軍而退已不下於趙順平箕谷之役矣大約賊之興滅亦似有數厄運方盛望風罔不委壘貫盈已至醜徒競自倒戈信乎雖有磁基不期待時否則後日秦凱諸將材豈出公上哉自來蓋臣爲國亦祇自盡苦心成敗利鈍詎能逆料不見宗留守呼過河而齎志諸葛公灑淚於五丈原乎

誥授振威將軍湖南提督子諡忠武塔公行狀

楊彝珍

嗚呼自巨猾橫發粵西侵尋於我楚得氣益逞乘勢席卷而東沿江名城數十完守莫保諸將帥習於潰逃益助兇豎作聲勢從未有敢躬援桴鼓冒矢石凜然向敵爲士卒前行者獨我塔公起偏裨倡勇敢與死寇窮鬪軍容爲之一變賊望風其遁不敢正眼窺公首尾僅歲餘合大小百十戰憑

國寵靈未嘗纖毫失利爾雍驍賊十餘萬奪收失土數千里賊滅亡在指顧閒不幸暴露行閒久一旦以疾薨於軍自衣冠至負販無智愚賢否聞之莫不嗚咽流涕如喪其私親喪車所過皆匍匐金往弔且爭爲佛事薦公擁留至旬日不得發其勳名燦爛人心追思哀慕方之於

魏碑傳卷五十一

五

古人若蜀武鄉宋留守殆未能加毫末於此也公僚屬玉君山喬君宗岳護其喪歸葬道常請狀公行事於予不敢辭謹詮次如左公諱塔齊布字智亭姓托爾佳氏滿洲鑲黃旗伊陵阿佐領下人初官外火器營烏鎗護軍倜儻負奇氣以古賢豪自期許都統烏蘭泰早奇之尋補放藍翎侍衛又補放三等侍衛咸豐元年九月以都司揀發湖南署理撫標左營守備二年七月賊圍長沙率兵扼西湖橋主閩者務持重戒輕進公因無所知名及解嚴署理撫標中營參將日督麾下卒著短褐躡草屨演鴛鴦連環陣比立對施火器數伏數起使臨敵無畏心久之軍成勁旅侍郎曾公國藩疏薦於

朝

賞加副將銜三年八月安仁莠亂公以兵蹙諸李氏祠盡殲之遂以副將升用

賞換花翎四年正月粵賊竄長沙之靖江口公率師追之賊不支遁還岳不踰月賊率眾數萬犯湘潭勢張甚公亟往援師甫次高嶺賊騎奄至公直前搏戰大呼跳盪手擊殺數十人諸軍士無不一當百慶鬪數里賊大潰次日賊又縱驍騎來薄公預伏兵於山後突出夾擊賊辟易

奪路走疆尸相屬公搜賊入黃龍巷獵一酋獲其良馬卽所名追風騶者會彭公玉麟亦以戰艦至遮其輜重舟焚之中夜天光如晝是役也微公神速使賊得修備持久則長沙危矣捷聞奉

旨加總兵銜賞加喀屯巴圖魯勇號海內知公名始此五月奉旨署理湖南提督旋

命補授湖南提督賊自湘潭敗而下也復於五月中旬進陷常豐公亟馳抵新牆賊聞卽退據於岳將爲負隅計連檣林立不見首尾楊公載福以舟師敗之雷公湖再大敗之道林磯賊遂棄城遁連日復上犯公又擊其伏賊城陵磯就殲十之五七月十八日賊舍舟登陸將據險爲營公引精騎突擊之賊少卻有一酋猶犇而深目躍而前襲及公馬我兵攢矛刺之立碎其尸後知爲丞相曾天養驍狡多智數屢於賊中立奇功賊酋自楊秀清以外皆爲之下至是死諸賊皆奪氣潰走二十五日賊以武漢之師至欲致死於我無慮二萬人屯高橋公以兵先嘗之斬一渠賊陣動適羅公澤南周公鳳山兩路伏師皆合抄而至賊四顧失據皆遂奔連日賊愈窮鬪三戰皆大北猶增壘以爲固公匹馬登高嶺周矚者久之曰吾知所以破賊矣分其軍爲三羅公攻左周公攻右鼓而並進公槩馬叱咤直搗其中堅兩軍乘之時大雨賊繩稍皆溼遂棄城走橫尸徧野奪獲軍資器械無算自是南楚無賊蹤矣當是時賊之由陸竄逸者多散匿臨蒲成嘉山谷間皆以崇陽爲輿突而崇陽自鍾人傑煽亂後反者數起尤易忒肅聚其地崇峰矗天山路峻險賊又壘石樹柵嚴守各隘公乃帥羅公澤南周公鳳山分道爲奇兵梯緣絕壁而上連破其三壘賊死者彌澗谷餘退保城中城小而堅我軍聲攻其東北門穴火裂其西城入僞丞相金之亨授首崇陽平公遂移師討餘賊之竄咸甯者勝之官步橋轉戰至武昌之油坊嶺其逸出者幾盡是時曾公方命師至金口三道並下所當無不摧靡飛符縱燎烈風乘之沿江柵檻延熬殆盡城中賊惶怖哀號於八月二十三日啟東門走公預策賊敗竄必經洪山潛伏兵其下而已建大將旗鼓以迎敵適與竄賊遇賊殊死鬪公瞋目持矛左右衝突斬數渠餘眾右繞洪山走伏突起賊陷絕地多逼入沙湖湖淺尸填溢後遁者踐尸而逃至中流皆漂歿公與曾公入城釋脅從遣之資歸倪孺以千計捷聞上寵賚公有加賞穿黃馬褂並

賞給騎都尉世襲公感激涕泣刺字於左右臂以示軍士曰吾當以死

報
國矣遂於九月十三日東下由武昌進次大台賊卽率眾六千來逆戰
公怒馬陷陣橫突萬眾中諸軍氣皆百倍賊大披靡尋又挑其銳反鬪
短兵相接刃傷公馬公回銜以矛撻黃衣而騎者一人賊大奔爭橋渡
橋折多墮水死而羅公亦於是日有與國之捷乘勝趨半壁山而軍賊
與咋不利遂斷浮橋阻我公時已進屯軍山背不得渡而江北之賊又
虜至蹙羅公軍李公續賓與普公承堯左右夾殲之公亦隔溪爲聲援
賊乃大敗而去尋由富池口引眾逆上冀抄公後公疾馳掩之盡殲諸
水乃爲浮橋渡軍明日賊又渡江來犯公與羅公再合擊之破斬大半
斷其鐵鎖十月十三日乃爲長陣比列江南岸以護水軍水軍駛而下
賊倉皇揚帆遁我軍尾其舟燎之風烈火熾計蕪叢編四千舸賊游涌
波閒者十不得一生公又率飛騎至半壁山捕餘賊斬之皆其豪也是
夕田家鎮與蘄州之賊皆焚營遁時總督楊需所將北軍怯弱甚公遂
率羅公渡江及賊於蘄州之蓮花橋遇伏我兵反走公馳至賊卽奔追
北五十里橫尸枕藉於道遂復廣濟時僞燕王秦曰綱僞檢點陳玉成

續傳卷五十

音

僞丞相羅大綱皆竄黃梅之大河埔公於十月一日師次雙城驛賊掩
我之未成列也引二萬騎分其隊爲三據高阜以薄我我軍堅持不動
少頃突起陵而騰之賊反居其下乘高壓擊呼聲振巖谷賊三路之師
皆奔迫至大河埔立破其兩營賊渠多死旋圍黃梅分攻其西北門火
其柵城上礮石如雨賊繞城逃者反爲所擊公亦傷腦血流被面諸軍
士肉薄而登遂入駢賊首斬之渠水爲赤公於是晚猶裏創巡軍連日
軍冒雪行次孔隴市市東阻水爲固餘三面賊築土城環之我軍多卓
矛於地一躍而入縱火燔市廛賊多焚死餘遁入城北泥淖中其賊之
據小池口者聞之遂奔於湖口以圖與潯城之賊相犄角公乃渡江屯
官牌夾而命羅公留小池口以遏賊饋給潯城軍時賊乏食噉牛皮將
棄城走羅公謂大功可立就也亟引師渡江賊及其半渡擊之公往援
乃濟師不數日賊復據小池口以餉城中軍軍以宿飽十二月一日公
攻西南門不能入童參將添雲死之其他卒之進逼小東門者僅躍入
月城殺數十賊而止不能大有斬獲二十九日羅公出師攻小池口公
從二十騎渡江馳助之羅軍右移公跳身走五騎尾而逐公公取套馬
桿圈一酋頸而曳之顛抽佩刀斬之餘反走公亟策駟馳行二十里舍

村舍閒匿其駟於坎上覆以茅主人取草服改衣搜者至弗察也比昏
窺一舴艋不能以駟俱公登舟駟嘶鳴齧舟子公曰徐之俟轉而渡汝
辨色還營合營失公方洶洶大噪及見公皆驚喜有泣下者而我戰艦
狂於湖口之勝乘銳駛入內湖賊囊土壅其下流扼之不得出其泊外
江者爲巨風擊碎過半賊又兩翼我營損百餘艘勢仍大振時楊需師
駐廣濟恐賊襲已也七日走至德安藉口防賊北竄賊遂尾躡之自武
穴以趨漢口復陷武昌巡撫陶公恩培殉城死時五年二月十七日也
公亟檄胡公林翼李公孟羣回扼之金口以故賊不能汧江而西賊遂
北入岳家口擾沔陽之仙桃鎮荆襄皆大震時曾公與羅公俱阻隔江
右公孤懸一軍於潯城百道仰攻賊堅壁不與之戰而公於七月十八
日驟病薨矣時年三十有九

上聞震悼照將軍例

賜卹准其入城治喪嗚呼當破田家鎮時使乘破竹之勢直下取九江
當如反掌乃折公而之北轉戰六百餘里致九江守備日固而彼都人
士便公爲藩籬屬人言之

上無他移公令屯兵堅城相持至六越月之久後公方疏請移師青山

續碑傳卷五十

五

渡湖之東會攻湖口使其議行由此直趨建德擣金陵想必如前日之
颯馳霆擊所至瓦解無疑者乃天不憖留公之身使鼓行東下俾淪胥
於水火塗炭之民莫之救以免於死也悲夫公身長七尺勇藝過絕於
人少未嘗竟學頗曉解文義機謀神中輒暗合古兵法其軍行進止得
失勝敗幾無遺算嘗獨身遶遠大營相覽形勢險易賊追躡之公至箐
薄旁輒止賊終不敢近臨敵每舍騎而徒自持幟先以示士卒必死尤
能推誠信與同甘苦其圍九江也暑兩地蒸溽德化令以莞席進公曰
士卒皆寢草土吾何獨御此爲卻之故士卒皆樂爲用師行所至居民
多歡呼羅拜迎犒牛酒糧糗釜饌爲滿持身清約官俸外不名一錢嘗
患心氣痛左右以海燕窩進公對之愀然曰吾母夫人在都不知能贍
朝夕否尚安得此耶因泣下蓋公性尤至孝云追風駟者控縱善如公
意公薨駟悲鳴三日不止公之弟莽阿布曾戰死獨流軍中公娶于夫
人生一女無子以弟之子永承襲職爲公後竊公名在天壤其勳伐勞
閔人知之或不詳謹取公章疏並詢諸弁卒從公久者合采之稍加論
次上之史館俾載筆者有所擇焉

又塔忠武公別傳

李元庚

公諱塔齊布字智亭姓托爾佳氏滿洲鑲黃旗人生而神識沈毅都統烏蘭泰公夙器之由火器營護軍擢三等侍衛咸豐元年發湖南以都司用二年秋賊犯長沙以守城功擢游擊

賞藍翎署中軍參將時在籍侍郎曾公國藩奉

命督治鄉兵用明威繼光法訓練束伍每校闔公必短後衣躡屨帶刀侍曾公與語奇之試所轄兵皆精練副將清德方忌公曠提督將加推辱曾公乃劾罷副將薦公忠勇可大用且云塔齊布將來如出戰不力臣甘與同罪得

旨加副將銜三年剿茶陵安仁土匪

賞換花翎記名以副將用四年二月帥所部由平江進剿湖北通城崇陽賊會官軍失利岳州賊乘勝上犯曾侍郎水師退保省河公隨有湘潭之捷公之勦湘潭也始至次高嶺賊即奄至公手大旗麾軍士縱擊斬偽先鋒元帥九人賊敗潰逐北數里至城下明日賊大出犯公伏兵山左右設礮三重誘之及賊逼礮斃以百數賊大亂伏起夾擊之賊奪路走僵屍相枕藉遂薄城圍殪賊數百公深入幾中伏跳而免麾兵塵鬪大破之城北賊柵皆盡其南則水師會剿焚賊舟數千并焚市廛

續神傳卷五十

庚

使城外賊無所止火光燭天三日夜浮屍蔽江下其時領水師者楊公岳斌彭公玉麟及褚觀察汝航夏同知鑾也四月四日賊棄城夜遁凡八日湘潭平

詔加公總兵銜

賞喀屯巴圖魯名號

命署湖南提督未幾卽眞先是提督鮑起豹以清德之譖屢斥辱公至是起豹罷公代其位軍民快之時敗賊猶駐岳州分黨陷常澧公馳抵新牆破土城三舟師亦敗賊雷公湖又敗之道林磯公與羅忠節澤南李忠武續賓合軍攻岳州敗賊於高橋閏七月二日盡破賊壘賊棄城退踞城陵磯未幾賊舍舟登陸將據險爲營分三路來撲公亦分三路擊之賊抵死抗拒良久始敗潰迨至雷鼓臺殲賊八百有奇公臨陣好匹馬衝鋒戒從者弗從從亦無能及者尤好單騎薄賊壘覘虛實瀕危得免有天幸一日攜親卒四人進覘插鼓臺突遇悍酋甯髯目直呼公名橫矛刺其馬欲禽公親卒黃名魁躍起刺酋墜馬酋回刺名魁傷右脇公親刃酋殪之獲賊旗知爲偽丞相曾天養天養驍桀爲賊魁自楊秀清以外皆爲之下伏誅後賊黨爲之茹齋六日者也賊旣失悍酋

奪氣退踞武昌公與羅公自臨湘進剿長安驛羊樓崗佛嶺大沙坪等處戰屢捷復崇陽蒲圻咸甯又敗賊於官步橋及徐李埔遂與羅公進屯江夏之紫坊初曾公在城陵磯約諸軍會紫坊至是召諸將議攻取武昌策定議羅公帥師攻花園賊壘水師扼長江公從油坊嶺趨扼洪山在武昌城東北左近梁子湖右隔湯孫湖係絕地爲竄賊所必經時城賊懼以八月二十三日啟東北門遁公扼而截之賊路斷迎斬黃衣賊目數名賊崩奔悉趨山背復麾軍圍逼於沙湖塘角閒賊爭赴水死填尸幾滿中多幼孩公見之大哭傳令拯救得二百有奇羣賊因而乞命者又七百有奇分別誅釋之武昌旣復進攻大冶戰五里牌斬黃衣騎馬賊賊大奔燬賊壘二亡何賊反鬪伏突起刺傷公坐馬左右兩軍合擊賊復大潰爭橋渡橋斷多墮水死生禽百二十四人是日羅公有興國之捷於是兩軍會於興國籌進取羅公西擣半壁山公東剿富池口十月二日戰軍山背克之屯其地距羅軍十餘里中隔小河方造浮梁濟忽出賊千餘退渡處別賊數千陣半壁山左右與羅公大戰公隔河爲聲援賊大敗旣又繇富池口沿岸上冀襲我軍後公擊走之浮梁成初五日田鎮賊渡江來犯公與羅公夾擊之殲賊數百溺斃半之時賊所設橫江鐵鎖在南岸者已斷而北岸猶未破十三日水師大戰公及羅公列陣半壁山護之燔逆舟數千北岸鐵鎖燬賊遁竄廣濟黃梅田鎮旣克

魏碑傳卷五十

賞穿黃馬褂

予騎都尉世職二十日公及羅公渡江繞至蘄州及賊於蓮花橋遇伏我前隊稍卻公匹馬突陣手刃大旗賊追奔數十里遂復廣濟而黃梅爲賊必爭地悍酋秦日綱陳玉成羅大綱併力守之以數萬賊分布小池口孔壠驛而立堅壘五於大河浦龍頭寨等處嚴密堵田鎮十一月朔師次雙城驛賊數路來犯公與羅公併擊之追奔十里破壘五斃賊三千餘生禽九十餘越日進次下新橋距城四里公與羅公登山望知北門可攻遂親進擣我兵肉薄而登多受創公被石傷首流血被面督戰益厲卒克黃梅曾公疏陳戰狀有

詔戒公輕進公讀之感泣尋攻孔壠驛南通小池口東臨水賊於西南北築土城公從西南路進攻累肩爲梯卓予而躍遂大破之賊悉竄小池口分黨奔湖口與九江相犄角爲死守計公遂與羅公渡江攻潯城十二月朔攻西南門不下驍將童添雲死之會水師被賊襲喪失輜

重而賊譚率從江北接濟羅公從二套口渡江進攻小池口公帥壯士二十人渡江督戰以眾寡不敵敗且戰且退公匹馬衝突爲諸營扞蔽有黃衣賊首三人策馬來犯公以套馬竿圈一酋頸斬之且奪其馬餘賊皆靡公俟大隊沿江上單騎馳入鄉間馬陷泥淖中幾失道有田父留匿其家時除夕前一日也次日各軍以公未歸營洶洶失所倚有泣者夜三鼓鄉民忽送公渡江歸曾公羅公皆躍起跣而出握手相勞苦繼以泣公談笑自若曰飢甚速具飯啖我時合營皆驚喜歡聲如雷飯罷已元旦矣五年正月六日賊出犯公擊斃二百有奇生禽二十有一公令暗伏地雷誘賊來撲而陷之果斃百餘賊其後戰屢捷而城終不下六月曾公與公約會於青山曾公謂宜移師東渡鄱湖口及東流建德長驅直下公誓力破此城七月十八日傳令攻城忽患氣脫日中卒於軍年三十有九事聞

上震悼照將軍例

賜卹蔭襲如例許入城治喪

賜祭葬

予諡忠武公長身火色居平粥粥若無能及臨陣奮拳切齒口流沫若

續神傳卷五十一

天

欲生啖賊者所乘鐵驪絕有力湘潭之捷殪賊首所得也每戰不令士卒出已前他軍被圍或小卻必驍馬馳救背負火鎗一腰刀二手長矛及套馬竿各一技皆精絕無虛發每逼賊壘覘形勢比賊覺去已遠賊中驚以爲神而公雍容恬退未嘗一自謝也天性忠孝自擢提督於左臂渥忠 心報

國字左右嘗以海燕窩進公愀然曰吾母夫人在都不知能給朝夕否忍甘此耶深夜呼親卒與絮語家事每至泣下偏裨小校直入內幄白事不俟傳宣治軍紀律嚴秋毫無所犯與最下卒同甘苦德化令進莞席以士卒皆臥草土卻之及薨軍民逾時悲泣喪車過南昌所乘馬服鞍韉隨行將入城忽滿身汗溼人謂公靈實乘之云湖南江西及九江湘潭均奉

旨建專祠公娶于氏生女一無子以弟子永承嗣而其弟莽阿布先一年戰死獨流軍中

贊曰方賊距湘潭時挾百勝之勢官軍莫敢攖其鋒既得湘潭長沙不攻自困且將泝湘源以達粵西老巢直下通金陵首尾一江相貫注微公及水師血戰數晝夜力摧其牙距天下事尙可爲哉然公是時所部

千三百人耳使天假公年平賊當可日月計顧以暴路行閒久齋志卒
軍此朝野官民所繇同聲一哭爲公悲且爲天下生民悲也公卒後十
年江甯拔賊平公席幾拊髀於九原也夫

續碑傳集卷五十

續碑傳卷五十

五

武臣

提督銜陝西延綏鎮總兵官楊剛介公神道碑

王先謙

公姓楊氏諱昌泗字廉泉湖南乾州廳人曾祖正舉祖通能父光重皆不仕以公貴

贈如其官光重讀書有至性鄉里稱善人乾隆五十九年大學士福康安奉

命督辦苗疆軍務光重在幕中時獲苗人數十將戮之大學士問光重識否光重不忍對曰皆識之苗得不死夫人姚氏有子二人長昌凱甘肅貴德營遊擊署礮伯營副將從征廣東有功

賞花翎次卽公也年十三苗賊劫公里公祖母黃太夫人挈公走遇賊賊戕太夫人公悲憤躍起奪賊刀追刃之長老驚爲神勇以武學生入

乾州協右營浚補千總道光十二年永州搖叛奉檄往捕毀洋泉賊巢禽趙金隴弟滿子擢鎮軍鎮標前營守備平廣東連州八排猺

賞花翎

續碑傳卷五十一

一

賜驍勇巴圖魯號擢沅州都司調寶慶協中軍都司十六年禽武岡州賊羅在清等擢永州鎮中營游擊二十年擢貴州朗洞營參將雲貴總督用廉明公正足膺重寄奏薦遷直隸大沽協副將甘肅西甯鎮廣東高州鎮總兵官咸豐元年平欽州土賊下部優敘以營勇滋事失察奪職三年粵寇大煽

特詔赴山東辦理防剿至湖北總督等奏留領兵平黃州游匪破田家鎮賊四年以違總督節制復被劾發軍臺公壁武昌連擊走漢鎮賊船毀磯窩壘免發遣武昌陷公從巡撫青麀入湖南荊州將軍官文奏率所部擊賊監利螺山大破之火漢陽賊船割蝦蟆磯鸚鵡洲壘毀大別山下木柵數十生禽偽將總制等薄漢陽城先登克之明日克漢鎮復原官駐蘄州疏防竄賊摘頂戴復廣濟黃梅

賞還授陝西延綏鎮總兵官五年漢鎮復陷公扼賊沔陽破之浙河仙

桃鎮從官文再復漢陽功最加提督銜七年之任河南擒賊熾八年

詔公督軍馳剿公聞命卽行抵開封疾亟十一月二十四日卒於軍年七十有六遺疏聞照提督例

賜卹

賞銀二百兩治喪廕一子六品頂戴送部引

見錄用

子諡剛介公自少迄老積勞兵間將無懦卒當無強寇應機立辦退若無事所至有聲績尤久於湖北同時領將多拔自義勇由驟升公以行伍老成頹頹其閒臨事不後論功不先議論局量越儕輩成斂手傾服無忌嫉者意氣奮發忘其老至不以榮辱易心夷險異節故雖累獲嚴譴而

眷倚不衰咸豐九年三月葬廳城南獅子山妻田氏夫人廳學生宏受女後公卒於同治六年六月初十日年八十有五別葬城南象山子男三人勝棠武學生衡州協把總勝業乾州協把總並從征廣東賞藍翎勝棠從公戰湖北沒於軍勝業戰廣西以傷沒勝傑五品軍功把總女三人適某某孫男二人秀觀二品廕生運同銜湖北候補同知秀實以廕

賞主事官工部營繕司來以碑銘請銘曰

武水環帶天門隆崇地氣鬱雄生我楊公楊公峩峩家服健勁關機銜

續碑傳卷五十一

刀以磔梟獍忠義激發鬚鬢奮張孰謂公老萬夫失強吃矣鄂疆喋血周歷滔滔江漢詠公之績致身成志率於道馳

帝獎賢勞三軍泣思池蓬之若毘羅之阪我銘公幽維以示遠

蔣東才傳

亳州志

蔣東才字軼眾亳州人咸豐中投效豫軍隨剿捻匪給六品頂戴八年

在亳北與賊接仗擒首南道就禽

賞戴藍翎以把總拔補十一年管帶東震營敗賊盧家廟集禽巨捻彭

春等又截剿劉天祥股匪洙升都司同治三年汝南一律肅清進副將

銜游擊三年四月在息縣連克賊巢巨捻趙國良簡世然等伏誅五年

剿賊商邱大周集敗之累保副將加總兵銜七年攻克陝西綏德州城

復移軍山東破賊於濟陽東北九月擒匪平擢記名提督

給三代正一品封典八年統毅字後營在海鹽子地方剿賊出力

賞額騰額巴圖魯勇號副駐師榆林邊境截剿竄回論功

賞戴花翎十二年克肅州城雖以眾軍合力得集大功而東才之忠勇實為尤著旋奉

賞穿黃馬褂光緒六年督豫軍搶護黃河隄岸民賴以安八年改挑賈

魯新河事辦而民不擾民交頌之十年丁母憂回籍呈請在籍守制不允敦促就道遂督率所部馳赴直隸張家灣防所十一年六月撤防調至京師濬內外城河事竣
恩賞大緞二疋遵

旨回豫補授甘肅涼州鎮總兵經河南巡撫邊寶泉奏留仍統豫軍精銳各營十三年八月河汛大至督軍往來搶護不避風雨以疾卒於工次時年五十奉

旨照軍營立功後積勞病故例從優議卹

賜祭葬建專祠並宣史館立傳廕一子尙謙六品官

固慶傳吉林通志

固慶姓額蘇里氏隸滿洲正黃旗道光八年舉人十五年由刑部員外

郎

賞頭等侍衛充哈密辦事大臣累遷杭州副都統三十年授吉林將軍咸豐元年疏言吉林爲根本重地近聞盜賊之盛實由窩藏之多此地旗人盡屬屯居與民雜處宵小最易溷跡已嚴飭各旗並地方官編查保甲但吉林地方遼闊密林深谷在在藏奸當日原設有各旗界官各

續神傳卷五十一

三

管各界更有巡緝捕盜之員率領兵役按段梭巡搜捕立法未嘗不善近如巴彥鄂佛羅邊門所在村莊毗連山谷多有無主屍身或有傷或無傷未據該界官與巡緝之員稟報則日久怠玩已有名無實吉林所屬人命事件舊責成地方官旗員不與處分故遇事輒諉諸地方並不稟報請將專設捕盜官悉停遇有盜賊滋擾處所不難隨時派員往捕且嗣後不論旗界民界一體查報再有玩延卽行參劾又疏雙城堡各屯旗丁可六千餘戶人數浮於前各處移來之人性情不一易滋事端惟一協領不足以資彈壓擬以該堡協領改爲副都統職銜總管所有應辦事件徑咨報將軍衙門以專責成並將該堡佐領選派一員爲委協領幫辦一切事件又疏雙城堡所設協領佐領驍騎校各員遇有缺出以次拔補原爲就地取材俾諳屯務以期有益惟所轄之人皆童而習之不但不能彈壓且往往互相迴護擬以該堡協領一員佐領七員改爲公缺於吉林應選人員一體揀選驍騎校八員亦改爲挑選通省防禦之缺其協領佐領三年任滿准調補各處相當之缺又疏雙城堡水涸地九千餘晌與熟地毗連非禁荒可比請分撥各佃認墾輸租充該堡官兵俸餉又疏吉林六旗馬廠地租歷年賞兵所擄節餘錢三萬

八千串請以三萬串生息歲可三千餘串存將軍衙門爲捐辦修理要工經費免攤扣官兵俸餉餘八千串留爲現在修理各工之用均從之明年疏言吉林土著旗民生齒日繁野無曠土其禁荒數處係備將來遇有酌量安置之用誠恐各邊卡日久疏懈流民復潛來將致人浮於地於旗民生計大有關礙吉林與蒙古荒界毗連難保無流民依親就食者而奸頑逃罪之徒或廁其內及乎日久小則逞刁健訟大則習爲盜賊恐吉林渾樸之鄉漸染澆漓之習數嚴飭邊卡員弁認真稽察如有潛來之戶卽行阻回其內地流民請

者不准偷過

詔如所請尋以粵逆肆擾請率吉林官兵前赴軍營

奉 命挑吉林馬隊二千派雙城堡副都統銜總管西昌阿等統領赴河南

三年與副都統琦忠互訐並坐礮六年

賞藍翎侍衛充庫車辦事大臣尋

賞二等侍衛充葉爾羌幫辦大臣平巴爾楚克土賊及英吉沙爾回匪

賞頭等侍衛充喀什噶爾辦事大臣九年以疾乞休同治九年卒

富春傳

吉林通志

富春姓韓氏隸蒙古鑲紅旗吉林駐防道光七年從攻回疆喀什噶爾

城先登

賞藍翎十四年洊擢協領二十一年擢黑龍江副都統時英夷肆擾以

所部防守錦州之高橋二十四年傳習邪教海康之女於黑龍江配所

潛逃坐革職留任尋以非副都統所管轄

詔免議明年入覲

賞換花翎二十六年以病請罷咸豐二年粵逆陷湖北武昌

命吉林將軍調兵往防楚豫之交時富春病請赴軍自效

詔如所請明年賊陷江南會城督兵於六合縣境禦賊數有功授甯古

塔副都統仍留軍六年賊陷揚州我軍進攻有賊來自西北甚眾將襲

我營偕總管西昌阿分道禦之戰七里旬旣捷合軍躡擊至黃家莊獲

賊目五長髮賊六十有奇斬千餘級

賞頭品頂戴大軍復揚州以所部伏截竄賊殲斃無算

賜號伊伯德恩巴圖魯八年春江甯賊渡江授江浦合烏江據賊營石磧橋江浦賊千餘出應大軍擊援賊敗之平其壘富春獨率所部禦城賊戰於濠邊斬百餘級和州復烏江芝麻河等賊將遁分路要擊俘賊及溺江以斃者甚夥其夏皖賊下援江甯趨江浦糾捻逆會大劉莊與大軍分路攻之會大雨如注乘勢猛進賊不支狂奔自相踐踏死者甚眾秋戰江浦被創養傷邵伯鎮欽差大臣德興阿以聞詔富春創不甚重輒自離營以年邁且著有勞績免予治罪因罷職九年卒於家富春雖終斥要猶經戰陳非但具官資如托雲也

託雲保傳吉林通志

託雲保姓額哲特氏吉林人隸滿洲正黃旗嘉慶十八年從征河南教匪以功授藍翎長道光七年回疆平隨欽差大臣那彥成往辦善後事宜愿擢護軍參領充虎槍長及諳達三十年擢頭等侍衛在乾清門行走充壓馬大臣授上駟院卿咸豐元年擢正紅旗漢軍副都統明年

文宗自

慕陵旋踣中途馬蹶坐平日騎壓不愼被吏議三年粵逆洪秀全等陷

江南會城奉

續傳卷五十一

五

命率吉林兵二千赴大軍勦之賊擾河南往援道出延津縣所部擾民間牲畜傷人為欽差大差直隸總督訥爾經額所劾鑄三級調用仍留營秋賊渡河北攻懷慶府甚急我援軍營丹河鋪池南季村以騎兵與會戰於城下焚環城賊壘多所斬馘賊竄濟源縣而設伏風門山口前軍追賊入伏督所部馳救槍殪賊目賊驚靡禽斬大半別賊闌入山西陷平陽府據之欽差大臣都統勝保劾追截不力

命摘頂翎賊尋竄直隸據靜海縣及獨流鎮隨勝保自深州疾馳至獨流鎮連戰皆勝

還頂翎我軍營葡萄窪逼攻獨流鎮靜海賊來援分兵擊之斬級五百有奇賊勢益蹙會以病回旗四年秋病痊仍赴勝保軍冬授正藍旗蒙古副都統於是賊竄山東陷高唐州據之勝保移師圍攻數月未下明年春勝保以老師被逮賊尋自高唐竄據馮官屯隨參贊大臣科爾沁親王僧格林沁破之俘賊渠李開芳

賞換花翎調正紅旗蒙古副都統還京命在御前侍衛上行走授奉宸院卿冬擢甯夏將軍先是道光二十二

年甯夏兵每歲添演秋圍將軍與副都統番率至賀蘭山肄馬上烏槍及諸技著爲令旣以甘肅協餉不繼暫停六年

文宗以各軍馬隊得力令西安甯夏官兵一律添演秋圍偕副都統疏言甯夏駐防官兵行圍錢糧官償官借兵借兵償視綏遠城以卡倫房租作公項給發者不同見餉項不足兵力亦艱若復加行圍給項不特不能清償且累上加累請俟協餉充裕照例演習

詔如所請八年以病乞休明年卒

吳璋傳 畿輔通志

吳璋字晉廷其先隸正紅旗至巴彥達改籍清苑璋其孫也璋有力能挽強道光初由行伍補白羊峪把總遷前營守備謂海防以火器爲先創造炸礮旋轉如意式如瓶重五百斤遠及三里子炸二畝許繪圖說上之尋遷北塘營遊擊二十九年三月英人入犯璋列營禦之夷繫礮於檣乘夜攻擊璋息鑿罷鼓去營里餘鹽灘中篝火三五爲疑兵當夷船之未至也我軍演礮以敝舟爲準至是令精卒伺夷船至其地始開礮夷知其備乃退次日篝火處果得礮子十數枚有重二十餘斤者文宗登極詔疆臣密保將材璋名預焉咸豐三年粵逆北犯隨總督訥

續碑傳卷五十一

六

爾經額赴河南防禦師抵柳園口粵逆數萬潛謀夜渡璋兵分兩隊伏左右約聞礮乃起賊以十舟先濟甫登岸礮發伏起斬獲數千毀賊船六生禽四十人餘賊不能渡乃西竄時欽差大臣勝保尾賊後意賊必由北渡至是忽西竄知有兵截擊因詢璋戰狀大服卽奏調同赴懷慶進剿璋擊賊西南礮臺破之有違節度者掌其頰二百眾曰營無此刑也璋曰軍法重者殺次杖次罵耳行兵勝負靡常杖重不能行儻逢不測是罪不應死而置死地也眾皆感泣八月賊竄西北入平陽城璋尾之及門未閉遂北竄直隸璋由霍州至滹沱賊自下流結筏將濟璋覓舟不得擇善水者泅渡繫繩以涉進追至天津之得勝口四年粵逆回竄璋追及念祖橋斬千餘人賊由舒城鎮南竄璋追急至柳林橋誤出賊前夜半狂風迷所向賊從後突至璋分所部爲十隊以八隊掩火禦敵自率二隊沖殺賊勢將退比曉知我兵少乃合圍幸救至得不敗賊據阜城璋乘其未定督兵進攻單騎先入所向披靡身受矛傷二大軍繼之連破賊營四殺賊六七千江南賊遣救至賊復熾璋奉旨充前敵先鋒官隨勝保分兵截剿抵臨清州南三十里俟賊過擊其尾將戰璋傳令曰不俘不馘殺賊以左耳爲驗拾衣械者殺面受傷者

受上賞遂以少勝多賊旣破臨清分股營清水集璋潛師待半過夜擊之追至豐殲焉以殄滅全股

聞擢副將尋擊李開芳於連鎮傷右股明日復戰傷左股時武弁皆帕首璋以爲怯每戰不去冠勝保以爲言璋曰不敢畏死壞

朝廷制度五年勝保獲罪璋隸忠親王僧格林沁軍未幾改隸欽差大臣西隆阿軍璋前與用事者不能協至是因事陷璋璋曰死誓不若死

寇吾甯效命疆場以馬革裹尸耳每戰必先連克西河常陵平定市興隆集厯山等處師抵德安府時降賊將復叛璋廉得其情密上當事當

事笑置之未幾降者果反與賊合遂圍璋於武城之西厯十八日糧盡援絕死傷過半璋夜率卒銜枚至賊濠布陣僞爲救援之師者賊不敢

出軍還用事者斬其勇將萬寶來軍益孤六年請歸伍同治七年卒

袁富將軍戰略

屠寄

公諱富明阿字洽安黑龍江正白旗漢軍年昌阿佐領下人本袁氏明

兵部尙書督師崇煥六世孫也崇煥見法前史以爲冤妻子流寓汝甯

明鼎旣革有子曰文弼從征有功編入甯古塔正白旗漢軍生爾漢康

興俄神傳卷五十一

七

熙二十三年從征雅克薩留防黑龍江城爾漢生貴貴生常在常在生

趕趕三子長世有次世寬三世福世福卽公披甲入伍用今名公少孤

事母孝性沈勇弱冠以馬甲從領隊大臣阿勒罕保征喀什噶爾前鋒

轉戰洋阿爾巴特和闐鐵蓋山斬馘十六執馘五補委官轉無品級筆

帖式由七品屯官期滿例改驍騎校徒佐領以委參領甄委營總縮黑

龍江馬隊從都統琦善公勦捻河南咸豐三年琦善以欽差大臣督師

揚州號江北大營仍以公自從時劇賊數千結綽爭渡三又河命公將

三百騎迎拒人挾三矢公以爲少請益二不可難之予杖八十猶不肯

以狀聞

行琦善怒將案以軍法公不得已往志必死遇賊東青鋪彈著右股洞

穿未及裏創令從騎鼓弦注矢近賊二十步縱賊前行應聲踣後陳大

擾蹙之河溺死無算須歸箠尙餘一矢琦善喜曰爲將不當如是邪具

文宗奇之賜玉缺以徵弁拜玉缺之賜蓋異數也旣而累戰虹橋尹橋

開多所克獲射殺黃衣賊一以功戴花翎遙補甯古塔協領加副都統

銜六年正月從欽差大臣德興阿公克復揚州儀徵功多

賜號奇車伯巴圖魯銀百兩徙黑龍江火器營參領不之官別將再擊

瓜洲賊敗之又敗之士橋七年十一月從戰瓜洲功最以副都統記名

仍

詔軍機處遇缺題奏德興阿資公謀勇令總理營務翼長八月先登克江浦四月拔來安

賞頭品頂戴遙授甯古塔副都統文宗稔公才可大受九年

命幫辦欽差大臣和春軍務時六合新陷縣令溫紹原死賊得志城內外蜂屯公身赴盪賊洶洶前鬪公怒躍馬奮稍直入其陳左右驍果從者數百人縱橫縈攪所當摧靡賊潰而公亦身中九矛創甚不能軍給奉予休

穆宗卽位有

旨扶傷赴闕至則署正紅旗漢軍都統領之真除

命總神機營卽南苑訓練不數月皆可用是時東南被賊久所在糜爛唯通泰十餘州縣總名裏下河者蹂躪未及尙號完富稻米魚鹽流行

境外

朝廷資此一隅益調租庸繕算分餽南北征防各軍而賊亦矚其殷饒旦夕伺窺取朝議憂之

續碑傳卷五十一

命公馳傳南下會江甯將軍都興阿公謀戰守時防營餉頗絀公以治

軍必先足食請拓商販鹽省并釐卡杜中飽節糜費軍用果給更以其贏冶鑄開花礮器械亦精時江南羣賊欲遙解金陵之圍又被滬軍攻逼日益窮蹙而南岸民戶凋亡田野荒穢標掠無所得食驟飢謀北渡轉亟公聞自出江上視師所至集其將佐指授方略則益廣江路之防西起浦口觀音門東訖狼福二山之閒上下三百數十里分四汛命參將梁正源提督賴鎮海副將林宜華總兵郭定猷按地守邊而總統於福建水師提督吳全美首尾援應東西截擊無一賊得渡而江防固矣同治二年苗沛霖叛疊陷潁上壽州懷遠并力圍蒙城塹三重深廣二丈餘塞淮水夾岸築營以鉅礮守之斷官軍餉道知縣事賀緒蕃與縣人李南華嬰城守糧盡擷浮萍爲食旣迺噉死人時六安鳳陽諸州府處處賊蹤安徽巡撫唐訓方累戰不利退保臨淮縣絕不得救總兵陳國瑞提兵徐州來猛進與賊搏傷亡多

詔公身赴蒙爲諸援軍節度公中分麾下命翼長徐州鎮總兵詹啟綸先鋒五日發自牽步騎八百人督餉繼進次宿州詞捻首相盤糾黨七千遮道則命都統克蒙額百騎繞出賊背伏八里莊侍衛壽昌佐領富

陞二百騎張兩翼爲顏行總兵王萬清步隊五百疏綴其後公居中督策戰於唐莊火器舉左右翼抄其旁步勇短兵冒煙堵進賊方三面抗而克蒙頰伏發賊愕顧我師夾擊奔之追斬千計留兵四百護後運而以其餘徑抵蒙去城北二里登高覽形勢賊掩至指揮諸將奮擊奪浮橋不得飛礮墮其上瞭樓賊還走壁於是合詹啟綸循渦南王萬清渦北連營前與陳國瑞及吳棠部將姚廣武知潁州府事英翰諸軍合勢進攻梯衝地道螳傳狙擊將士更代眠食連日夜不休賊亦馮壘外禦俛仰自救聞出死黨度濠來斫營彼此所殺傷等公慮多折銳士命緩攻綴敵別出奇兵要寇糧以其閒徇下旁近五十圩賊黨羽漸落是時李世忠亦自五河轉戰而西道克柏家圩中心渡小古墩鏗壽南三十餘寨增兵萬人進規下蔡探賊老巢賊勢愈困會科爾沁博多勒噶臺親王僧格林沁奉

命督援師與侍郎國瑞先後至馬步總集軍聲益張脅從者望風送款爭請擊賊自贖十月己亥公會王國瑞勒兵攻賊蔡圩糧臺毀堅壘一其夜賊連營二十四不戰自遁圩空南路遂開而環城賊壘吼不動庚子官軍期中四面進薄總兵何建鰲挾西洋炸礮擬賊西南衝一丸

欽定四庫全書 欽定平定回疆方略 卷五十一 九

者輒十餘丈壁摧聲如雷賊賊傳振邦揮步隊躍入同時陳國瑞自東南英翰正南詹啟綸正西大呼竄進城上守兵望見亦鼓譟應之賊不知所爲皆棄壘奔逸都統恆齡等飛騎縱擊之免者什一抵莫渦南北唯七壘未下陳國瑞姚廣武分軍午夜攻之王萬清挈親兵行北塹昏黑中見三五人偷越前一人跳而顛萬清突前斫之有人從後驚呼苗先生死矣萬清則曳屍入營李南華識沛霖以火燭之良是於時蒙城受圍凡八月矣及是始解城中官民相慶皆曰更生更生有喜極至涕泗者皖北平是役也公自力跨馬督戰股傷復裂乞假就清淮醫許之三年都興阿公移師歸遠

詔公回駐揚防公前已擢荊州將軍至是兼權江甯將軍丹陽城小而堅提督馮公子材鎮江兵單力不能獨取公分兵萬人授詹啟綸渡江與子材並力四月壬申夜攻拔之合前蒙城勞

賞服黃馬褂六月甲申湘軍克復江甯

錫騎都尉世職卽授江甯將軍公案國初江甯駐防額設官百二十有

三兵四千七百十有一承平日久生齒寔繁至咸豐初元丁口逾三萬

壬子之難將軍祥厚以下一時同殉男女老弱得脫者裁六百餘人其間職官佐領一防禦一驍騎校二員而已京口駐防官兵向日九千餘人遭亂死亡存者亦不逮半至是建白規復大小官制以銷檔壯丁百有五另戶歸農遷他省駐防閒丁補江甯兵額修復官署兵房籌給十成奉餉以散勇軍械公私餘馬授滿營披甲揚州軍米三千石振遺戶目前之飢餉鹽餘利銀八千三百兩備他日吉凶賞借所請並見施行是年十月兼權漕運總督明年引疾乞休

優詔木許賚假入都

穆宗念公足疾不良於行

特命緩程進發中途仍奉賞乘肩輿之

旨至闕未覲前命管神機營其禮遇如此久之傷疾不愈固請罷退乃聽解薨歸須疾差還闕未幾東三省馬賊起五年正月起家授吉林將軍

詔便道之官隨方討擊公不得已復出應

命力疾督師進搜山險分遣將領越境追捕會不移時大破散於是

修城湟編保甲躡獲餘孽遠近清夷先是黑龍江吉林歲科并試生童

續傳卷五十一

取集盛京遠者二千餘里公創建考棚疏請學政臨試船廠學者便之

境內有牡丹江者女真所謂按出虎水也亦曰金源導自五常敦化東

貫甯古塔折東北流逕三姓入松阿里其水左右巖澗重阻披沙數尺

往往得金是以關內流人窟壑淘取私畜兵杖禁防已身不為抄盜然

人數既猥姦軌亡命時或竄迹其中公分別開誘招使歸農賦授閒田

課之耕植終公之任闕地至數萬頃諸流人遂成土著其後將軍銘安

因公規畫條上便宜竟開建郡縣焉在任五年以舊傷轉劇表請辭職

溫旨見許仍食全奉於家光緒八年十月初二日卒年七十有七

詔立功省及原籍建專祠

予諡威勤公英果有思略束髮荷甲累作軍鋒身三百六十餘戰雖

被創夷志氣不折再任方面並起家傷病之中扶杖登鞍臨討前敵未

嘗稍自退縮其忠勇蓋天性也自受琦善公杖以兩矢卻敵膺

懋賞始悟兵法置之死地而生由是膽氣益壯所向有功及貴每自為

人說之以為終身受琦善公之教焉生平任氣在揚州日嘗以兵事謁

都興阿公議不合爭之不能得忿極宣惡言拂衣而出都興阿公笑置

之人或病都興阿公身元帥安受公辱不之較以為儒都興阿公聞曰

若誠辱我雖然吾輩自視臨大敵奮不顧身孰與若方爲

國討賊奈何以口舌之故失其歡邪論者於是多都興阿公長者而知

公有以折其心也子壽山以蔭爲員外郎永山三等侍衛光緒二十年

永山領兵拒日本鳳皇城力戰死諡壯愍事蹟與公並付史館人以爲

類公云先是有富爾丹富僧格爲黑龍江將軍咸有名稱富將軍故土

人兼公漢姓稱袁富將軍以別之

烏魯木齊都統鏘僧額巴圖魯世襲二等輕車都尉贈太子太保薩爾

果敏公行狀董沛

曾祖某襲雲騎尉 誥贈光祿大夫振威將軍妣某氏贈一品夫人

祖文祿雲南普洱鎮總兵官襲雲騎尉 誥贈光祿大夫振威將軍

妣某氏贈一品夫人

父福隆阿襲雲騎尉 誥贈光祿大夫振威將軍母宗室氏封一品

太夫人

本貫滿洲正紅旗人年四十有九

公諱英翰字西林先代從入京以忠節膺世秩公少好讀書才略明敏

年十四成諸生甫冠舉道光己酉順天鄉試咸豐四年揀發安徽以知

縣用方是時粵寇洪秀全等据金陵橫擾江南北皖豫之交賊燄蠡起

搶首劉元吉李士林孫葵心等羣相屯聚而張樂行起蒙城雒河集勢

尤張鳳嶺一帶苗沛霖假名團練陰持兩端安慶旣失行省移廬州又

移壽州全皖糜爛幾無完土公至皖謁巡撫翁文勤公於行臺屢進策

畫文勤深器之九年署合肥合肥已陷賊紳民各爲團練而頗相仇殺

公解之不能得乃擇魁傑之士而陰部署之其後淮軍負盛名將才輩

出公有以啟之也敗粵寇陳玉成於蕪子岡再敗之於小河灣勦雷麻

店吳家山黃泥灘五顯廟諸土賊皆平之未幾攝鳳臺旋調霍邱苗沛

霖者故鳳臺諸生也乘亂糾眾跨地數百里先後大吏皆羈縻之累戰

功奏授川北道加布政使銜而沛霖益驕公知其必變謁大吏亟言之

且謂速誅則禍小緩誅則禍大大吏以時事方亟猶藉其團練丁爲技

梧它盜計不敢決也十一年擢知宿州宿當皖之北境地廣民悍平時

號難治道光中周文忠公刺州用法嚴峻宿人憚之軍事興文忠駐師

於宿秀民不敢動及文忠歿而亂作一城之外圩寨林立諸大將傳振

邦伊與額等屢勦之互有勝負公奉檄攜一僕徑往貫賊隊直入城中

受篆視事威信大行遂收湖溝澮河諸圩單騎徧造之圩中久不見塵

續碑傳卷五十一

二

蓋卽羣呼曰好官來羅拜受約束公取其豪以置麾下今宿州城南有英刺史單騎受降碑紀其事也嘗偵某圩有反志親率數十騎擣其巢執巨魁斬之餘黨驚服苗沛霖遣黨丁潮臣踞固鎮以阻臨淮大軍之路公計禽之梟於西關苗稍斂迹而張樂行猶熾傾巢出擾蔓十數州縣

朝命僧忠親王督大軍分路進討屢戰屢捷樂行遁歸老巢同治二年春官軍破雒河集公撫降賊李勤邦劉添祥等爲用密授策禽樂行及其子禧義子王宛兒送親王軍前正法傳首三省天下快之於是僧忠親王及漕督袁端敏公文章修公勞績

天子方南憂淮甸遂駸駸嚮用公矣擢潁州府知府加道銜

賞戴花翎始苗沛霖陷壽州忌蒙城團練綴其老巢不能遠出也屢驅悍黨攻掠之公方經營宿州未遑西顧至是東路告定率舊部練丁出境馳援而苗沛霖已先踞丹鳳集及穆張蔡諸圩皆反正旋署鳳廬穎道接統蒙亳諸軍屯小澗集破澮北宋家圩遂與臨淮大軍接公所部才二千人糧仗無轉運取給於宿宿民感公深竭蹶以應公日食粗糲夜宿單布帳與最下卒同甘苦每戰必出陳躬指揮小卻則馳十數騎

續神傳卷五十一

上

陷賊陳時出其背而未嘗有毫髮傷忠親王按視知之歎爲奇才沛霖以大隊逼蒙城公遣部將黃秉忠率親卒翼城而營爲蒙城之援賊黨陳大喜等驟合圍秉忠與外營隔絕而公營益單塵戰無虛日猶時以騎軍齎糧糗濟城守者別遣副將程文炳克高壘集斬賊首高加逾月而總兵陳國瑞之師自山東至又逾月而將軍富明阿之師自揚州至又逾月而忠親王大軍乃畢至遂解蒙城圍斬沛霖降懷遠賴上諸賊目無圩寨之懷反側者皖北略定方沛霖之圍蒙城也繞城爲牆繞牆爲塹中聯數十百營環伺而守營各有塹三五重塹深而牆高基土陡削不可以容趾鑿壁爲坎匿其中以避鎗礮官軍卽逼塹寂無聲夜則巡壁上聯袂呼警諸將輪攻不能破公建議環賊營外復築重垣以賊之攻城者攻之垣外掘地道令軍士蛇行而進破一壘餘壘震潰賊自限於濠塹不得出公督諸軍四面齊入賊瓦解沛霖乘夜竄卒爲我軍守外垣者所獲時二年十一月也其年八月公已擢安徽按察使司次年巡撫喬勤恪公奏平苗寇功

賞格洪額巴圖魯尋以保舉降人爲忠親王所劾銷勇號部議降調

上心重公

特旨改降五級留任張樂行之誅也其賊總愚糾別賊入豫與粵寇賴
汝光捻首任柱合五月圍湖北之麻城東逼英霍忠親王檄公援之由
商城會剿道遇賊大小三十餘戰乃達於石橋灣距城八十里而軍賊
號四十萬阨山險編木爲圍木五重閒以磚一層阻我進路公與陳國
瑞相次上陳欲併公軍不可得故後期俾公以孤軍出欲陣陷公公陽
歡與結而招其部將郭寶昌率銳士二百夜踰崖入賊圍火之賊大潰
向羅田西走陳軍徘徊欲爲亂寶昌洩於公公急告勤恪密疏其狀而
陰解其黨羽軍心以安寶昌遂舉所部從公矣七月粵寇僞輔王陳得
才僞端王藍成春自陝援金陵公四出軍拒之一戰於土門再戰於楊
柳灣三戰於黑石渡皆大捷得才窮蹙仰藥死成春及僞左護軍將馬
永和相率詣軍降公夜張燈肩輿從三騎直入其營撫十萬眾歸命權
呼薙髮委器械山積遂戮成春以徇分別散遣者八萬餘人九月擢布
政使復

賞鏗僧額巴圖魯四年春賊擾河南

上命公帥師赴援勤恪以皖防亟疏留之賊尋入山東四月僧忠親王
殞於曹州賊勢大熾

續神傳卷五十一

三

朝議以曾文正公爲欽差大臣節制三省賊覬蒙宿舊巢大舉南犯公
督道員史念祖等屯雒河集以拒之黃秉忠駐龍山集易開俊駐蒙城
相爲犄角賊十餘萬分踞石弓山龍王廟臨渙集諸險要賴張任三賊
首皆會秉忠開俊俱會以軍寡俱退而雒河之營遂孤糧道阻絕援師
不敢前勢危殆公屬念祖等堅守而自以二十騎夜突圍至西洋集挾
援師俱至於是張得勝總兵首破高鑪集挫賊鋒淮軍劉銘傳破石弓
山豫軍張曜宋慶破張家園分道并集公書夜嚴陣直薄賊壘史念祖
困圍中已四十五日聞援師至卽同總兵程文炳等開營出賊腹背受
敵遂大敗復竄河南公與諸將士執手相慰勞無不泣下其後勤恪奏
立渦陽縣於雒河增設龍山營游擊以重皖防皆公在雒河定策也二
年之中賊由陳汝徐沛屢犯皖境公率諸軍嚴遏之奏渦河迎仙店諸
捷賊死咋不能入尺寸五年八月擢安徽巡撫九月賊首任柱賴汝光
自豫竄山東號東捻張總愚自豫入秦號西捻秦撫新敗以勤恪代之
勤恪知秦愚軍不足恃奏以郭寶昌從征皖之良也公念事亟遂遣之
月饗四萬仍給於皖郭軍戰關中戰河北皆大有聲厥後提督金運昌
接統其軍從定西域十餘年中饋皖饗數百萬皆公首定規也十一月

東捻突過沙河由固始犯皖軍扼之遂由光山竄麻城公率張得勝分防六安之流破潼山之漫水河諸處賊尋西走會文正有疾辭軍事朝命肅毅伯李公督師駐徐州六年五月賊復由楚涉豫浸入山東公與李公定計就運河樹壁壘因地圍賊使不能爲流寇先後入告詔從之公乃督諸將渡淮黃秉鈞統英字軍入營赴宿遷扼上游張得勝統凱字軍九營赴貓兒窩灘扼下游程文炳統強字軍八營居中策應而以騎軍五營往來巡哨並調水師余承先等三營由洪澤湖駛入運河爲陸路聲援興築隄牆晝夜併工膠菜河之防亦同時告竣東捻之勢始蹙十月丁外艱疏聞

賞假百日專理軍務有移孝作忠之

諭時淮軍斬僞魯王任柱餘黨四散圖撲運河皖軍徼之牛師韓降曹禧等千餘人徐登善降高春等方長華降王鳳等各數百人而程文炳追賊沈陽亦降任根柱等百餘人僞遵王賴汶光爲揚州軍所禽僞魏王李允罪大不可赦請

旨斬之東捻平論功

賞三等輕車都尉世職公再疏乞守制已得

魏神傳卷五十一

十四

旨俞允而西捻張總愚越黃河由晉入豫七年正月犯畿南公以京輔戒嚴義不得顧私遂馳至軍入援行至開封奉駐劄河南之

命公以全軍奏交豫撫李公鶴年調遣三上疏乞守制

詔慰留之尋

諭公統所部渡河李公於臨清用前計守北運河自張秋迤至天津如守南運法皖軍畿軍淮軍楚軍山東軍分地設汛兼防德州運河西捻亦困六月諸軍大集張總愚數萬眾就戮於徒駭河之東北路肅清

詔敘平賊功加公太子少保

命安插降人回皖乃奉太夫人致贈公之喪假滿

命仍攝皖撫四疏乞終喪不許服闋遂真除八年沿江水災拜疏請振未及報先動帑以濟民賴全活水旣涸徽州縣吏建築江隄植蘆柳以護之并修復東湖水利清文廣德建平甯國田俾主客巨相安至今無事叛將宋景詩逃山東巨寇楊輔清逃福建密購禽之悉實於法皖南關文貴皖北李六思謀爲亂皆及其未萌誅之其他小醜殄滅無孑遺境內熙熙咸樂休養加厚士類設中江書院延名師課之所識拔多英俊省垣風氣頗尙華美或以告公曰皖北民椎悍諸將自兵間來尤桀

驚不易馴也今使覲冠裳之盛陶之以歌詠而節之以威儀彼知朝廷爵祿之可榮斯潛移默化於不自知矣非所謂銷禍無形歟聞者胥服十三年擢兩廣總督遵

旨入

觀光緒元年

陸辭從海道南行至廣州二月視事以議收闡姓捐爲將軍巡撫副都統所劾闡姓捐者粵東一巨款也前歲以科道言禁之而莠民私踵行不能革公因革監司之請判允之而遂以是望吏議落職公回京閉門奉太夫人未嘗有外交

朝廷念公前勞以其年十月

賞還世職旋

賞二品頂戴署烏魯木齊都統二年春西出關七月至古城接篆遂赴迪化州邊疆新復城野荒寥廚傳不能給公一安之唯以守備單弱爲慮奏通籌善後一疏及眞除

命下公已病瘡四十餘日強起謝

恩翼日復患病自知不起力疾草遺疏十二月八日薨事聞

續碑傳卷五十一

五

賞還花翎及巴圖魯名號

贈太子太保照軍營病故例從優議卹復以母氏年高

賞白金二千兩人薨六兩

予公諡果敏宣付史館立傳竝準安徽省城頴壽亳宿渦陽蒙城諸郡縣建立專祠公以先世勳故襲雲騎尉赴粵時

恩命併襲晉二等輕車都尉配蘇完瓜爾佳氏

詰封一品夫人後公十五日歿於京師尙未知公訃也公無子遺女一未行弟曰英壽年甫十三太夫人之年已七十有三矣公一生仕歷與兵閒相終始以守土官轉經軍旅盤根錯節勉盡職守而未嘗有乞閒乞假之牘待僚吏馭將卒開誠布公賞罰必當尤善用降人能盡其力事變猝臨當幾立斷經權互用而不拘拘於常格故能戡大難成大功還全皖之士俾江南北數千里之民重睹天日卽粵東被議一事公明知其非政體然當此需材孔亟之際出下策以濟時艱亦勞臣謀國之苦衷可使天下有識者共白其無他而不能不見屈於同官持正之口此則九京之下公之所猶飲憾者也公自以世臣同國休戚雖非其職掌亦力言之如陳畿輔善後疏論日本通商疏條議海防疏皆洞中時

弊可見施行粵東解任疏論吏治防務累千百言不以身之退而遂默也遺疏中痛論中外大局感憤溢言表身殞絕域而心繫

闕廷斯可謂之盡臣也已公既無嗣而一弟尚幼疆事本末恐致湮漏江西巡撫李文敏公門下士也屬沛狀其事乃即當時奏報條繫年月參以諸家紀載及故吏之所傳述者爲文一通上之史館以備采擇

且傳示公弟以爲異日祠碑神誥之底本焉謹狀

程忠烈公神道碑

吳汝綸

咸豐十一年冬上海人閒道至皖乞師於曾文正公當是時江蘇全境淪陷獨上海一縣藉外國兵助守勢岌岌不自保文正公疏薦今合肥李相國用道員往署江蘇巡撫援上海李相國既募淮土五千人遂請於文正公願得參將程某自助文正許之程公諱學啟字方中安徽桐城人始從賊中自拔歸曾忠襄軍忠襄克安慶公功爲多忠襄進規金陵且倚公辦賊公亦自誓滅賊以報

國家及李公募軍東行忠襄亦還湘增募軍文正知忠襄惜留公不欲斥與人也貽書忠襄曰吾督江南且二載無一兵達江蘇李君新軍遠涉不可不資以健將於是竟以公與李公李公新軍號淮軍公本以隸

續傳卷五十一

共

會公爲湘軍軍瀕行文正令公軍改湘爲淮公曰無九帥命不敢文正歎異以爲不倍本九帥者忠襄也公以參將隨李公東援同治元年三月軍至上海是時江蘇兵尙五六萬不能戰戰輒敗鉅賊張甚賴英法外國兵代復嘉定松江已又棄嘉定不守李公新軍至當勒習軍陳外國將趣新軍疾戰新軍將多未當大敵獨公所領千人爲勁旅李公檄公屯虹橋不遽言戰也公行至漕河涇卒與賊遇敗之遂據虹橋明日賊大至又破之追至七里堡大破之從李公進攻泗涇慶戰三日解松江之圍進擢副將與美將華爾會克青浦還援北新涇馳入壘與守將并力禦賊卻之移守嘉定以總兵記名簡放賊圍四江口從李公救之裏創力戰卻敵加提督銜公起虹橋至四江口連三大捷皆用少擊眾李公於是增公軍至三千人使進規蘇州道太倉太倉賊乞降察其詐陽許之嚴陳以待與英將戈登會克太倉進攻崑山告李公曰崑山三面阻水一面陸走蘇州先據其陸斷蘇崑要脊賊必膽落從其計克之補南贛鎮總兵記名提督先是大倉既克李公令公總領諸軍軍將人異言及見公臨敵指揮則皆大服諸軍統將軍中號之曰統領公既總領諸軍李公令軍中別稱公爲統率以旌異公是時前江蘇巡撫薛

煥入覲

太后臨朝問程統狀貌戰績良久而外國將初悔吾軍及是戈登自崑山貽書李公稱公有大略足自制賊不煩外國兵佐助公亦盛稱戈登智勇以爲中國諸將莫能及也蘇州城大而堅四面阻水自盤門至婁門賊築長城十餘里長城內穴地爲石壘以避敵外憑水爲固公自崑山進攻蘇州連拔花溼同里下吳江悉平太湖洞庭山賊壘抵婁門而軍破嘉湖後賊自寶帶橋直入遂碎其長城先是劇賊李秀成守蘇及是急援金陵留死黨譚紹洸據蘇守禦長城旣破賊將郜雲官汪有爲等洵懼介副將鄭國魁乞降國魁者雲官舊識也公與國魁單騎會雲官約以斬獻紹洸頭爲信已約攻城益急紹洸召雲官有爲等乘城有爲突起拔佩刀刺殺紹洸賊眾擾亂擊殺數十百人夜開齊門降鞏且雲官等持紹洸頭來獻公入城鎮撫是時城賊尙廿餘萬降酋八人請署爲廿營八人分領之讓蘇城之半處官軍自踞半城助守公陽許諾語雲官等且日出謁巡撫遂還軍密白李公請誅八人者以定亂是時常州嘉興皆未復李公愕然曰殺已降不祥且今常嘉賊聞風死守是自樹敵不可公爭不能得則脫所著冠提李公曰以此還公某從此

續傳卷五十一

七

訣矣今賊眾尙廿餘萬多吾軍數倍徒以戰敗畏死乞降其心故未服也今釋首惡不殺使各將數萬人麋軍餉大萬百餘與吾軍分城而處變在肘腋吾屬無遺類矣拂衣徑出李公急起挽公曰徐之吾今聽若何怒爲公曰苟見聽請一依某指揮明日李公過公裨將營八降人者出城屏騶騎上謁李公勞苦良久給總兵副將冠服有差留寘軍中且去曰吾屬有公事當去吾令此裨將代吾爲主人觴若等八人者旣謁送李公入就坐坐定酒三巡伏甲起八人驚愕格鬪皆死先是公嚴陳入城及八人首至諭眾曰八人反側已伏誅矣餘人不問逆黨驚擾凡殺二千人而定降眾廿萬分別遣留皆安堵帖服無事蘇州平當是時鄭國魁怨公次骨以謂公賣友而外國法尤以殺降爲大禁戈登至欲勒兵與公角鬪逾時乃解而曾文正公在皖聞蘇州殺八降將歎李公明決能斷大事也自軍到上海至蘇州凡十八月蘇州旣平軍威益振乘勝援浙江拔平望復嘉善遂薄嘉興嘉興城守不下吾軍驟勝且驕於是公陳斬臨戰逗撓者守備姜寶勝以徇士皆股栗用命攻嘉興而月城破矣賊輒堵禦復完公募死士登城四登四卻憤甚突出奮身先登飛彈貫腦踣復起部將繼登竟克嘉興奏入

天子曰程某創甚其加意療治已而以傷卒諸軍將士皆慟哭失聲遠近士民涕泣相弔同治三年三月也得年三十有六事聞

追贈太子太保子諡忠烈遣官弔祭有加禮公為將紀律精整應機捷出陰陽闔開神

鬼眩賊大小百餘戰未嘗敗挫賊望公旗輒走自到上海見外國兵械

勁利深研潛討一變中國舊法師彼長技淮軍用西域槍礮自公倡始

李公以外國將驕蹇難制馭獨令公挾以攻戰起太倉迄蘇州與戈登

交推互服殺入降將議論中乖及聞公死戈登乃獨流涕歎惜從李公

求得公戰時大旗二攜歸英國以為表記會忠襄在金陵聞公戰比有

功深惜公軍去已文正亦悔嘗曰吾湘部坐失程某一名將吾媿吾弟

屢檄召公還公亦誓平吳會還軍助忠襄答知已迄不得還竟齋志以

歿公歿卅年中國與日本戰諸將失利李公匡居歎息曰程方中若在不

何憂勅敵為其遺烈在人如此曾祖允中祖列義考大林三世皆以公

貴

贈如公官妣皆

贈夫人前夫人高氏生一子與公同陷賊中公自拔來歸夫人母子皆

遇害夫人之父復以季女與公為繼室後夫人高氏後公九年以同治

十一卒年廿八無子以弟子建勳為主後前後累得襲併為三等男既

冠引

見為員外郎某年某月葬公某所二高夫人耐建勳以墓碑屬汝綸乃

為之銘曰

運圯不反得人則轉大盜據江東顧席卷海墀片土借人息喘李公東

討旗始孤偃公提一旅單進深阻刺賊胷膂使解身首挈吳會襲復還

蘇撫江東事已藏熟厚土論功中興諸將未有在公猶小大世未覩絕

域萬里懸隔自古東耀厥武械器是寶我寫而放如魚脫藪試之三紀

承勁我旅追元溯初伊公本始得粗畫止微漠不討持以應客恃失其

所使公不死國孰我侮曷不憚遺藏茲功緒

清故振威將軍提督署大名鎮總兵許公墓志銘 顧雲

公諱保清字勳臣姓許氏河南商邱人大王父方堉郡庠生王父錦邑

庠生父永理大學生以公貴皆

贈如公官公雖儒家子軀幹岐嶷聲洪而碩願盼肅然也嚴於操守居喪以孝聞而廉直已甚咸豐之季粵捻交劇袁端敏公辦賊安徽公謁

論軍事端敏公奇之從戰壽春穎亭閒既有功矣用都司統五百人爲一軍號中正營營制尙黑當時所稱黑旗隊者也會端敏公入

覲移隸廬鳳道金剛愍公當是時軍與半天下塌所在正供不足給軍食而他省饒沃兼釐金所入歲巨萬計卒未至大紉安微視旁近獨號瘠壤商賈不通故軍府威儀多所未逮而公部尤藍縷剛愍公閱之不之右也人日給裁百二十錢又歲大凶荒軍中至雜野菜爲糜日再啜公亦與同啜焉公嘗曰兵殺賊衛民者也若縱兵擾民兵卽賊矣又奚以殺賊爲以是雖飢億無或肆者俄而捻逆七八千號萬人覲與粵逆合剛愍公令以所部五百人當之而自當粵逆於是公病數日矣聞令跳身起五百人者皆奮誓於軍門曰彼軍人給二百五十錢而我半之以我不任戰也今戰而死猶賢於飢而死且我公何爲者乃同我啜菜糜言次人泣數行下公倚鞍慰勉然後鼓之人自爲戰銳不可遏賊抵死拒我軍遽洞入中堅縱橫盪決不可復陳遂大潰以北而我軍拒粵逆者失利會粵逆聞捻旣北乃退去剛愍公乃大犒公軍日給與所部等嗣是大小數十戰當輒摧敗黑旗隊遂雄視諸軍會端敏公膺督師安徽之

續碑傳卷五十一

元

命重臨其軍公建議軍行無定便利是趨而淮泗諸流動阻所嚮非別立水師與陸軍相輔賊未易辦也端敏公聽其議公乃退改所部且立且增成水師四營統之而懷遠臨淮鳳陽以次復積功擢副將賞戴花翎於是軍事小定矣辭其軍回籍掃墓行旣有日乃無以辦裝先是軍興久所在統將什軍例入其二而器仗衣糧復彙辦自上哀其直以賦於軍以故長千夫數年累賞必鉅萬公前後所部獨盈其數卽補換中閒無所於給必會牒所司儲賞戰士尤勇者爲統將幾十年所入俸料外不別名一錢至是乃稱貸以去旣復出一總高寶湖防務去之蘇州蘇撫今合肥相國李公檄行撫標中軍參將事相國督師征捻逆復領行營中軍捻逆平積功擢提督賞冠勇巴圖魯名號又總防務相國督直隸行大名鎮總兵事兼統保定大名馬步練軍督修東河隄工旣竣給一品封典公以廉爲眾疾又彊直不解事人相國雅重公徒以事多所執又用禮自持視諸貪猥不直一唾而亦不能無所兼焉故公自著聲鳳穎後戰績遂無孛犖大者旣嬰疾工所遂謝歸歸未幾而卒卒頃屬諸子而告之曰吾家世儒業以天下多故杖策從軍馬革裹尸故其

志也不自意獲終牖下爲幸多矣年六十有奇葬邑之某原配趙氏一品夫人子三懋功知縣懋德同知懋賞鹽大使女二適黃適陳孫四幼懋賞故雲友以公狀來請銘銘曰

猗公儒素爲

國千城有歷鳳穎桓桓厥聲端敏知言絕去文飾敷公於

朝忠廉正直維廉且直當世則希中興諸將疇克庶幾商邱之原公所

歸宅視千百年吾銘維覈

江誠恪公別傳李元度

江公忠義字味根新甯人忠烈公思源從弟也咸豐二年忠烈帥楚勇

回援長沙公年十八固請從軍每戰輒出奇創賊忠烈喜曰吾家將才

也從轉戰湖北江西

賞藍翎忠烈殉難廬州遂分領舊部五年隨江南提督和春破廬州城

外賊壘紋府經歷縣丞尋丁父憂和公疏留軍十一月廬州復

詔擢知縣明年歸以在籍防勦功加同知銜七年春候補道劉公長佑

攻臨江失利南撫駱公檄公帥新練勇千人赴之八月從劉公大破僞

翼王石達開援賊十二月復臨江

詔賞孔雀翎晉知府八年敗賊新城晉道銜江西肅靖凱歸明年春石

逆由南安陷桂陽將窺衡州爲陳戶部士杰魏主簿喻義所扼乃繞道

嘉禾犯永州公奉檄援永敗賊煙竹埔圍解

詔擢巡守道亡何賊陷東安公念賊仇視新甯久卽夤夜馳回甫入城

賊至敗諸摩訶嶺帥壯士火其巢賊遁時三月二十八日也四月賊再

犯新甯將趨武岡時劉公駐新甯公遂帥千五百人倍道入武岡賊至

見楚軍列幟城上驚曰來何速也遂引去

詔錫四品封典及賊圍寶慶公繇武岡馳援每戰輒挫賊圍解追禽僞

將軍李定發等數十人斬級數百賊遁廣西

詔賞勇號曰額爾德木巴圖魯十年春石逆終不釋意於楚由融縣窺

綏靖公帥二千人赴綏靖益之十月母憂歸賊遂陷綏甯尋陷城步趨

武岡公分軍守新甯自援武岡賊至擊走之旋以新甯警將回援謀報

賊謀潛襲東安乃從間道改援至則東安已陷一戰復之

詔加按察使銜方東安之復也賊改由零陵窺道州公兼程抵甯遠出

賊前與賊遇於四廣橋血戰五晝夜賊崩潰斬首數千十一年正月石

逆遣黨由貴州獨山繞道犯全州道州戒嚴公扼四廣橋敗賊白芒營

又會勦於宜章粟源堡降賊眾萬人公回駐新甯當是時賊蹤飄忽東則江華永州西則綏甯靖州北則武岡寶慶無夕無警報公一軍搯拄其閒卷甲疾馳無虛日遺民聞公至則皆喜至必大創賊石逆挾全力犯楚百計不得逞卒竄黔蜀以死繇公等摧其角距也四月廣西別賊竄義甯公遣參將江忠朝等扼諸全州賊故畏楚軍僞丞相余成義斬其魁以降湖南解嚴

詔加布政使銜冬十月

特旨賞二品服署貴州巡撫公以母服未闋具疏辭得

旨允其終制仍令墨經從軍在本籍帥師勦賊居亡何石逆復自粵竄楚眾號十萬公以三千人扼諸會同榆樹灣及浦市均大破之賊勢促乃結湖北來鳳賊黨捷我軍公會諸軍急擊拔來鳳賊遁入川方會同之陷也公繇洪江進攻突遇賊值天大雨公整隊進石逆親率死黨來決戰公揮軍縱橫抉盪戰三時賊敗石逆墜馬者再千總江忠倬怒馬取之幾獲矣逆黨以死護之去自是不敢復窺楚矣同治元年移師援黔七月克天柱

詔署貴州提督南撫毛公鴻賓疏調公征粵西遂克修仁殪逆渠張高

續傳卷五十一

五

友大捷於蓮塘會皖南賊勢張兩江總督會公疏調公援皖而劉公長佑時已撫粵西屢疏請留公有

旨命署廣西提督二年皖賊勢益張江西孔棘毛公疏請

敕公由江西赴皖時廣東高州匪未靖廣督晏公端書又疏請會勦廷議皆報可諸將謀所向公曰陳金剛雖悍然粵中糧餉足他將能辦之江西餉不給賊入境已十萬脫有不虞東南全局瓦解矣吾豈可避

難就易貽

朝廷南顧憂且江西吾百戰地父老聞吾旦暮且至皆引領望此意可厚負邪乃奏請援江檄道員席君寶田率前部先發會勦陶家渡破賊十餘壁軍勢乃振六月進攻湖口逼賊而營僞堵王黃文金率死黨來爭黃文金者粵中最悍賊眾呼黃老虎者也公出奇兵抄之賊無所得貪悉銳突我軍軍植立不動相持數時之久乘其懈猛擊之賊大敗文金受重創氣奪引去江境肅清狀聞

賞穿黃馬褂部曲獎擢有差八月青陽圍急城中食且盡公帥師往援時賊連營二百里公至賊皆有懼色中坂埔之捷逆黨望風崩潰公猛進距城十五里而軍別遣將繇五溪進賊悉銳趨五溪公統師由芳坳

深入鳧水渡躬行泥淖中爲士卒先又分軍攀懸崖出賊後賊驚潰立破百餘壁圍解而太平石埭甯國諸賊皆決計降矣會公病甚還江西次鄱陽之石門就醫南昌未至卒於吳城旅邸年三十公身中軀饒膽略善調度能預策賊去向先期堵截搃其吭初石逆擾慶遠公策其必道楚西入蜀疊請飭東南防兵急西嚮聞者迂之亡何賊果越綏甯而西乃服其先見治軍嚴而有恩不惜重賞勵有功而自奉約甚暇輒研究書史於生民利病時惓惓於懷嘗言治賊當清其源爲置吏必以吏治爲本死事

上聞

詔贈尙書銜照總督例議卹廕子如制

子諡誠恪

敕本籍及江西安徽青陽均建專祠江氏自忠烈殉廬州後道員忠濟副將忠信總兵忠珀均力戰死綏及公而五戰功節烈之盛永寶閒罕與匹焉

贊曰公以記名道擢權黔撫辭不拜引禮請終制後兩權黔粵提督朝廷破格用人其不主故常若此楚軍中宮保彭公亦嘗辭皖撫

續神傳卷五十一

五

詔改水師提督又辭漕督改侍郎烏乎古今智略士乘時會答兵走萬里大率志在功名耳二公皆辭督撫視節鉞無關於殿最其諸有國士之風歟

安勇傳

畿輔通志

安勇由行伍拔千總道光二十一年爲泰甯鎮右營守備二十六年擢江西興國州營都司咸豐元年二月粵匪竄南贛突撲龍南之芳竹嶺勇督兵扼剿礮殪賊首數十人餘潰遁擢山東武定營遊擊二年奉檄赴江南防堵三年六月賊由瓜洲犯三汊河營勇率兵截於揚子橋破之賊又於對岸築礮臺結浮橋搶渡勇冒雨奮擊他軍繼進賊潰退七月賊由鈔關門天甯門來犯官軍擊退追至護城河勇先設伏東岸賊至殲之事聞得

旨以參將升用時江甯揚州皆爲賊陷勇隨欽差大臣琦善趨赴三汊河奮擊敗賊以火器焚其營四年分攻揚州勇首先迎擊六月復攻瓜洲賊入土城拒戰勇乘間馳入殲賊幾盡直隸提督陳金綬上其功賞戴花翎九月剿賊季家廟毀賊壘進攻新橋虹橋皆有功五年賊合鎮江逆黨入儀徵過鹽河踞帶子溝我軍浮橋渡河勇率先奮擊復偕

副都統富呢雅杭阿攻河南賊毀其營二四月賊約鎮江大股竄八里鋪欲犯三汜河勇偕副都統德興阿等兩路夾擊賊斷隄築壘我軍馳入攻奪之積功擢直隸大沽協副將六年升天津鎮總兵官八年三月與都興阿等克復江浦城五月敗皖逆於大劉莊捷聞

賞烏里達勒巴圖魯名號九月賊由天長犯揚州勇督兵過河堵禦賊他竄十年漕運總督袁甲三以防剿出力奏入

賞加提督銜同治四年卒奉

旨賜卹

陳總兵事略 洪良品

陳國瑞字慶雲湖北應城縣人八歲而孤年十一提督黃開榜養之爲子從軍擊賊克復正陽關及懷遠城奮勇首登此爲立功之始咸豐九年十二月賊踞鳳陽府縣兩城甚堅國瑞謂非出奇計不可下會大風率壯士七人懷火球攀堞上火起奮殺官軍乘之賊眾驚潰踐踏死者無算遂復府縣二城生禽擒酋張元龍等前督師勝保上其功擢守備加都司銜

賜技勇巴圖魯名號十年正月欽差大臣袁甲三奉

續碑傳卷五十一

五

命討淮北賊調國瑞隸其軍時壽州危急命率兵往剿中途聞賊犯鳳陽乃黑夜返旗往援連破賊壘立解鳳陽城圍以功擢游擊同治元年賊陷天長國瑞移軍駐高郵寶應與天長界之下五鎮屢戰未克偵知賊有小將陳振邦者多謀勇設計取之遂克其城畜振邦爲義子天長既復而捻逆竄清淮署漕運總督吳棠調國瑞往剿僅率壯勇五百人赴敵而賊眾數十萬踞淮關署劫稅銀去國瑞揮軍追擊賊奔奪回所掠時捻逆逼清河國瑞率五百人往援深入賊陣賊易其少圍之國瑞奮力衝擊自辰至酉斬賊無數賊大敗國瑞勇均服紅比甲賊中稱紅孩兒軍名聞天下事聞

諭旨褒獎升副將加總兵銜國瑞益奮勵進剿桃源宿遷等處殺賊萬餘級拔出難民八千人移軍進邳州累戰皆捷擒酋高圭詣軍門降清淮悉平奉

旨以總兵儘先題奏髮逆逼揚州裏下河危急移剿高郵寶應召伯埭各湖面戮賊數萬人十二月吳棠奏派會剿山東鄒蘭幅匪率所部二千入進攻徐塘圩蘆塘兩匪巢爲士卒先躬冒礮火負土填塹浴血被體獠升不輟攻堅折銳如摧枯朽匪駭潰進攻長城捻目趙開元合三

岡幅眾馬步二千人來援馬突陣如飛國瑞全軍張兩翼匪三馳不動進退漸懈國瑞旗三弊三作洋槍如雨開元墮馬死前隊盡靡全軍夾擊匪奔北破援賊李成十萬眾又破岐山斬匪首孫化祥降仲村賊首宋三綱等賊皆悉平散遣脅從萬餘人乃進兵攻兗州之白蓮池白蓮池者教匪宋維明等所踞中環九大山山峻路險賊皆其上出劫入保爲民患有年國瑞兵至逆酋劉雙印率黨迎戰國瑞命部將郭寶昌從小路領兵出賊後命康錦文潛師伏山徑中俟賊過半橫出擊之國瑞自將衝其中堅三路夾攻陣斬悍賊萬餘生禽雙印等二十餘人餘賊負隅死守不敢出國瑞親冒矢石朝夕仰攻一月有餘不下會夜大雨國瑞料賊防弛乃冒雨緣崖先登將士繼進破之殲賊萬餘戮逆渠宋維鵬劉錦春科爾沁僧親王駐軍淄川聞捷以功入奏

賞穿黃馬褂嗣流賊竄曲阜

聖陵震驚國瑞連夜馳護奮勇力戰復埽平兗曹沂積賊奉

旨賞給頭品頂戴苗沛霖復叛江北震動

上命國瑞幫辦江北軍務八月國瑞率三千人進援蒙城初苗沛霖之圍蒙城也城中兵少食盡賊環城築壘城外百里皆附苗民圩與相倚

續碑傳卷五十一

苗

角他軍援蒙者壁數十里外國瑞至攻紅里圩王家窰等處破之連毀附圩賊營數十轉戰而前直擣其巢苗逆率死黨迎敵國瑞驅軍奮擊賊敗崩潰整軍再戰又大敗之賊乃拒河固守不出日用大礮向官軍營中轟擊子落如雨國瑞方閱文書甫離席礮子擊其坐具糜碎國瑞大怒命左右置交椅營門外瑞大呼曰我陳國瑞也任爾施礮無我則有爾有我則無爾矣賊礮不中相顧大駭遂止不轟擊以長河高壘自固國瑞一日乘黑夜大雨令將士涉河潛入賊船斬守船賊數人奪其船爲浮橋進逼賊砦立營五大座背水爲陣奮呼搏戰連破老巢生禽苗天慶等斬萬餘級各脅從返正均散遣歸農苗沛霖旋亦爲他軍殲斃僧忠親王以國瑞破賊功奏請以提督記名簡放

特賞三代一品封典

賜福字班指荷包人參各珍物同治二年四月授浙江處州鎮總兵時官軍圍金陵急賊糾合陝西皖豫各省髮捻數十萬赴援髮首陳德才屯踞麻城縣之白杲鎮五月國瑞奉

命由皖豫入楚剿賊賊築壘數十座樹木柵縣互四十里與皖楚各官軍相持月餘不下國瑞始至兵纔八百人不俟大軍齊集卽於是日三

更分五路進兵拔其

土壘禽斬大小頭目百餘人餘賊驚潰下竄

未抵麻城時有言國瑞逗留有異志及國瑞至一戰破賊湖廣總督官

文聞捷大喜飛報僧忠親王王至國瑞單騎往見言狀王聞於

朝仍命國瑞回營督兵追賊於蘄水蘄州羅田廣濟等處至冶溪河與

賊大戰殺賊數千人賊敗奔潰竄至英山霍山之界眾尙數十萬國瑞

與楚皖官兵合勢剿殺賊亦糾各黨分隊迎敵正酣鬪閒賊目忽見國

瑞旗幟驚曰此紅孩兒軍也遂大潰勢如山倒禽偽瑞王藍成春於陣

偽將馬融和等乞降陳得才服毒死遣散舊從難民數十萬人皖北大

定十一月河南巡撫張之萬奏調國瑞駐光州堵禦擒匪擒首張總愚

犯鄧州僧忠親王戰不利國瑞督兵赴援卻之四年二月追賊至確山

斬賊萬人脅從逃散殆盡賊僅存馬隊由確山竄汝甯歸德至山東濟

甯沂州又繞道由江蘇境竄曹州飄忽千里僧忠親王亦以馬軍追及

賊回顧國瑞步軍未到牽其精銳併力迎戰忠親王遇害迨國瑞至官

軍已潰勢不可支次日國瑞收集敗軍泣諭將士曰我軍數年以來戰

無不勝今賊如此詭譎喪我親王誓與決一死戰諸軍願從者隨不願

者聽言畢策馬前進從者僅數百人大呼搏戰無不以一當百賊敗遁

尋獲僧忠親王遺骸負入曹州城自去頂翎素服治喪嗣以失王各督

特召入都

賞頭等侍衛七年正月擒逆張總愚北犯保定京畿大震

命國瑞統神機營軍二千駐易州防護

西陵賊擾安肅距陵不遠國瑞遣人語賊曰陳國瑞在此可來拼命也擒懾其威不敢犯

易州境上命大學士李鴻章督師以國瑞隸其軍又駐軍清化鎮以扼東西要

隘堵守月餘四月間張逆勢熾陳振邦戰沒唐縣郭寶昌受傷差孫謙

京師西捻平論功復提督賞雲騎尉世職請假南歸寓居揚州數年與李世忠構疊經大學士曾

國藩奏革世忠職降國瑞為都司光緒元年復以總兵詹啟綸毆斃胡

續碑傳卷五十一

士禮事牽連削職戍黑龍江八年十二月三十日以傷病卒於戍所年四十六九年七月戶科給事中鄧承修上言敘國瑞功請

旨量子褒卹嗣翰林院編修尹琳基等復請在山東建立專祠皆

從之尋奉

旨復總兵許其歸葬立兄子觀全爲嗣

賞還雲騎尉世職

續碑傳集卷五十

續碑傳卷五十一

吳

武臣五

鮑忠壯公別傳 朱孔彰

鮑公超字春霆四川奉節人也咸豐初入向忠武公榮軍擊粵西賊未幾以病還長沙落魄欲死復入湖南軍後屬塔齊布公稍稍以勇略聞時曾文正公治團練招水軍乃拔為哨官隸楊公載福麾下嘗乘單舸為前鋒樹鮑字幟縣紅綾丈餘以自異曰戰勝令人易辨也從戰洞庭克岳州平沿江賊壘抵金口補千總克武昌漢陽補守備克蘄州田家鎮從攻斷橫江鐵鎖焚賊舟得花翎都司武昌再陷文正已至南昌於是公屬胡公林翼回駐金口胡公為湖北巡撫大治水陸軍拔公為營官水陸會攻漢陽漢鎮獨破宗關石城登岸殺賊獲大礮二尊奪快蟹二艘乘勝出襄河口賊以鐵索貫船作浮橋截河公督七哨官一鼓而進用椎斷索燬浮橋獲三版七輜重三百餘船又攻破晴川閣木城二胡公之營高廟黃州德安援賊麇聚圍攻甚急公以單營飛權馳救力戰卻之胡公由是益知公視為布衣交嘗呼為弟公初字春亭因改亭為霆狀其勇也再克金口功最升遊擊下樊城武昌克蘄州九江遷參將時上游江面肅清胡公令公赴長沙募三千人改統陸師號曰霆軍七年攻小池破賊孔壠援黃梅毀億生寺賊壘戰一日夜傷左鄰右臂鼓音不衰於是大破賊生禽偽丞相等四百餘名斬首五千級授副將加總兵銜又焚黃梅後山賊屯進駐宿松二郎河攻破涼亭河祝家塆賊壘偽英王陳玉成率數萬眾踞楓香驛仙田鎮進擊大破之奪賊壘十三明年援麻城克黃安會多隆阿公進窺太湖公攻北門燒賊火藥局連破雷公埠石牌沿河東岸賊壘十六斬馘萬餘級

詔補湖南綏靖鎮總兵進逼集賢關直抵安慶省城會江浦浦口六合六安三河官軍失營壘百餘座陳玉成合凶逆之眾乘屢勝之勢復糾捻渠張洛行龔瞎子眾號六十萬上犯舒桐潛太復失江甯將軍都興阿公令公退駐二郎河遏賊衝公身先士卒以寡擊眾大破賊於宿松東北斬偽天將成天侯殲賊八千有奇九年十二月進壁小池驛時曾公駐宿松胡公駐英山公與多隆阿公爭赴前敵多公欲退公不可曰東南半壁安危在此一舉乃下令軍中夜半秣馬厲兵以待師出請所向公曰惟吾馬首是瞻於是銜枚疾走十餘里聞四面刁斗聲繚且急

公勒馬顧諸將曰若試看此何地也天將曙共辨切乃在賊壘叢雜中咸相顧失色公曰勿怖吾與若等同受

國恩當以死報皆感奮涕下爭效死公手先然巨礮聲震若雷賊睡酣忽聞礮聲驚起見公軍共嗤爲自臨絕地圍益堅公望見僞英王黃蓋羽葆立馬指揮直赴之賊陳亂後者繼進呼聲震天莫不以一當百遂破賊七十餘壘克太湖潛山當是時靈軍之名聞天下

天子褒功加提督又憫公勤勞久

賞假三月省親養傷然公所部不過三千人恨未竟其用曾公與胡公書曰春霆近來戰功比多更偉可令統萬人於是增募新軍復出曾公已進祁門以公爲游擊之師時僞堵王黃文金由浙江犯江西僞忠王李秀成由蘇州蕪湖上竄徽甯徧地賊氛以大圍包裹祁門斷景德鎮糧路軍書梗阻公縱橫盪決大破賊於夥之盧邨再破於休甯萬安街左文襄之援景德鎮也待公會戰因大雨遲一日左公先假霆軍旗幟賊見大驚敗走比偵知公尚未至復回踞羊塘謝家灘築壘三十餘公馳至大戰斬首逾萬黃文金負重創遁賊竄建德又敗之復其城旋援安慶大破賊於赤岡嶺下堅壘四礮賊首劉瑯琳十一年六月秀成以

續碑傳卷五十一

金陵賊眾擾江西連陷二十餘城踞瑞州奉新靖安安義逼省垣公移師援剿大破賊於樟樹斬馘萬餘河中積尸塞流遂解撫州圍時江北賊熾曾公檄公赴援甫及武陵渡而安慶復再抵撫州秀成先竄貴溪雙港湖坊合花旗廣匪號三十萬公馳至大破之斬馘二萬餘進克鉛山廣信江西肅清同治元年補授浙江提督賊厲聚皖南東連蘇杭西濱江上自建德東流下至銅陵蕪湖戰爭紛紛公各路策應倏東倏西風馳電掣精銳莫當旣解銅陵圍進克青陽拔石埭下太平涇縣攻甯國大破賊於寒亭管家橋進軍高阻山僞輔王楊輔清匿城中僞保王洪容海等數十萬眾繞城築壘絡繹三十里公擊破之奪望城岡賊四出襲我軍僞循王魏超成列隊胡盧山楊輔清復由大東門出公奮擊皆大奔斷賊數萬於城中分兵躡追殲賊二萬有奇血流標鹵城下楊輔清以單騎逸洪容海自廣德州以十萬眾降料得精壯三千後容海從公轉戰至嘉應州官至總兵是年秋江南大疫軍中死亡相繼公亦病猶能捍蘇杭強寇不使上犯及公瘡一戰大破黃文金於西河灣平八十餘壘皖南肅清會李秀成竄江北破江浦浦口和州巢舍山圍石澗埠官軍四十餘日公自青弋江馳救抵無爲州賊聞風解圍去所向

披靡列城皆復禽斬數萬李秀成遁入金陵公渡江軍於幕府山賊夜襲營敗之移駐紫金山連營至孝陵衛斷賊往來要道適青陽復被圍公馳援至三山賊解圍遁追破偽根王藍仁德於曹塘斬級六千賊目張勝祿等殺藍仁德獻頭降收復建平鼓行至東壩踏平城外三大石壘偽隨王楊柳谷率三萬眾頂香蒲伏出降遂下東壩攻句容大戰塔岡城斬馘七千城賊內亂夜縛偽翰王項大英偽烈王方成宗款營五萬餘眾盡降戮二逆於市引兵趨寶堰破堅壘五進克金壇常州賊由丹陽來犯大破之斬首逾萬時二年四月也蘇杭既克賊眾復竄江西踞許灣欲犯南昌分黨蛾聚金谿窺建昌屬縣皆為賊所有江西告急公馳救抵撫州賊自雙鳳嶺琉璃岡九子嶺苦竹冲洲洋至許灣絲互數十里周築長牆牆內壘纍纍如貫公軍裏岡亦深溝高壘若示賊持久之賊稍懈公令曰破長牆決死戰在今日乃分兵趨四隅親督軍擣中堅越五層鹿角而入有部將一人退者公手刃之士益用命長牆破賊不能遁軍亦不得出人人自為戰血濺征袍如洗鎗鐵皆紅圍殺竟日破賊壘一百餘座斬首四萬級拔出難民八千進克金谿瀘溪南豐新城偽聽王陳炳文甯王張學明獎王陶金曾等率眾七萬降即令前

續碑傳卷五十二

三

降將洪容海約也初偽康王汪海洋自許灣大敗後餘四五萬眾竄瑞金後併丁太陽數千人湖州逃匪數千合偽侍王李世賢三江五湖之眾三萬勢復熾回圍甯都連營四十里公率大軍至連破之圍解斬馘萬餘海洋自瑞金復遣偽主將秦彪詐降公下令步伐止齊備之賊果列陳搖旗鼓譟勢驕甚公驟擊之賊驚潰爭入城門際尸積如山城賊開西門遁追至莖田已達閩界是時江甯已克論功加一等輕車都尉世職

錫封一等子爵戴雙眼花翎先是公於三年春丁母憂乞回籍葬親優詔慰留賞銀五百兩經理葬事

天子曰當念移孝作忠之義勉抑哀思俟金陵克復江皖肅清再行賞假以遂孝思至是再申前請

帝許之四年秋賊由閩擾粵東

朝旨促公出五年正月偽康王汪海洋偕王譚體元佑王李元濟踞廣東嘉應州公率大軍五路合擊大破之會大風雨賊夜遁公先設伏黃沙嶂北溪白沙壩等處起擊之尸滿山谷斬譚體元李元濟並首目數百名降二萬眾粵匪平加雲騎尉世職部將得

賞黃馬褂者三員於是

命公移軍剿捻久追逐於鄂豫之間捻嘗避公不得一戰六年正月遇於安陸永隆河大戰破之追奔五晝夜斬首二萬餘級然公亦病矣朝廷催人關剿西捻以病未能起

詔詰責曾公疏解之旋乞假歸

恩賞人獲公英姿剛猛身才七尺高頰目光如巖下電右臂爲礮所傷不便匕箸未嘗讀書軍報口授有意理牘尾用左手施行曳筆勁人能辨之馭軍嚴而有恩進必賞退必誅他事不苛細故得士卒死力而樂爲用其進戰也疾如風善用大眾有排山倒海之勢駐軍若不過爭地形而壁如山立不可撼左文襄嘗視其軍指一壘宜改築公曰得勢文襄亦不解其意然敵竟不能近宿松太湖之戰與多隆阿公齊名壁小池驛賊晝夜環攻手持令不得與四旬餘卒以破賊其堅忍如此陳玉成賊中呼四眼狗公嘗曰狗待我豹來食之蜀音鮑豹相近胡公與曾公亦戲曰與君烹狗賀新年蓋以十年三月破玉成也其明年天津夷兵犯順

文宗狩熱河

續碑傳卷五十二

四

詔公入衛會和議成乃止嘗論夷事切齒如私讐每恨不得當而甘心

故

朝廷有海防事卽起公自永隆河戰捷病歸家居久至光緒六年復

召授湖南提督朝京師未至官會俄人窺琿春

命統萬五千人駐直隸樂亭時曾公國荃駐山海關李公鴻章駐天津

公虛衷咨訪整軍經武四夷憚之屢

詔問舊傷公奏盡平復據鞍如常感

朝廷不次付託之重撫衷憤發又其血誠也和約定卽撤軍還蜀其後

法兵爭越南又

命統眾向太原未至講和罷兵十四年秋終於家

賜諡忠壯三子祖齡祖恩祖祥祖齡襲爵最公提兵十餘載大小七百

餘戰禽僞王數十名斬首三十餘萬級降二十餘萬眾凡臨陳公與部

將各戴品級翎頂珊瑚水晶焜耀炫目不怕首與他軍殊賊一見卽驚

爲震軍棄械跪馬前卽不誅殺以此服其威信新許公振禪每與余

談公逸事謂許灣之戰雖沙崩鉅鹿瓦碎長平不是過也其立廟豫章

鄉人至今思之雲軍多驍將如宋國永婁雲慶蘇文彪段福譚勝達孫

開華唐仁廉王衍慶最有名

德音傳 吉林通志

德音字潤堂姓何圖哩氏隸蒙古正藍旗世居吉林城北沙河父尤成額謹厚嗜讀書步趨宋儒爲左翼官學教習垂五十年學生頌之不置事繼母孝妻闕有懿行亦知書德音其長子也咸豐二年以附學生委筆帖式從征粵逆戰江皖之交有功

賞藍翎五年戰江浦縣七年戰淮安徐州府境甚力

賞換花翎歷擢佐領明年隨欽差大臣勝保剿北路捻逆破賊圩十餘以協領卽補九年以病乞回旗同治元年起授協領明年署阿勒楚喀副都統奉天昌圖廳盜犯王五糾眾劫略闖入吉林旣擊走之餘賊據通溝岡率軍殄除殆盡加副都統銜卽眞四年入覲命署吉林將軍有頃奉天遼陽州賊起官兵失利賊北走

詔吉林嚴防又以吉林伏莽甚多

詔並爲備當是時吉林各軍悉調東南討賊疏請神機營留演吉林騎兵百爲奉天所截留調回禦賊者再及請徐州軍營所撤官兵馳回原省

續傳卷五十一

五

詔並俟尙書文祥至奉天後商辦不得已乃練民團勸闡捐資餉之賊渠劉果發尋竄出圍場據一拉溪岔路河擾及旁近而王樂七馬俊子周榮暨各黨一時竄起山中諸匪尋聲響應之佐領保隆參領常德等先後戰沒於是伊通長春雙城五常伯都訥拉林阿勒楚喀無慮皆賊矣伊巴丹站道爲梗賊逼烏喇街去會城裁七十里會城故土垣德音擁市人以守莫不危之而其氣殊厲徒步雜士卒巡徼會劉果發周榮相繼斬獲疏調留演出征軍皆回授文祥及署黑龍江將軍寶善奉詔遣軍與蒙古郭爾羅斯兵以次至聲威旣壯兼部發餉銀五萬兩士飽馬騰羣賊略就殄餘散走諸山中鬍子由是萌枿焉鬍子吉林以稱盜厥後邊防宿重兵時肆劫略不敢輒揭竿然有數十人連陷二城易斲而撫者日益滋甚民不聊生乃懸之著令獲鬍子五與優保而將領以下往往誣良爲盜以期得保有司鞠非實出之則譁爲賄縱於是歲誅千數百汜不少衰其放卡之兵首鼠兩端爲德於盜者間有之而吉林地瘠早寒穫少一夫所受什古制猶贏中田而廬無守望之助故鬍子易逞爲之策者宜去優保之令仿富俊屯堡其民資無籍者部勒之使屯田邊界庶有豸乎明年德音丁父憂百日孝滿回阿勒楚喀本任

部議褫職治陷屬城罪

穆宗以籌兵籌餉卒保會城改革職留任六年調吉林副都統尋署黑龍江將軍明年春疏請緩呼蘭廳所屬巴彥蘇蘇等處被災租賦及齊齊哈爾城黑爾根城旗營屯站歉收請借給籽種口糧以安災民八年

夏 詔簡馬隊五百遴員率赴甯夏將軍穆圖善軍疏言治裝銀貸自商人應由部撥款以償

詔如所請秋卽眞十年以黑龍江附近蒙古荒地例禁開墾杜爾伯特協理台吉那遜烏爾吉等擅行招墾止之不聽而副管托蒙阿等復以努毓河北克音河南之荒地擅請撥放分別劾罷之十二年疏陳餉絀請

飭部咨會各省協餉依限解清並補歷年積欠及吉林黑龍江山場荒地招墾後或窩藏匪盜現已編查戶口以絕其源呼蘭等處雖禁止開墾仍有奸民土豪承攬地畝轉售漁利等弊請

飭部定章示懲又黑龍江新設理事同知所轄遼闊人雜事繁銓選之員經年始至請以此缺歸奉天揀發人員內遴補庶邊地收得人之益

又奉天旗民近年徙吉林黑龍江者多至千餘戶請
續傳卷五十二
飭該將軍下所屬旗佐隨時稽察期有限制

詔並從之明年春卒

穆宗悼惜焉
賜祭葬如故事諡曰莊毅

子其子忠清藍翎侍衛
關保傳 吉林通志

關保姓烏扎拉氏吉林人隸滿洲正黃旗道光六年及十年再從征回疆有功二十三年歷擢三姓佐領咸豐三年隨侍郎恩華勦粵逆戰河南懷慶府山西平陽府並捷還屯保定欽差大臣勝保檄充營總率所部勦深州靜海餘賊還攻獨流鎮功多擢協領

賞戴花翎明年隨參贊大臣科爾沁郡王僧格林沁自獨流鎮躡賊至阜城三里莊賊首林鳳翔反戰額中槍丸裹創進賊不支逐北四十餘里

賜號昌阿巴圖魯五年調赴安徽會大軍克廬州加二品銜明年隨江南提督和春勦五河據賊以所部分伏道左賊出夾擊之賊驚竄多所

斬賊尋偕副都統麟端以騎兵薄賊壘賊三千餘繞襲我後先諸軍馳陷其陳賊卻黃衣賊目三橫刀立馬陳後復麾之進所部槍殪其二賊乃大潰俘斬千餘夏隨僧格林沁蹙賊山東高唐州之馮官屯鐵馬已調湖北尋調河南又調安徽當是時吉林馬隊名天下東南水陸軍恃以相輔故諸帥銳欲得之令甲功上克城騎所長野戰故以數十日奔命三省勞則甚矣關保既赴和春軍道敗邳州援賊解壽州圍毀賊壘二尋擊賊頰上縣高橋及八里河十八里鋪小青龍尾小河沿五戰皆勝秋移隸河南巡撫英桂軍敗賊馬村橋進亳州雙溝遇賊姬橋殲之又連敗賊三丈口舊縣集安徽巡撫福濟疏調赴蒙城英桂疏請留豫詔兩撫和衷商榷俾先所急時方率軍趨懷遠聞捻逆逼徐州越境助擊勝焉漕運總督邵燦又疏請暫留徐州

詔如所請七年偕總兵史榮椿馳永城岳家集掩取捻逆李月月先遁焚其巢尋以病歸明年天津警

詔起之冬

命率吉林黑龍江察哈爾兵千八百赴太僕寺卿袁甲三徐州軍九年春與宿濰兩營騎兵分路攻滄北捻逆曹金斗金斗據圩死守圍而臨

續神傳卷五十二

七

以火器賊眾亂破之乘勝疾攻捻逆張寶全復破之而懷遠逆首張樂行以步騎萬餘陷泗州據草溝民寨北築一圩為犄角關保合民團進奪圩外礮臺燬其圩寨賊出不意大驚則開東南門分竄自相踐蹋死濠間纍纍其逸出者躡擊之屍積數十里河水為不流至五河雙渡口餘賊方奪船爭渡我騎然槍排擊復殪大半斬賊外獲長髮賊渠張起等三百有奇及軍實甚夥

詔以副都統記名時徐州鎮總兵傅振邦督辦三省剿匪事宜

命為幫辦攻逆首任乾於畢圩未至適捻逆張天福敗臬濟水擊斬之師進任乾突走不得反入圩乘勢壓攻圩民內應斬乾殲其死黨千餘無脫者夏

文宗罷副都統伊精阿河南防軍

命接統之督辦河南剿匪事宜仍為傅振邦幫辦尋授黑龍江副都統秋捻逆犯亳州遣將敗之時逆首孫葵心聚黨於永城分起齊出

詔江蘇豐碭等處賊勢將蔓延未可更令闖入山東邊境宜督參將承惠等截賊西路逼之歸巢既而葵心分擾商邱柘城圍睢州且至杞縣開封戒嚴

詔赴援俄承惠挫於亳州賊趨蘭儀分擾通許尉氏益近會城急自鹿邑馳抵陳留令諸軍夾擊偕巡撫瑛榮疏聞

趨舞陽復分緣鄆城之洪河而西期於舞陽復合令副將王鳳翔率騎兵馳扼洪河自以步軍繼進鳳翔擊賊洪河北岸敗之明日賊攻臨潁督諸軍戰城下有劇賊擁燾自其陳呼嘯出賊眾從之勢張甚我軍殊死戰陳禽擁燾者葵心親屬孫套也賊氣奪遂潰逐之並敗其踵至者夜逃精騎劫賊營又大破之拔難民千餘斬馘無算賊遂東奔偵別賊竄扶溝太康要之王隆集復敗而奔於是南路餘捻還巢北路亦三戰三捷河南肅清明年

命勝保督辦河南剿匪事宜關係仍爲幫辦賊擾虞城夏邑鹿邑遣將擊走之賊俄又大至逼近會城

詔詰關保駐鹿邑何以未截擊致賊深入令勝保據實以聞勝保疏陳河南鄰賊之處表延千里無險可扼加兵力單薄防務視他省尤難此次賊近開封關係方厯周家口至項城汝陽扼勦東路聞警卽由睢赴援忠誠勇敢眾所共知復言其敗捻逆蔡溝追至槐店斗門斃賊數千

續傳卷五十一

八

狀

詔獎之尋戰汝甯確山魏橋皆勝秋賊窺鹿邑旣設守仍遣將破之劉集並解邱集之圍賊尋復糾眾來攻遣將聞道出賊後與城中軍合擊賊大敗遁於是河南再肅清尋以舊傷發給假調理同治元年之任黑龍江八年卒

德玉傳 吉林通志

德玉瑋春人其氏與所隸之旗未詳善火槍暇走一騎獵山中百發百中同治四年吉林所在皆賊賊窺會城有備遂竄甯古塔逼瑋春時軍興徵調四出德玉雖以防禦留而守望不具賊至趨東門徑入舉城沸然德玉槍而騎獨馳逆之一槍賊渠殪再槍賊執旗之目殪賊連喪其酋大懼又沸聲四起慮有伏且自來無單騎臨戎者乃疑而遁以功擢協領是役以一人全城在古亦罕曾幾何日他事實乃一無所傳卽此傳於誰何亦幸耳惜哉

花哩雅春傳

吉林通志

花哩雅春吉林人其氏與所隸之旗未詳咸豐初從征新疆以戰創回旗調理道出奉天廣甯時馬賊不靖擾及

興京廣甯民懼將他徒謂曰無懼賊眾烏合耳吾戰天山瀚海間嘗以百人破敵二千今從者四十人雖創殘之餘皆經百戰矧有城可憑何懼哉由是民恃以守賊至擊去之積前新疆功授盛京副都統當是時賊有竄吉林者而敗或獲其礮則

興京守

陵者也署將軍德英以聞

詔下其事奉天奉天覆言

陵礮無恙會德英以憂去繼者亦疏言覆驗非是也

馮軍門傳

陳繼聰

馮公標字雲卿湖南衡陽人生而膂力絕倫兒時嬉戲有物赤而毛與搏物不勝逃去攬得臂上毛長數寸以視其父父頗異之及長不治生產任俠自喜爲衡州協鎮標兵尋補外委咸豐四年隸彭公玉麟爲水師哨官以勇健稱遷至千總明年冬水師中營改陸軍命鮑公超領五百人爲一營號爲霆字營以鮑公字春霆也公實總其營務營務之職不在陷陣攻戰而霆營最號敢深入公每戰必先登戰黃梅中礮丸自左顛入出於右頰骨碎血溢公益大呼期必破賊乃還兵眾壯之莫肯返顧遂破賊四十八壘鮑公驚歎卽上狀幕府擢都司八年戰漢口黃安麻城十一年戰夥縣羊棧嶺廬村援江西追賊豐城赤岡嶺皆有功累遷至記名總兵

續傳卷五十一

九

給赫勇巴圖魯名號仍領鮑公營務如故同治元年大軍旣克安慶進圖金陵公從鮑公由仙人橋往攻新河莊之賊營二年十月破之尙有東夏四壘爲建平東壩之關鍵鮑公令公屯軍東夏賊恃牆闊濠深堅伏不出公逼其壘手刃悍酋諸將周有勝王衍慶遂率眾進一鼓而登四壘悉平於是東壩守賊黎之新建平守賊張勝祿通書大營請以城降侍郎彭公玉麟與鮑公定議自任東壩而以建平撫事使公往公入其境宣諭利害張勝祿等十三人感極涕零矢志不貳卽於是日斬僞王藍仁得舉城以降而東壩亦克復公仍從鮑公駐守東壩爲金陵游擊之師旋授涼州挂印總兵官三年六月江南平定

天子嘉公功

賞黃馬褂

賜獎武金牌記名以提督簡放加一級明年解營務將赴任涼州而關中回部亂鮑公亦奉

命赴陝甘軍先還夔州別將領其眾從江西泝江入漢公與同行至金口湖廣總督用藩司議約其軍留金口待餉士已怨望餉又不時至眾大譟散走者五營多兩廣降寇結陣而行欲還其鄉所在輒以叛卒待之又不敢逆戰眾益狂恣頗殺官吏然南走如故取閒道行不犯大城州縣望風失守一年乃破散云初亂統將逸出將上變公亦先至漢口自請署己名竝上或曰此當有罪君無為豫其事公歎曰是何言歟標自領營務十餘年今雖為客然同行不能約束而使代者一人獨當罪非義也卒署名俱奪官聞者冤之公自若也鮑公益愧負之請與俱行未幾鮑公移軍福建廣東平嘉應州奏公功復原官六年從征擒寇感疫疾舊創亦發卒於軍年四十大帥曾文正公奏敘公忠勇得以提督立功病故例優卹入祀京師昭忠祠公為將雄猛無敵冠於一時而行軍紀律極嚴自霆營以殺賊稱最由是楚蜀驍桀之徒歸者日眾所過擾民公獨約束如軍法暇輒引悍卒與之談天道禍福冥報不爽語甚剴切軍中頗有所悚感故所至民思之曾文正公尤以是惜公馮氏在霆營者曰定國曰星均以勇烈著定國以千總攻太湖死在咸豐九年星以游擊從征擒寇陷陣死即公歿之歲也

續碑傳卷五十一

十

論曰自寇難起霆營最多驍將馮軍門與宋元戎國永尤著名其左右主帥掃除逆寇二公功亦相同也若馮軍門當金口兵變時以客將而甘與統領均罪尤有國士之風豈僅糾糾武夫以折衝禦侮見長哉

劉達善

副都統銜哈密辦事大臣兼署烏魯木齊都統保公行狀
公諱保恆字艾峰其先為元裔蒙古博爾濟吉特氏始世垂爾札爾天聰八年以元魯特貝子部落來歸隸滿洲正藍旗授二等輕車都尉二世巴朗順治初肅親王徇山東豫親王徇陝西江南閩浙與有功晉一等輕車都尉加一雲騎尉

覃恩遞晉二等男三世拉普齋以討平吳世蕃敘功晉一等男加一雲騎尉至六世多隆武例改至一等輕車都尉加一雲騎尉罔替是為公祖多隆武公生尙安泰尙安泰公生公生八歲而孤嘉慶七年襲世職十八歲引

見以旗員用歷升印務章京副參領道光十七年揀發陝甘以參將用歷署甘肅慶陽營陝西西安城守營參將潼關協副將二十四年補甘肅靈州營參將明年署甘肅提標中軍參將是時侯官林文忠公則徐自戍所還攝總督特章薦公擢甘肅中衛協副將徵署陝西西安協副

將文忠旋去後來者益倚公歷署陝西延綏甘肅甯夏兩鎮總兵二十年調補陝西洮岷協副將尋以堪勝總兵膺薦入都三十年二月文宗顯皇帝召見問陝甘營制利弊悉對稱

旨四月簡放直隸大名鎮總兵數召見八月調江南徐州鎮十月調直隸通永鎮

陛見明年咸豐改元於是

上謁東陵通永鎮駐盧臺屬甯河縣故事於通州迎駕隨之隆福寺復送之通州自通州至隆福寺四

召見數賜食最後見時適左足為馬蹶傷跛不能前中官扶掖之入

上問之加勞慰命郡王僧格林沁與之藥且諭旋鎮毋送遂歸二年署直隸提督先是

長髮賊起粵西殘楚皖破江南分道北犯直隸總督訥爾經額防臨洛關公奉

命自古北口移駐保定賊犯山西公移故關賊越太行襲臨洺公移正

定所當皆賊衝至是日益迫賊突柏鄉斃城相距數十里公以兵二千

守滹沱河宣稱二萬多張旗幟日夜望伺躬不解甲所部多客兵新募

或請入保定公知其意斥之屹不動賊乃徑藁城趣天津識者謂賊

不北而東使京都得嚴備諸將得躡討公之功為多初公之在保定也

上以某尙書駐保定公數以兵事要害爭尙書不能難會臨洺關陷訥

爾經額罷尙書攝總督因京東鹽匪亂疏請公旋通永鎮沿途捕匪保

定距盧臺為程十一公且捕且行旬有二日至鎮而尙書遽以遷延奏

劾部議降二級調用四年正月旋京故事必引見分內外用公稱疾不出亦不辯四月特賞頭等侍衛授塔爾巴哈臺參贊大臣數召見問足疾愈否及降調之由具以對嗣調烏什辦事大臣九年足疾發乞歸明年八月上幸灤陽京師士大夫或託故去位居者輒遷徙公曰吾年六十六未見有死可避者屬家人皆弗去遂起病詣行在召見

續碑傳卷五十二

十一

賞頭等侍衛十一年四月加副都統銜授烏魯木齊領隊大臣同治二

年三月署古城領隊大臣四月奉

命之哈密查辦稅務積弊得實奏擬如律旋古城三年六月調哈密辦

事大臣先是蔥嶺以南漢回叛陷庫車喀拉沙爾嶺北亦煽變犯古城

公擊退之會烏魯木齊漢城自陷滿城求援於伊犁遲久不至亦陷嶺

遂踞於賊南北路絕伊犁自衛於西東則哈密巴里坤皆做擾於是公

始奉

命兼署烏魯木齊都統駐古城辦防守事宜疏請以庫爾喀喇烏蘇領

隊大臣惠慶署古城領隊大臣未報而賊犯濟木薩古城漢城兵潰遂

圍滿城急公在哈密即發足疾至是益甚策杖登陴揮淚晉眾城中男

婦老穉合數百人賊什倍之槍礮矢石不絕聲二十餘日抵死殺賊數

百無異志而饑盡援絕慷慨發憤疾轉劇以十一月三十日卒於軍年

七十方疾亟時以領隊大臣印授惠慶曰古城北路之吭無古城全局

沒矣遺疏陳兵事危險狀不為子孫乞恩惠慶以聞

賜卹如副都統例公元配索綽絡夫人無出繼配伊爾根覺羅夫人生

子錫縝女一側室

地封張夫人生子錫綸女二長女先卒錫縝咸豐丙辰進士三品卿銜

戶部銀庫員外郎錫綸以刑部主事隨任古城得視舍殮奉公遺屬不

發喪權厝於官署後與惠慶守城益力越六十餘日圍不解明年二

月初九日賊潛以地雷轟破之城陷惠慶死之張夫人率繼媳烏蘇氏暨

次女幼孫縱火自焚闔城巷戰多死錫綸視火發以百餘人血戰突圍

東走九十里明日至奇臺縣僅七十人得脫是日賊走烏魯木齊十三

日錫綸急歸古城求得公柩及張夫人暨其妻妹等之尸又得惠慶尸

皆移厝奇臺城北且掘取領隊大臣印救官兵婦女傷未死者數十人

續碑傳卷五十二

三

賜旌卹而

諭留錫綸於軍錫縝奉伊爾根覺羅夫人在京供職以公盡瘁危疆家

屬殉節上書大農疏請得

優卹如副都統軍營病故例錫綸既留文麟軍營帶勇接仗濟木薩三

臺等處多失利五月奇臺陷文麟走巴里坤而令錫綸北赴科布多調

蒙古兵九月差旋文麟已走嘉峪關奇臺克復後又陷賊張甚錫綸乃

以舊古城滿兵數人自鄂倫布拉克軍臺改裝徒步牽一老駝不鳴者

蹴冰雪數尺潛至奇臺城北往返七百餘里凍餓瀕死竊負其父母妻
妹及惠慶骸骨以十二月歸科布多明年二月參贊大臣廣鳳以聞且
請以舊古城兵十人由北路蒙古軍臺送柩旋旗

報可錫綬於是乞假出張家口以四月三十日與錫綸扶柩到京
上遣禮部侍郎宗室縣宜致祭

賜全葬祭銀如例五月二十日葬於東便門外運河南半壁店之新塋
錫綸以卹典例得引

見蒙

恩擢本部郎中

朝廷所以酬公者厚已公幼有至性事太夫人鈕祜祿氏孝舊例世職
不得與試遂棄舉子業博觀史書講求經濟及

國朝掌故精騎射自矢爲

國宣力卒以無負其言生平愛友朋重然諾所至遇鄉人死亡無力者
必資以歸持躬清嚴而同列佐校下逮亭公弩父莫不依戀其恩每遷
徙多涕泣願留者達善與錫綬同舉順天鄉試於公年家子也獨恨未
見公願與錫綬游知其學之有自而林文忠一代偉人謫戍新疆過西

安與公一見如舊相識竟日夜談天下利病後皆如所論北平徐松知

榆林府時輯蒙古源流攷輒商定於公由此觀之公之設施未竟也

宋軍門傳

陳繼聰

宋公國承四川人生而趨健膂力絕人家貧落拓困於風塵無有知其
爲干城材也咸豐三年湖南在籍侍郎曾文正公奉

詔督治鄉兵乃駐衡州造戰艦創水師而以鮑公超管領之鮑公與公
爲同鄉方編立霆營招依畫之士爲已助公乃應募隸其部下遂從鮑

公克湘潭取岳州收復武昌皆預其役四年九月大軍攻田家鎮賊據
半壁山以巨礮轟擊公船當其衝簸盪落水賊圍攻之公猶於洪濤激

浪中躍立船背死戰會李忠武公兵至賊大敗遂平田鎮鮑公上其戰
狀巡撫胡文忠公歎爲壯士由把總擢都司是爲公立功之始而威名

亦漸著矣六年水軍改爲陸師公充營官七年進攻小池口破黃梅等
處悍賊八年收復麻城黃安迭平雷公埠石牌賊壘循集賢關抵安慶

是時寇氛正熾僞英王陳玉成方鳴張桐舒聞李忠武以楚湘百戰百
勝之勁旅至敗沒於三河而一遇霆營無不拔靡鮑公一軍聞天下得

公之力爲多云十年克復潛山太湖破賊營百餘里湖廣總督官文恭

公遂與胡文忠公銳志圖皖而曾文正公亦挈鮑公渡江駐師祁門然四面皆逆壘勢岌岌鮑公固受知於曾公最深者至是誓解其圍乃由漁亭進攻休甯大戰於羊棧嶺卒保祁門轉危爲安惟公實左右之敘功擢至記名總兵明年援剿江西景德鎮破洋塘等處之賊進復建德再援江西解瑞撫二州之圍仍馳回安慶協克省城會布政使曾公國荃往取江甯直抵雨花臺首逆洪秀全大懼分黨竄擾於是南岸如甯國青陽銅陵涇縣等城北岸如無爲州巢縣含山和州等處各僞王擁悍卒蠡屯螳聚爾漫千里內官兵望之失色謂其勢盛不可圖也賴霆軍奮勇馳擊使賊首尾不相顧大小百餘戰公爲前鋒無不身先士卒陷陣衝突賊見霆營旗幟畏之若虎百萬紅巾至是不啻摧朽拉枯同治三年六月大軍遂克江甯省城論者謂曾布政雖能堅忍耐苦然兵頓於堅城之下久則必至糧匱士惰若非彭侍郎楊提督水師由上流而下與霆軍埽除四出外應金陵老巢未易克也曾文正公疏奏霆營諸將功鮑公之下以公爲第一擢記名提督授雲南鶴麗鎮總兵官以兵事尙棘仍在軍中未赴任當江甯之將復也賊知不可守冀竄伏江西延其殘喘先以逆酋汪海洋李世賢趨入撫建鮑公知之卽移師往

續神傳卷五十一 十四

討之連克金谿南豐新城瑞金四縣追賊至福建境江西全省肅清四年二月霆營因關隴亂由閩赴甘暫住江省俄而軍士以索餉鼓噪幾至激變公素爲眾推服再三開導言於江撫沈文肅公發餉銀十九萬餘兵心乃定尋馳援廣東克復嘉應州城五年擒寇大擾河南湖北詔命鮑公督軍往剿公遂由鄂入豫追逐襄宛之間以遏其衝六年三月鮑公患病奏請解職回里湖廣總督李公鴻章令在營調治而命公與提督唐仁廉統其軍凡三十餘營適賊竄犯雲夢應城天門諸縣李公急檄霆軍至鄂分屯要隘五月公自隨州回旆西向大破捻渠任柱賴文洸之眾於安陸等處餘賊走南陽楚疆告靖已而曾文正公奏裁霆營唐提督奉檄率騎兵北征捻寇而東南已底定公亦息汗馬之勞矣後因兩江總督李公宗義之奏駐防鎮江整飭戎伍操練不倦荏苒符斂戢民皆安之光緒初閩浙總督何公璟以福建巖疆亦需宿將鎮守調公至閩四年五月創發疾卒督臣具疏以聞

命照軍營立功後病故例從優議卹並入祀四川湖北昭忠祠公起田間入戎籍自咸豐三年至同治六年始征粵寇後討捻逆歷十五年之久躬環甲冑衝冒矢石戰必先登金創偏體而勇氣不少挫時霆營驍

將著名者不可勝數公實爲之冠每當軍事顛危主將受創士心惶恐公獨不懣不悚全師而歸秣馬厲兵以圖再戰眾志藉以鎮定至其持身廉正爲人和易可親不以戰功自詡尤爲武臣中所罕有云

論曰宋軍門賢將也其時統帥固勇略蓋世而成其名者實賴朱公之助乃能有功不佞謙以自下於是軍心益加輯睦卒佐鮑公協取金陵戡定大難殆與唐阿跌光顏一輩比烈矣嗚呼亦赫濯景鑠也哉

魁玉傳

荊州駐防志

魁玉字時若滿洲鑲紅旗人京口副都統額勒精額次子性忠孝以功業自期童子時卽席賦詩見賞於湯敦甫相國事父母極得歡心受室後奉養愈謹遇督責夫婦長跪聽受父母歿哀毀幾至滅性春秋祭涕泫泫下其孺慕至老不衰由二品廕生歷擢涼州副都統咸豐初會同侍郎會國藩提督塔齊布截剿上竄逆匪經將軍官文奏留楚北辦理軍務歷復武昌沔陽漢陽漢川黃州蘄州蕪水廣濟黃梅麻城螺山新隄洪湖沌口大小軍山等處當克沔陽時腰與左骹受重傷得長子札爾哈蘇左右護持振臂再戰再克

賞戴花翎五年荊州戒嚴

續傳卷五十二

五

詔署荊州右翼副都統堵剿襄河一帶五月調江甯副都統在金陵小水關攻剿四載餘身經數百戰嗣守丹陽與賊戰刀傷右眉深寸許血溢盈斗是時四子墨德哩隨征割袍裏創手刃數賊賊懼而退八年署江甯將軍十一年幫辦鎮江軍務同治三年四月克復丹陽

賞隆阿巴圖魯名號六月克復金陵

賞雲騎尉世職自軍興以來十餘年玉轉戰湖北江南犯霜露冒鋒鏑瀕於危者屢矣戰功盛著降者給金遣散盜賊爲民其勇而有仁如此十二月調京口副都統四年五月補江甯將軍金陵新復與曾文正李傅相籌辦善後事宜七年入覲

賞紫禁城騎馬九年署兩江總督兼署通商事務大臣十年調成都將軍成都事繁劇吏務民教多棘手悉心籌畫措置得宜駐防丁多額少奏添養育兵百名部議從之光緒三年舊傷發乞骸骨歸出千金以助鄉黨困乏興書院助鄰振凡善舉皆樂爲之喜吟詠有翠筠館詩卒年八十

賜諡果肅

郭武壯公家傳

郭嵩燾

公諱松林字子美湘潭人父縉修有學行名能書畫生平應人之急不爲有無計人稱長者公少所馳不羈以武健魁奇自喜讀書略觀大意嘗發憤言功名惟意指取度其父世儒不敢開陳己意一日適市聞威毅伯曾公提師出吉安卽走赴之於道見驛馬者驅馬數十視其一駿馬也披取樹枝斷而挾之爲箠出不意騰躍馬上急鞭之一日夜馳數百里曾公奇其貌留帳下每戰先登無當其鋒者稍領一軍攻城陷陣功常最肅毅伯李公援上海詣曾公言曰某軍新集願得強悍如郭某者倡勇敢導先士卒曾公慨然資以行公益自奮堅城大敵以身當之不爲前後顧慮而所至亦皆應時奏功其克無錫也方相持搏戰而公閒道率輕騎掩至薄城急緣以上賊噤不得施諸軍亦皆驚顧相咋當是時郭軍剽悍之名聞天下旣克常州定諸城邑遂復蘇州始以參將從李公淳至提督授福山鎮總兵功益高名益顯而未嘗以勳績自多平居恂恂虛心善下於諸將帥皆得其歡心積功敘階聞其超遷咸喜相告以爲宜莫有忌嫉李公所部諸將皆淮人負氣陵上一語不得怒嗔相諍是以李公尤倚重公如左右手焉李公臨事尤持大體方蹙捻匪山東李公駐東昌與山東巡撫丁公分河爲守而劾奏山東守將失

續傳卷五十二

共

律事丁公大憾公曰臨敵將帥不和於兵法爲大忌且山東主人而我爲客客下主人在禮爲宜乃以李公命詣丁公反復開說二公省悟交歡守河之議始定而事卒以濟公於是時權衡緩急輕重引大局爲喻所保全尤大然則公之功蓋非徒戰勝攻取之爲也初任福建提督未赴改湖北凡再任又改直隸所至兵服其教民懷其德常日夕退坐東堂延納賓友討論古今成敗得失驗知其行事若者可以法若者可以爲鑒從容雅歌意量無窮其風尤可尚也公生於道光十三年癸巳歲十一月二十二日卒於光緒八年庚辰歲四月二十一日年四十有一其卒也妾趙氏仰藥殉焉督臣具其事以聞得旨旌表君子知公所以庇其家者其教又行於女子也郭嵩燾曰武壯之起於諸將爲晚出其家儒者有士君子之風余自廣東罷官里居武壯亦以憂歸日與往來甚勤未嘗聞其談說戰爭時事也其弟函萬狀其行實求銘亦不詳要其大節表表在人耳目得采掇其大凡揭之墓道其軼事尙多可紀者就余所知缺略多矣然往往有關天下利病大計其語祕非世俗所稱道余竝論次爲武壯公別傳以遺其家藏焉

金順傳 吉林通志

金順字和甫姓伊爾根覺羅氏吉林人隸滿洲鑲藍旗少孤貧事繼母
孝性忠懿樸勁踰冠從戎崎嶇三十餘年入死出生與軍事相終始非
偶然也咸豐三年粵逆竄山東隨大軍禦之以功授驍騎校

賞藍翎六年隸副都統多隆阿敗賊湖北麻城蘄州尋破之黃梅縣
賜號圖爾格齊巴圖魯

賞換花翎九年攻安徽太湖諸賊壘克之明年助楚軍克太湖歷擢協
領加副都統銜冬我軍圍安慶逆酋陳玉成擁眾自舒城廬江西上牽
制我軍勢張甚多隆阿營挂車河嚴陳以待賊徑渡我軍三路迎擊戰
方酣金順以騎兵出香鋪街貫賊中堅賊卻合軍逐北二十餘里賊壘
悉平賊渠黃文金渡江規與玉成合逆擊之新安渡斬敵甚夥當是時
多隆阿以荊州將軍將騎提督鮑超將步軍行輒相輔為賊所畏號多
龍鮑虎東南諸統將無與抗行而金順故多隆阿部將冠擊賊常為軍
鋒同治元年粵捻合據河南荆子關隨多隆阿攻克之明年多隆阿以
欽差大臣赴陝西剿逆回率所部從王閣村羌白鎮並賊老巢至立克
之尋敗賊渭河刻平南岸賊寨

續傳卷五十一

七

賞頭品頂戴進克高陵縣涇河池北肅清乘勝破蘇家溝渭城賊巢三
年漢南賊東竄鳳翔率騎兵逆擊於灃峪殲之幾盡全陝回務肅清方
西安被圍賊眾號十萬晝夜力攻城中危甚所在援軍莫適先發金順
所將僅數百騎出賊不意冒圍直入縱橫盪決賊遂土崩巡撫劉蓉盛
陳其功稱忠勇有謀不避艱險每戰必先馭軍尤嚴明有法授鑲黃旗
漢軍副都統尋調西安副都統粵逆逼會城為官軍所遏西奔督騎兵
追及灃河東岸興隆鎮大敗之而逆首悍黨屬集蓋厘店子頭田峪口
等處進軍南集賢村偪賊而壘直擣店子頭賊三路出禦麾騎蹂之賊
陳亂所殲以千計毀其巢賊退據鹿門村各堡為持久計旣而賊將攻
淇水二堡偵知會諸軍截擊多所斬賊明年攻甯夏城南賊壘奪其礮
臺固原賊合於逆回蔓延黃河兩岸率軍分三路趨黃渠橋寶豐南擊
之斬逆首孫保義等五年調甯夏副都統尋署甯夏將軍七年剿賊定
邊勝之而逆回竄據甯條梁陷懷遠犯甯榆南關

詔趨赴甯條梁秋師進榆林連戰皆捷賊走葭州遣將敗之關山苑及
張家坪明年復綏德州擊敗榆林賊尋聞陝賊圍甯夏疾馳抵纏金會
提督張曜等軍大破之冬逆回趙五阿渾自陝來援王家疇偕張曜逆

擊斬趙五阿渾進克馬泰納洪兩寨身被數創九年逆回馬化隆誘甯郡降回馬萬選復叛遣將擊走之尋以新渠甯郡防軍無多陝甘各回麟集疏請濟師

詔提督宋慶率豫軍兼程以赴夏王家疇賊自牛頭山竄河西會諸軍敗之黃渠口斬悍酋梅照喜等明年克王家疇

賞穿黃馬褂進攻通貴堡克之獲馬萬選餘賊窮蹙乞降擢烏里雅蘇臺將軍疏言未能遽之任請暫統全軍進討甘涼鎮番諸賊

允之尋以還甯夏未報起程赴鎮番

詔礮職即日督所部赴肅州道擊鎮番賊勝之會烏魯木齊提督成祿行抵金塔

詔速赴肅州統其軍十二年秋與欽差大臣陝甘總督左宗棠會師肅州攻克之

詔復原官

賞還黃馬褂花翎勇號肅州既復議出關役苦餉艱諸將多內憚金順獨請行宗棠疏陳謂服其力顧大局會

詔以烏魯木齊都統景廉駐古城兵力甚薄

命率所部二十營赴之規復烏魯木齊於是遂發出關數十里軍忽不行問之則曰先鋒營駐有所議知且變疾從數騎馳視有三弁迎陳所以手刃斬之營官偕一哨官至復刃之營官書記在旁曰奈何不令一言又刃之麾其軍曰敢留者視此於是角聲嗚嗚軍以次行駐馬視過

盡乃列六屍拜之曰雜賦豆麩不飽佐以野蔬天下無若西軍苦此行度戈壁並乏水草吾非不知但不忍汝六人如全軍何如

國家何又如關內生靈何遂放聲大哭聞者由是知盡瘁事

國苦心矣道授正白旗漢軍都統明年至古城與景廉會師因演礮兩軍外漢回觀者數百千人金順長身楨面微鬚額甚闊而鏡下材官旁

侍大抵及其乳聲若洪鐘見之莫不聳異於是景廉所部指敗堵煙筒為的擊之再煙筒無恙所部管帶開花礮隊總兵鄧增粵人幫帶參將

張玉林江甯人拉礮進且曰許大煙筒何足擊請捲旗卓之為的玉林測視畢請於金順又測視畢礮響旗飛如翦霞空際既而增亦爾觀者

謹呼聲震遠近逆回聞之氣奪尋命幫辦新疆軍務光緒元年調烏魯木齊都統先是逆酋白彥虎糾脅賊眾竄瑪爾斯據為老巢時窺古城勢復熾明年進軍攻之既拔黃田

續傳卷五十二

九

賊卡長驅古牧地破其堅壘連下烏魯木齊迪化昌吉呼圖壁各城直逼瑪爾斯陳斯僞元帥馬與南北兩城相繼克

賞戴雙眼花翎

子雲騎尉世職調伊犁將軍四年攻克西四城回疆底定率軍收還伊犁鎮之十一年入

覲道卒

詔給銀千兩治喪靈柩回旗官爲護送

錫祭葬如典禮加太子太保銜

子諡忠介初金順婚瓜爾佳氏逾月屬事繼母撫諸弟遂出而轉戰數十年至新疆乃遣奉一品夫人

誥命迎之氏謂使者曰太夫人老矣甯能涉萬里吾義不得獨行且彼處盛姬侍能多育子姓宗祧不墜吾又何求遂不往時爭賢焉而金順故隸多隆阿其取受頗異又於幕府士不能禮下士以故多去之他軍其會攻王家疇他將幕府豫草奏以待旣克卽發金順功實最徒以入告之後

賞次他將時不以他將爲瘠功謂金順失土宜爾此非篤論然旣開幕

府又可使虛無人哉

讀碑傳卷五十一

九

穆圖善傳

吉林通志

穆圖善姓那哈塔氏黑龍江駐防隸滿洲鑲黃旗咸豐三年以委參領從征河南轉戰直隸山東湖北安徽諸行省所在有功而戰安徽太湖潛山挂軍河及桐廬功尤最累擢協領以副都統記名

賜號西林巴圖魯

賞戴花翎同治元年荆州將軍多隆阿督辦陝西軍務隨以行以功加都統銜三年多隆阿攻盩厔卒

命署欽差大臣擢荆州將軍督辦甘肅軍務六年署陝甘總督十三年入覲

子雲騎尉世職光緒元年吉林馬賊由松花江竄巴彥蘇焚毀衙署東走呼蘭復誘挖金開荒等匪出山肆劫調署吉林將軍呼蘭賊竄黑山由三姓走甯古塔之樺林樹官軍先後殄之而東山金匪聚十餘萬烏斯渾卡倫外又聚馬賊數百謀掠阿勒楚喀尋以派軍堵剿無所得食其黨漸散疏言吉林風氣偷弱近來馬賊及徒步之棒子手橫行村落雖數百戶之屯市亦聞而畏避任其飽掠兵至則遠颺入山而山中

金匪十餘萬三姓長春廳亡命博徒久任城市與金匪暗通聲氣時欲竊發三姓甯古塔琿春邊外延袤千百里外患交乘通籌全局非練馬步隊萬二千不敷守禦計通省制兵七千七百餘以二千豫備供差外擬挑選西丹練馬隊七千步隊五千分駐操防三姓甯古塔馬步隊各一千由三姓甯古塔至省城以阿勒楚喀爲適中總路亦撥兵扼紮餘駐省城及各邊隘隨時調派稽查荒佃捕拏金匪冬春圍獵訓練操演不數年卽成勁旅實防邊要策戶部以餉需無措議寢明年坐濫保永不敘用道員留吉差委罷職尋起之五年歷調福州將軍十年法夷內犯

命大學士左宗棠爲欽差大臣穆圖善與漕運總督楊昌濬幫辦軍務以長門爲入閩門戶親駐防守法夷潛駛兵船入泊馬尾擊毀我兵船而我揚武兵船礮殪其酋孤拔夷船外駛穆圖善扼之於長門而夷接濟兵船益自外至礮沈其一相持四晝夜夷亟謀外竄列其船於長門對峙之金牌擊毀我礮臺二守兵潰獨所部屹然不動夷登岸來戰伏兵敗之獲其划船一礮二燬其舢板船二礮沈烏波船一餘船逸去明年

命爲欽差大臣會同東三省將軍辦理練兵事宜十三年卒

晉贈世職騎都尉

賜祭葬諡曰果勇

書朱軍門克金陵城事

記名提督朱洪章黎平人也字煥文英豁沈勇爲中興一時名將其克

金陵城尤推首功世罕知之者同治三年夏官軍攻城久不拔李臣典

建議於龍臍子山麓堅石最多處重開地道日列隊伍環攻積溼蘆沙

草填壘欲平接而前與城齊以疑寇使多備六月十五日甲申地道告

成議推前鋒未決有營務處朱雲章者楚人也以不得統軍爲恨大言

於洪章前曰若輩平日自命天下壯士今趣臨大敵便如鼠子卻縮探

頭穴中吾知若無能爲也洪章怒曰孰畏死者而汝爲是言乎攻守未

奉帥令若使某爲先登有不蹈萬死以取洪酋生致闕下者如此皎日

兩人爭論於營幕中曾公國荃聞之亟召諸將入署名令具軍令狀於

是洪章遂署第一武明良第二劉連捷第三其他以次署畢凡得九將

李臣典實土地道事雖列名未嘗任頭隊也乙酉日中發火城崩二十餘丈洪章率所部長勝煥字三營千五百人首先登城從倒口衝入是

時煙燄漲天，甄石雨下，賊復擁大眾謀堵築從城頭擲火藥，傾盆下燒。士死者四百餘人。洪章摧鋒勸進，所向披靡。仰登龍廣山，結爲圍。陳外傳與賊排擊，諸將畢登，乃分軍爲三。並馳洪章趨中路，直攻僞天府之北大戰。一日夜，倖禽僞王次兄洪仁達以獻金陵。平論功，李臣典居首。洪章最。四三閒或代爲不平，說洪章往刺幕府。洪章謝曰：「是何言之鄙也？寇亂方平，而爲將者爭功相殺，害此與賊黨何異？不將垂笑萬世乎？公止矣。吾義不肯爲也。」友人江甯知府孫海岑昔爲余言如此。孫名雲錦，桐城人。克城時，充行營文案，故能備述其詳。光緒十四年，洪章以雲南鶴麗鎮總兵入。

覲迂道至金陵，謁見曾公，憑弔死事諸人，立石瘞所。曾公爲之識曰：「同治三年閏六月十有六日，龍膊子地道告成，火發轟開城垣二十餘丈。甄石雨下，長勝煥字等營首先登城，前隊奮勇死者四百餘人，同瘞於此。嗚呼慘矣！亟誌之以表忠盡云爾。知其事者以爲實錄云。」

周剛敏公別傳 朱孔彰

周公盛，波字海舸，安徽合肥縣人。咸豐初年，偕同母弟盛傳在籍辦團練，以少擊眾，屢殲悍賊，保全其鄉。兄弟皆以勇聞。同治元年，李公鴻章

續神傳卷五十二

募淮軍援上海，公以守備領兵。從七月攻克青浦，八月解北新涇之圍，擢游擊。九月，克嘉定，賊眾環攻四江口營壘，會諸軍大破之。二年二月，克太倉，進駐雙鳳鎮，賊以崑山攻急，糾悍黨四萬餘眾來援，公與鏖戰。三晝夜，賊敗，遂克崑山。五月，進軍大河鎮，江陰無錫悍賊同時來犯，公要擊於萬水橋，踰賊壘百餘積，功擢副將。七月，攻江陰，奪東門外三石壘，援賊大至，又敗之。八月，遂克江陰，擢總兵。十一月，克無錫，屢破賊於芙蓉山。明年四月，克常州。

詔記名提督，並賞從一品封典。七月，收復廣德，追擊竄賊千餘里。蘇浙江皖之交，遂無賊蹤。四年，擒匪由鄂竄皖李公鴻章與曾文正公函商以爲盛軍可恃，調公渡江移勦。五月，調赴徐州，屬曾公適安徽巡撫英翰，公在雒河集被重圍，雒河爲捻逆老巢，凶饒方熾，諸軍莫敢攬其鋒。公晝夜疾馳，越宿州趨蒙城，直擣西洋集，大破賊於莊王圩。捻賊遜走。九月，移駐歸德。十月，截擊甯陵竄匪，大敗之。五年二月，進勦山東之賊，敗之鉅野。追至武城，荷澤破方阜賊巢，又往來游擊徐宿潁壽大破牛落紅於毫東，追至扶溝，鄆陵許州七月，曾公調回周家口築隄，駐守分兵迭解柘城羅山之圍，無何追賊入鄂，轉戰德安安陸黃州，捻蹤飄忽。

公日與馳逐賊嘗避盛軍而逸六年李公鴻章接辦軍務公屬李公二月駐防宿松顧皖省門戶三月復入鄂四月追至信陽州殲賊山中生禽賊目汪老魁等五月入豫追擊直抵東境之運河七月迎擊賴文洸賊眾於濟南泰安沂州追入江境東捻平西捻驟至七年正月李公調公軍北上二月追擊賊於臨清景州德州東昌大名三月截擊於內黃乘勝至清豐南樂五月大破賊於毛家莊乘夜追至楊丁莊鎗斃張總愚之姪張三彪生禽賊目李老懷六月遂會各軍滅賊在平

詔補授甘肅涼州鎮總兵

賞穿黃馬褂加法福凌阿巴圖魯於是軍事大定公乞假歸養弟盛傳

接統軍事凡戰公匹馬當先盛傳督隊於後以故士卒不敢回顧東伍嚴也十年秋法越肇釁復奉

詔自家起募淮士五千人防津沽於是兄弟復同領軍十月

慈禧太后五旬萬壽嘉公兄弟一體有功以公母栗氏年逾九十

賞御書扁額一方紫檀玉鑲如意一柄他珍物稱是明年李公以命婦

五世同堂奏再

賞御書扁額五月丁母憂公以總統前敵各軍

續碑傳卷五十二

詔在營守制盛傳以殿卒公獨統天津營光緒十二年醇親王出巡北

洋校閱盛軍嘉其精整奏奉

懿旨交部優敘明年授湖南提督

朝廷雅重公不令之任仍統軍拱衛畿疆又明年從李公鴻章出海徧

視旅順大連灣威海衛各口指畫形勝以備屯軍皆得其要十四年十

月卒於軍

優詔賜卹立傳建祠

予諡剛敏剛敏公為將法令嚴整而善得士心兄弟六人其四死於王

事惟與弟盛傳積功至專閩每念家難

國恩未嘗不感激流涕也捻匪平與弟盛傳言曰吾二人同乞歸不可

弟在軍操練舊部備緩急之用以報

君父故剛敏家居養母十餘年同時名卿或勸復出堅辭不行及海上

有事奉

詔徵投袂而起不遑卹私其深明大義如此

周武壯公神道碑

公諱盛傳字薪如合肥周氏淮軍之興剡粵鑿捻轉戰徧十八行省所

向有功今大學士李公鴻章爲之創而周氏昆季實羽翼之聲績爛然
右諸將則公與海船提督也咸豐三年粵賊始東江北諸郡縣之不逞
者蠶起公與第三兄盛華暨海船提督籍丁壯自衛時廬州爲賊有公
居西鄉賊之來攻者日且萬不少動四年盛華戰沒公內撫夷傷外禦
方張之寇戰守繕完士氣彌厲屢敗陳玉成石達開陳得才之眾合肥
西鄉團練名天下安徽巡撫福濟翁文勤公同書并欲上其功將軍多
隆阿書來相招皆婉謝之同治元年李公督師至上海規復江蘇挾公
俱東七月克青浦九月克嘉定又解四江口之圍二年三月賊目蔡元
濳僞以太倉降諸軍多爲所乘公有備獨先遂下太倉江陰無錫三城
獲賊目黃子濳父子積階至總兵十一月攻常州礮中公創甚三年二
月城賊潛犯楊厘擄我後公逆殲之既而反攻公登橋橋燬石雨隊聲
隆隆如奔雷公與俱墮將校披歸營昏不知人者竟日少蘇裏創戰益
力卒先登克之論者謂廓清蘇常之功常州爲艱而公其最也粵夷而
捻張曾文正檄公討之既又隸李公麾下馳驅潁六開而徐海而曹沂
而南汝光三年數百戰摧堅刈彊嘗之者靡雄河一役尤爲世所稱初
僧邸沒於荷澤捻益肆張總愚任柱賴汝洗牛洛紅井穴宿蒙亳三州

微傳卷五十一

五

縣而圍果敏公英翰於蒙城之雒河皖帥徵諸路援師先後至者數萬
相顧莫敢發公既至度賊已驕且倚其巢可一鼓而破也揮軍進任柱
以騎來犯殊死鬪公嚴勒所部數突數卻公以輕騎裹之柱奔河南北
賊數千壘同時潰諸軍解嚴益歎爲不可及也以功進提督旋授廣西
右江鎮總兵并

賜翎管班指諸物捻之西也公躡之東直豫之交我軍馮運河爲防七
年五月賊攻之急公伏礮於吳橋之毛家莊使騎步夾軍其前後迫賊
入隘礮作自相蹈藉賊死無算夜半再戰獲張三彪李老懷等三彪總
愚從子也而賊鋒用是大挫六月環諸在平南遂盡殪之捷聞拜黃馬
褂之

賜九年公從李公征逆回五月抵潼關六月斃北山賊馬意龍戴得勝
廓延綏榆之閒羣醜以殄出師不一月也十年李公移督直隸公亦屯
青縣之馬廠十二年海上有警李公檄公相形勢修守備具故明新城
屏蔽天津而旁控大沽北塘公首議成之凡有興作不主故常始是年
三月終明年九月爲內外城各一環城一周礮臺大者三小者七十一
既堅既完昔所未有於泰西器械必窮其良楛所在克虜伯礮哈治開

司槍初未異之也公力請於李公多購以爲備手訂操槍章程十二篇
陰陽向背風雨晦明之數剖析微芒於是北洋練法恆爲他軍則丙戌
醇邸視師天津亦謂公所部第一而公不及見矣初廷議規畿東水利
論者持異同公以新城之役往來津靜久其地濱海潮汐日再至一疏
瀹之與南中沃野比乃上書李公請開南運減河並陳三利其言曰洩
南運盛漲澹畿南十數州縣蕩析之災一也引甜滌鹹變斥鹵爲膏腴
二也瀕海數百里谿澗繚曲足以阻車騎蹙敵糧運爲海防一助三也
李公聽其議奏以屬公光緒元年調天津鎮總兵移屯潦水套今新農
鎮也自乙亥至庚辰役之時凡六年自斬官屯至大沽口役之地凡百
四十里又夾南運減河兩岸濬支河橫河六橋塌五十餘所溝洫映澹
之屬不可勝算洩蓄以時穡事大興凡墾六萬畝有奇士飽馬騰緩急
有藉然公之精力則少少衰矣壬午遷湖南提督仍留屯田乙酉六月
以母憂歸十四日卒毀也春秋五十有二

詔立功所在建專祠

子諡武壯公先世籍江西明正德中有曰福德者辟宸濠之難始遷合
肥會祖有成本生曾祖有益祖文彬考方巖并以公兄弟貴累

續傳卷五十一

西

贈建威將軍曾祖妣衛本生曾祖妣梁祖妣梁妣栗并一品夫人娶於
袁孝共儉勤稱公爲人後公一月卒子二家駒三品銜分發補用道次
家澤二品蔭生先公卒女二同縣阮貞瑞張其婿也公之客江甯
何延慶與煦善道公事甚覈公在軍十餘歲出入吳楚齊秦魯宋之郊
大小數百戰屢瀕於危嘗解衣示延慶刀彈之痕班班若刻畫而果毅
不撓卒成大功馭下嚴而甘苦共之有疾苦死喪者矜哀之過其家人
故士卒憚其威稜而愈樂爲用凡所規畫務遠且大不爲苟且目前計
假公不死所效豈有量耶公卒之次年家駒葬公合肥之戴大村煦乃
次公戰績之大者及屯田本末揭諸墓道其他行義更綴以銘銘曰
凡民有生曰忠與孝繫彼哲人維躬是蹈公之始孩母疾瀕危步禱紫
蓬右股一剖師干之試公北母南別母十載中心如憐母存公存母死
公死存爲忠臣死爲孝子畿輔薦饑振之翼之寒被之續飢哺之糜下
逮交河全活尤遠五萬餘人蘇稿蠲困稜者有堂孤者有塾何戚何疏
義正仁育下燭無竟上光日星後有考者請視斯銘

又周武壯公墓志銘 吳大猷

公諱盛傳字薪如世居合肥縣西鄉咸豐三年粵匪陷廬州公與其兄

今湖南提督盛波結鄉團禦賊以驍勇著名西安將軍多隆阿以書招之謝不往同治元年今大學士肅毅伯李公募鄉里壯健創立淮軍航海赴滬討賊公兄弟并從七月克青浦八月回援上海敗偽慕王譚紹洸於北新涇九月克嘉定復馳解四江口之圍每戰兄弟迭先後所向有功二年二月太倉賊蔡元濞偽降我軍猝中伏賴公嚴兵殿後以免卒克其城七月力戰復江陰十一月攻克無錫獲偽潮王黃子隆父子公兄積功擢提督公擢總兵是月攻常州逼城下受礮子傷甚劇三年二月偽護王陳坤書分股潛出犯楊庫擾我軍後路公抽軍回殲其眾復返攻城毀城外石壘方登橋指揮橋先燬於賊火忽中斷墮公水中石甃隨墜下擊傷偏體昏暈竟日公力疾復戰四月城克公以先登功奉

旨交軍機處記名遇缺題奏并加提督銜旋移壘溧陽又逐賊廣德復州城於是江蘇皖南寇皆平四年春曾文正公率軍渡江剿捻匪時忠親王新戰歿於曹州匪勢大熾圍安徽布政使英翰於雒河集甚急張總愚任柱賴汶洸牛洛紅諸逆首咸萃於渦河兩岸援軍莫敢先進公勒所部擊之大敗悍賊十數萬眾圍立解初公軍在江蘇咸偕諸軍進

續傳卷五十二

止至是獨當大敵以少擊眾稱奇捷諸軍相顧愕然八月進軍歸德十月追賊於甯陵曾公奏報有記名提督局盛傳素善夜戰之語五年三月敗賊於游莊寨曾公奏報有周盛波兄弟竭力苦戰膽智俱優之語由是公兄弟並拜翎管撥指刀鏢荷包之

賜五年大敗牛洛紅於永城又敗任賴等巨匪於太和是年秋李公奉命代曾公督師屬公兄弟往來游擊其時匪踪分合靡常蹂躪齊豫皖鄂之境諸軍疲於奔命奔蹶相續隨公擊賊於柘城羅山又蹙之於信陽譚家河斬獲踰萬復由豫逐賊入山東轉戰於江淮徐海之間兵未嘗稍挫東捻盡平七年正月張總愚等擾河朔逼畿南李公調公軍北援而公兄不及從三月公由德州逐賊至開州四月從李公赴東昌籌濟張秋引黃水入運河為圍賊計閏月公兄統銘軍馬隊公統盛軍步隊偕擊賊於陵縣敗之五月追賊至吳橋設伏狙擊殲其銳殆盡斬張總愚從子之彪禽逆首李老懷總愚不復能軍遂殲滅公以功賞穿黃馬褂旋東調赴鄂防江九年從李公赴陝西五月抵潼關六月剿北山馬意龍戴得勝等平之秋李公移督直隸公軍回駐臨汾十年軍青縣之馬廠光緒元年移屯天津之新農鎮公治軍嚴而有恩勤工

練力戒偷惰軍行頓次必警備戰必詳審敵勢思出奇蹈抵其瑕隙偶
不得必救敗以圖全軍故壯士少傷亡軍鋒久而不頓任事尤勇規畫
必冀垂久遠不肯苟且目前在天津籌海防備察沿海形勢以前明所
築新城地最扼要請改築堅牆爲內外城建大礮臺三小礮臺七十有
一兵房藥庫倉廩咸備工堅而費省又開南運減河目斬官屯達大沽
海口於減河兩岸開支河一橫河六多爲溝渠便農民引灌借淡滌鹹
變斥鹵爲膏腴開稻田六萬餘畝使畎澮交錯可限戎馬之足由是水
利屯田效大著公於同治六年補授廣西右江鎮總兵以擒匪未平未
赴任光緒元年調補天津鎮總兵八年授湖南提督以海防事要仍留
天津直隸頻年饑饉公捐貲設男女粥廠分振災黎全活甚眾忌者嫉
言官劾公

朝廷命大臣察其事竟無所得時

朝廷方倚公障海口公屢求退不獲公事母栗太夫人孝嘗割股以愈
母疾遠近稱之從軍二十餘年惟同治己巳辛未得請假歸省母尤善
體母好善之心在本籍創義學育嬰敬節諸善舉十年春病頭目暈眩
擬請假省母會法人構衅海疆戒嚴不敢以私請力疾籌備戰守心力

人構衅海疆戒嚴不敢以私請力疾籌備戰守心力

美

俱瘁十一年春款議成而公病已困憊矣是年五月聞母栗太夫人之
喪號慟幾絕聞李公爲額

恩賞假百日治喪六月初五日抵家哀毀甚牽引舊傷十四日嘔血卒
春秋五十有二李公具疏入告奉

旨從優議卹

詔立功所在及本籍建專祠

國史館立傳尋

子諡武壯公會祖有成本生曾祖有益祖文彬考方嚴皆以公兄弟貴
累贈建威將軍妣皆

贈一品夫人配袁氏有賢德後公一月卒子二長家駒三品銜分發補
用道次家澤二品蔭生早卒女二孫一行濬光緒十三年十二月初三
日公子家駒合葬公於合肥西鄉之戴村因而請銘於予予於光緒九
年秋由甯古塔奉

命統邊兵入衛畿輔駐新城與公時相過從商榷軍事公最先習用西
洋槍礮見新製必審其機括務得其命中之法由是北洋軍械爲天下
最手訂操槍章程十二篇日課軍士演練而破格以賞能者使爭自勸

勉公嘗語予曰西洋尙機巧火器堅利絕倫我若狃於往者剿匪之常勝恃舊有之軍械思與之敵則言戰固不如言和矣其言雖激其智慮有過人者因爲之銘銘曰

世變罔極憂患隨之昔爲內寇今在外夷公歷兵間爲時最久奮我矛戟屢殲羣醜及防北海壁壘一新金堅火烈電掣雷殷如斤如削曰宋曰魯大匠斲木擇利而取取人之善而不自賢用人宜爾用兵亦然識時務者謂之俊傑詎狃故習味昧自悅惟公知變變則思通因時制宜日起有功世稱公勇我謂公智以銘昭之永詔後世

續碑傳集卷五十二

續碑傳卷五十二

七

08759

